



চালাকি করবেন না,
সঙ্গে চলুন।

আপাতত ছুপচাপ দেখি
কোন পথ দিয়ে এরা শহরে
চোকে। তারপর অবস্থা বুঝে
ব্যবস্থা।



আমরা অবাঞ্ছিত অনুপ্রবেশকারীকে
নিয়ে আজছি, দলনেতা!



কিছুক্ষণ চলার পর-
সাজা গুহাপথে চলুন...

সামনে একটা
গুহামুখ দেখছি।



মনে হচ্ছে এই গুহাপথ এরা তৈরি করে নিয়েছে।



গুহাপথে দীর্ঘ সময় চলার পর-

আমরা গুহাপথের অপর
দিকে এসে গেছি।



শহরে ঢোকান গুহামুখে গৌছে গেছি।
এবার যা করার
এখন
করতে
হবে।



পত্রিকাটি ধুলোখেলায় প্রকাশের জন্য

হার্ড কপি দিয়েছেন - লাইব্রেরী
 স্ক্যান করেছেন - অপ্টিমাস প্রাইম
 এডিট করেছেন - পৌষালী পাল

একটি আবেদন

আপনাদের কারোর কাছে যদি কোন পত্রিকার বিশেষ সংখ্যা থাকে এবং আপনি সেটা
 স্ক্যান করতে চান কিংবা আমাদের স্ক্যান করতে দিতে চান
 তাহলে নিচের ইমেলে যোগাযোগ করুন

dhulokhela@gmail.com
 optifmcybertron@gmail.com

চুল কালো করুন নিরাপদে



সুপার ভাসমল ৩৩ কেশ কালো আয়ুরপ্রাশের গুণে সমৃদ্ধ, যা কেবল আপনার চুলকে প্রাকৃতিক উপায়ে কালোই করে না, গোড়া থেকে মজবুতও করে। যেখানে বেশীরভাগ সাধারণ হেয়ার ডাইতে ক্ষতিকারক কেমিক্যাল থাকে এবং তা আপনার চুলের ক্ষতি করতে পারে। সুতরাং আয়ুরপ্রাশ সমৃদ্ধ সুপার ভাসমল ৩৩ কেশ কালো ব্যবহার করুন এবং চুল পড়ে যাবার ঝুঁকি না নিয়ে আপনার চুলকে কালো করুন।

এখন ন্যাচারল ব্রাউনও পাওয়া যায়।






সুপার
ভাসমল
৩৩
আয়ুরপ্রাশ যুক্ত

কেশ কালো
আয়ুরপ্রাশের গুণে সমৃদ্ধ



বাঁটল দি থ্রেট







শ্রাবণ ১৪০৯
জুলাই ২০০২

শুকগাবা ৫৫

বাংলা ভাষায় সর্বাধিক প্রচারিত ছোটদের সেরা মাসিক পত্রিকা


সূচীপত্র

৩৫

হলিউড স্টুডিওতে শূটিং চলছে। অভিনেতা এক গোলগাল লোমওয়ালা বেড়াল। মনিবপত্র তাকে মেরেছে তাই সে নালিশ জানাচ্ছে মনিবের কাছে। শুধু কি এই নিরীহ বেড়ালটি! হিংস্র পশুও ক্যামেরার সামনে এসে কেমন মানুষের মতে অভিনয় করে। কিন্তু কারা শেখায় তাদের এসব? বামাপ্রসাদ মুখোপাধ্যায়ের চার রংয়ের ফিচার বাঘ-সিংহের কোচিং ক্লাসে আছে সেই সব নির্ভীক মাস্টারমশাইদের কাণ্ডকারখানা, যাঁরা তিলে তিলে গড়ে তোলেন তাঁদের ছাত্র-ছাত্রীদের।

৮

অজয়েন্দু মরেনি, সে সুনয়নী দেবীর মেজদা। অথচ দীপনারায়ণ চিনতে চাননি তাকে। এদিকে দেখা যায় ক্যাপ্টেন সিংহর পরিচারিকা সুশীলার যাতায়াত আছে



হরিবাবুর বাড়িতে। ক্যাপ্টেনকে যে অনুসরণ করত সে তো এখানেই এসে চুকেছিল। সৈয়দ মুস্তাফা সিরাজের ধারাবাহিক তিতলিপুরের জঙ্গলে আরো জটিল করে তুলতে এবার সুশীলা ও হরিবাবু কিডন্যাপ করল ক্যাপ্টেনকে।

৬০

বোশেখ মাসে কনকনে শীত, বাহান্তর বছরের স্কুল-পালানো বালক, তার আটনয় বছরের দাদু, এই নিয়েই এবারের ফিরে দেখা-য় অসমঞ্জ মুখোপাধ্যায়ের লেখা একটা আজগুबी গল্প।

Approved by the Directorate of Public Instruction
West Bengal as Children's Monthly Magazine Vide
Memo No. 456 (17) T.B.C. (Dated 5-7-88)

বার্ষিক গ্রাহক মূল্য হাতে নিলে ১১০ টাকা, ডাকে :

বুকপোস্টে ১৫০ টাকা, রেজিস্ট্রি ডাকে ৩২৫ টাকা।

Annual Subscription : UK and USA—By Air Mail
Rs. 645.00.

R.N.I Registration No. 2621/57

ফোন নং : ৩৫০-৪২৯৪, ৩৫০-৪২৯৫, ৩৫০-৭৮৮৭

ই-মেল নং : devshahitya@calltiger.com

মূল্য : দশ টাকা

৬৬

রাজা অমিত্রসূদন বড় বেদনা অনুভব করলেন। এই মুহূর্তে, এই ধ্বংস তাঁকে আকুল করে তুলল। বড় অপরাধী মনে হলো নিজেকে। কী উপায়ে যুদ্ধ বন্ধ করা যায় এই চিন্তায় অস্থির হয়ে উঠলেন। পারলেন কি রাজা অমিত্রসূদন যুদ্ধ বন্ধ করতে? কেন এই যুদ্ধ, কি তার পরিণতি তাই নিয়েই করবী বসাকের রূপকথা— স্বর্গাদপি।

১২

ঝড় জলের রাতে জমিদারবাবু মাঠ ভেঙে চলেছেন। সঙ্গের লোকটির হাতে বিরাট দুটো মাছ। আচমকা নাকী সুরে আবদার। কী আবদার, কে করল, কীই বা তার পরিণতি জানতে পড়ে দুর্বা বাগচীর ভৌতিক গল্প পূর্বধলার আতঙ্ক।

আরও গল্প

নাকছাবি—শিবানী নন্দী	৬
সংস্কার—সুজাতা বন্দ্যোপাধ্যায়	৪০
নিমু-চোর—রীতা ভট্টাচার্য	১৮
হাড়ুডু খেলা—রথীন সরকার	৫২
কাঁসার থালা—অনুপ বড়ুয়া	৫০
মিতে—বঙ্কিমচন্দ্র ভট্টাচার্য	৭০



পূরস্কৃত গল্প

গবেষণা (প্রথম)	—রথীন্দ্রনাথ ঠাকুর	৩১
স্মৃতিটুকু থাক (দ্বিতীয়)	—সৌভিক সেন	৩৩



ফিচার

গল্প হলেও সত্যি—তড়িৎ	
কুমার বন্দ্যোপাধ্যায়	২২
কেরিয়ার গাইড—ডি. এ. চন্দ্রণ	৩০
বিজ্ঞানের খবর—সন্দীপ সেন	১৭

ক্রীড়াঙ্গন

খেলা—শান্তিপ্রিয় বন্দ্যোপাধ্যায়	৪১
ফুটবল খেলার ইতিকথা	
—সন্তোষ কুমার বেরা	৪৫
উঠছে যারা—বীরু বসু	৪৭
শরীর গড়তে যোগ ও ব্যায়াম	
—তুষার শীল	৪৮

কবিতা ও ছড়া

আকাশ—অপূর্ব দত্ত	৫
গোঁফবাবুর কীর্তি—চিত্ত পাল	৬৫
মন্ত্রী-উজির—তপন কুমার দাস	৬৫

বিভাগীয় লেখা

চিঠিপত্র	৪৯
মনের জানলা—জগদিন্দ্র মণ্ডল	৫৭
আমরা বলছি	২৬
দাদুমণির চিঠি	২৩
তোমাদের পাতা	২৪
মজার পাতা	৬৩

ছবিতে গল্প

বাঁটুল দি গ্রেট	
—নারায়ণ দেবনাথ	১
হাঁদা-ভোঁদা	
—নারায়ণ দেবনাথ	২৮
বিচ্ছুর যাদুশক্তি—জুরান নাথ	৫৮
কার্টুন	৫১
প্রচ্ছদ : খুনে বিজ্ঞানীর দীপে	
—নারায়ণ দেবনাথ	

ঘোষণা

কল্যাণী মৈত্র স্মৃতি সাহিত্য প্রতিযোগিতা	৩৪
জানো কী!	৩২



স্যার বলেছেন—রোজ দু'বেলা
ছাদের ওপর উঠে
ঘণ্টাখানেক আকাশটাকে
দেখবে খুঁটে খুঁটে।

কোন তারাটার কী নাম এবং
কোন গ্রহটা কাছে,
জ্যোতির্বিদ্য কাকে বলে
সেটাও জানার আছে।

স্যার বলেছেন—আকাশ মানেই
টুকটুকে লাল থালা,
শিরীষ গাছে ঝুলন্ত চাঁদ
সাদা বকের মালা।

ও দিদিভাই, তুমিই বলো—
আকাশ কোথায় থাকে,
সবার আকাশ হারিয়ে গেছে
হাইবাইজের ফাঁকে।

আমি এখন ঘরে বসেই
আকাশকে নিই চিনে,
নীলরঙা এক চোকো আকাশ
কম্পিউটার স্ক্রিনে।

দাস
দিলীপ
ছবিঃ



নাকছাবি

শিবানী নন্দী



দক্ষিণ ভারতের এক সম্পন্ন পরিবার। পরিবারে চারটি মাত্র প্রাণী—কর্তা রাজন, গিন্নী লীলাবতী আর তাঁদের ছেলে-বৌ সুন্দর ও আনন্দী। আর আছে কাজের মেয়ে সুখি। জমির ফসল ও বাগানের ফলমূল বিক্রি করে তাঁদের ভালই রোজগার হয়। তার উপর কয়েক পুরুষের বাসনের ব্যবসায় তো মা লক্ষ্মীর কৃপা বাঁধা। সবাই বলে, আনন্দী আসার পর থেকেই এঁদের অবস্থার এমন বাড়-বাড়ন্ত।

কথাটা সত্যি বলে মনে মনে মানলেও লীলাবতী কিন্তু আনন্দীকে খুবই শাসনে রাখেন। সে সকাল থেকে রাত পর্যন্ত হাসিমুখে সকলের সেবা করে, ঘরদোর পরিষ্কার করে সাজিয়ে রাখে, পুজো-পাঠ, রান্না-বান্না সবই করে, তবুও লীলাবতী তার সঙ্গে কঠোর ব্যবহার করেন।

একদিন বিকালে আনন্দী প্রদীপ জ্বালানোর জন্য সলতে তৈরি করছিল। সন্ধ্যাবেলায় ঠাকুরঘরের ছাদ থেকে ঝুলানো শিকলে আঁটা প্রদীপের সারি জ্বালানো হয়।

সুখি তাকে এই কাজে সাহায্য করছিল। অদূরে বসে লীলাবতী ঠাকুরের সান্ন্যভোগের জন্য নৈবেদ্য সাজাচ্ছিলেন। এমন সময় দুই-তিনজন প্রতিবেশী মহিলা সেখানে এলেন।

লীলাবতী তাঁদের সাদরে অভ্যর্থনা করে বসালেন। নানারকম কথা হতে হতে একজন মহিলা বললেন, ভাই লীলা, তোমার কাছে এসেছি একটা সুখবর নিয়ে। লীলাবতী সাগ্রহে বলেন, কি খবর ভাই? বল, বল। প্রতিবেশিনী বললেন, শোন, আমাদের গ্রামের মোড়ল-গিন্নী, ঐ যে পম্পাবাদি গো, সামনের মাসে গ্রহণ উপলক্ষে কাশীধামের গঙ্গায় স্নান করতে যাবেন বলে মনস্থির করেছেন। তাই আমরাও কয়েকজন মিলে তাঁর সঙ্গে এই সুযোগে গঙ্গাস্নানের পুণ্যটুকু করে আসব ভেবেছি। তা তুমি যাবে নাকি আমাদের সঙ্গে?

কথাগুলি শুনে লীলাবতী যেন হাতে স্বর্গ পেয়েছেন এমনভাবে বলে ওঠেন, ওমা! একথা আবার জিজ্ঞাসা করতে হয় নাকি? নিশ্চয় যাব। সেই সঙ্গে বাবা বিশ্বনাথকে দর্শন করে জীবনটাকে ধন্য করব। তা কবে

রওনা হব আমরা?

লীলাবতী আর তাঁর প্রতিবেশিনীরা তাঁদের কাশীযাত্রা নিয়ে নানা আলাপ-আলোচনা করতে লাগলেন।

আনন্দী এতক্ষণ ধৈর্য ধরে নিজের কাজ করে যাচ্ছিল, একটি কথাও বলেনি। কিন্তু প্রতিবেশিনীরা বিদায় হতেই সে শাওড়ির কাছে গিয়ে বলল, মা, আমাকেও আপনাদের সঙ্গে নিয়ে চলুন না। কোনোদিন তো বাইরে যাওয়ার সুযোগ হয়নি আমার। তাই....

আনন্দীর কথা শেষ হবার আগেই কঠিন দৃষ্টিতে তার দিকে তাকালেন লীলাবতী। বললেন, না বৌমা, তা সম্ভব নয়। তুমি গেলে বাড়ির সবকিছু দেখাশোনা কে করবে? তাছাড়া অনেক পুণ্য করলে তবে এমন সৌভাগ্য হয়। অত পুণ্য তো আর বাছা তুমি করনি। যাও যাও, নিজের কাজ করগে, যত সব ছেলেমানুষি। এই বলে লীলাবতী সেখানে থেকে চলে গেলেন।

আনন্দীর চোখে জল এসে গেল, কিন্তু উপায়-ই বা কী? মনের দুঃখ মনেই চেপে

রেখে সে কাজে মন দিল। তারপর গ্রহণের কিছুদিন আগে লীলাবতী সঙ্গিনীদের সঙ্গে কাশীর উদ্দেশে রওনা হলেন।

এদিকে আনন্দী যথানিয়মে সংসারের কাজ করতে লাগল। সে প্রতিদিন কুয়ো থেকে জল তুলে এনে স্নানঘরে বড় গামলায় ভরে রাখত, পরে সেই জলে স্নান সারত। গ্রহণের দিনেও সেইভাবে স্নান করার সময় হঠাৎ তার শাণ্ডির কথা স্মরণে এল। আহা! সে-ও যদি তাঁর সঙ্গে যেত, তবে এতক্ষণ কত আনন্দ করে গঙ্গাস্নান করতে পারত। কিন্তু তা আর হলো না। মনের দুঃখে সে জোড়হাতে মা গঙ্গার উদ্দেশে কাতর প্রার্থনা জানাল, মাগো, তুমি আমার এই স্নানের জলে আবির্ভূতা হও, এই জলে স্নান করেই আমি যেন গঙ্গাস্নানের সাধ মেটাতে পারি।

স্নানের পর হঠাৎ তার চোখে পড়ে গামলার তলায় কি একটা চকচক করছে। তুলে নিয়ে দেখে একটা সোনার বড় নাকছবি। ভীষণ অবাক হয় আনন্দী। ভাবে, এটা তো তার নয়, এটা এইখানে এল কিভাবে? তবে কি কুয়ো থেকেই...না, তাহলে তো আগেই চোখে পড়ত! তবে...সাত-পাঁচ ভাবতে ভাবতে আনন্দী গয়নাটি সিন্দুকে তুলে রাখল, কাউকে কিছু বলল না।

কিছুদিন পর লীলাবতী কাশী থেকে ফিরে এলেন। সকলের সঙ্গে বসে কাশী বেড়ানোর গল্প করতে করতে হঠাৎ তিনি

মা, এটা কার?



মাগো, তুমি জলে আবির্ভূতা হও

বললেন, সব কিছুই তো ভালয় ভালয় মিটল, তবে একটা ঘটনায় আমার মনটা একটু খারাপ হয়ে আছে। ওখানে একটা নতুন নাকছবি কিনে পরেছিলাম। গ্রহণের দিন স্নানের সময় জলের মধ্যে কোথায় যে হারিয়ে গেল!

শাণ্ডির কথা শুনে তুলে রাখা

নাকছবিটির কথা মনে পড়ে গেল আনন্দীর। সে সিন্দুক খুলে সেটি এনে শাণ্ডিকে দেখিয়ে বলে, দেখুন তো মা, এটা কার? নাকছবিটি দেখে লীলাবতী সবিম্বয়ে বলেন, আরে! এই তো আমার সেই হারানো গয়না! এটা তুমি কোথায় পেলে বৌমা? আনন্দী চমকে ওঠে। নাকছবিটি কি করে সে পায় তা খুলে বলল সবাইকে। আনন্দীর স্বশুর রাজন তখন লীলাবতীকে বলেন, দেখ দেখ, বৌমা আমাদের কত পুণ্যবতী। তুমি তো ওকে কাশীর গঙ্গায় স্নান করতে নিয়ে গেলে না। তাই ওর প্রার্থনায় মা গঙ্গা স্নানের জলে আবির্ভূতা হয়ে ওকে পুণ্যস্নানের সৌভাগ্য দিয়ে গেছেন। আর প্রমাণস্বরূপ, কাশীর গঙ্গার জলে হারানো নাকছবি, দক্ষিণ দেশের ঘরে স্নানের জলে রেখে গেছেন।

লীলাবতীর দু'চোখ দিয়ে জল পড়তে থাকে। তিনি আনন্দীকে বুকে টেনে নিয়ে বলেন, আমাকে তুমি ক্ষমা করে দাও বৌমা। অহঙ্কারে আমি এতদিন অন্ধ ছিলাম। আজ বুঝেছি, মতো যদি ভক্তি থাকে, তবে ঈশ্বর দর্শন আর পুণ্যলাভ ঘরে বসেই সম্ভব হয়।

লীলাবতীর কথায় সকলের মুখেই হাসি ফুটে ওঠে আর ছোট সুখি হাততালি দিয়ে নাচতে থাকে।

(দক্ষিণ ভারতের জনশ্রুতি অবলম্বনে)

ছবি : বিজন কর্মকার

রহস্য আরো জন্মে উঠছে। কর্নেলকে ফেলো করে একটা লাল মারুতি। ওদিকে হালদারমশাই আবিষ্কার করেন জৈনিক হরিবাবুকে। তার বাড়ির সামনেই আক্রান্ত হন তিনি। কাজিসায়েব ওরফে জাহাজিবাবু সম্বন্ধে অনেক খবর পান কর্নেল লালবাজার থেকে। একটা ব্যাকগ্রাউন্ড তাঁর কাছে স্পষ্ট হয়ে ওঠে। এরপরই সুনয়নী দেবীর কাছ থেকে কর্নেল জানতে পারেন অজয়েন্দু তাঁর মেজদা।

তিতলিপূরের জঙ্গলে

সৈয়দ মুস্তাফা সিরাজ

৮

কর্নেলের দিকে অবাধ হয়ে তাকিয়ে ছিলাম। আন্দাজে টিল উনি হোঁড়েন না। আমার অজ্ঞাতসারে নিশ্চয় ওঁর হাতে কোনও সূত্র এসে গিয়েছিল। কিন্তু এবার তাহলে দেখছি রহস্যটা জমজমাট হয়ে উঠল।

কথাটা বলে সুনয়নী দেবীও অবাধ হয়েছেন লক্ষ্য করলাম। তিনি মৃদুস্বরে

বললেন—মেজদাকে আমি ছোটবেলায় দেখেছিলাম, সে-কথা তো আপনাকে বলেছি। বড়দার কাছে অবশ্য তার অনেক কথা শুনেছি। মেজদার কথা আপনি জানতে চাইছেন। মেজদা কি—

কর্নেল ওঁকে থামিয়ে দিয়ে বললেন—জাহাজে চাকরির কথা ছাড়া আর কী কথা শুনেছেন, আগে বলুন। তারপর আপনার প্রশ্নের উত্তর দেব।

সুনয়নী দেবী মুখ নামিয়ে আস্তে বললেন—বড়দা বলতেন, মেজদা অ্যামেরিকা থেকে এক মেমসায়েবকে বিয়ে করে এনেছিল। মেমবউয়ের সঙ্গে বনিবনা হয়নি। সে মেজদাকে ছেড়ে পালিয়ে যায়।

—আর কিছু?

—আর একটা কথা শুনেছিলাম। সাংঘাতিক কথা। কথাটা বলা উচিত হবে কিনা জানি না।


সুনয়নী দেবী একটু কুণ্ঠার সঙ্গে কথাটা বললেন। তাই কর্নেল বললেন—আপনি আপনার বড়দার খুনীকে শাস্তি দিতে চান না?

—হ্যাঁ। নিশ্চয় চাই। তবে...

—তাহলে সব কথা খুলে বলুন। আপনার ভয়ের কোনও কারণ নেই। আমি আপনার পাশে আছি।

একটু চুপ করে থাকার পর সুনয়নী বললেন—জাহাজ ডুবে মেজদা মারা গেছে বলে বড়দার কাছে খবর এসেছিল। বড়দা তখন কলকাতায় ছিলেন। কিন্তু আশ্চর্য ব্যাপার, এক রাতে মেজদা গোপনে বড়দার কাছে এসেছিল। তার কিছু জিনিসপত্তর রেখে গিয়েছিল। বড়দা পরে আমাকে বলেছিলেন, পুলিশ তাকে খুঁজছে। বড়দা রাগী লোক ছিলেন। বলেছিলেন, অজু আমাদের রায়বংশের কলঙ্ক। আর—

—হ্যাঁ। বলুন। আপনার ভয়ের কারণ নেই।



—আর জাহাজিবাবু, মানে চন্দ্রপুরের শব্দ চৌধুরি যখনই গ্রামে আসত, তখনই বড়দার সঙ্গে প্রায়ই আড্ডা দিত। গতবছর এমনই শীতের এক রাত্রে বড়দার সঙ্গে জাহাজিবাবু চুপিচুপি মেজদা সম্পর্কে কী সব কথা বলছিল। আমি স্পষ্ট কিছু বুঝতে পারিনি।

—আপনি আপনার বড়দার কাছে এ বিষয়ে কিছু জানতে চাননি?

—চেয়েছিলাম। কিন্তু বড়দা রেগে গিয়েছিলেন। আমাকে নাক গলাতে নিষেধ করেছিলেন।

—সেই কথাবার্তার মধ্যে এমন কি কিছু আপনি শুনেছিলেন, যা আপনার মনে পড়ে?

সুনয়নী দেবী আবার মুখ নামিয়ে আঙুল খঁটতে থাকলেন। একটু পরে বললেন—জাহাজিবাবু বড়দাকে বলছিল, অজুর লুকিয়ে রাখা জিনিসটা বড়দা যেন তাকে দেয়। তার বদলে জাহাজিবাবু বড়দাকে টাকা দেবে।

—হুঁ। আর কিছু?

সুনয়নী মাথা নাড়লেন।—আর তেমন কিছু মনে পড়ছে না। ওই যে বললাম, বড়দা খুব রাগী মানুষ ছিলেন। কিছু জানতে চাইলে খাঙ্গা হয়ে বেরিয়ে যেতেন।

কর্নেল নিভে যাওয়া চুরুট ছেলে বললেন—এবার আপনার প্রশ্নের উত্তর দিই। আপনি দীপনারায়ণবাবুর লেখা যে পোস্টকার্ডটা আমাকে দেখিয়েছেন, ওতে আপনার মেজদা সম্পর্কে একটা লাইন আছে। ‘অজু তোমার কাছে যেতে পারে। তাকে পাশা দেবে না।’ এই ‘অজু’ কে, সেই নিয়ে ধাঁধায় পড়েছিলাম। আপনার কথা শুনে ধাঁধার জট খুলে গেল। আপনাকে ধন্যবাদ। এবার চলি।

কর্নেল উঠে দাঁড়ালেন। সুনয়নী চাপা স্বরে বললেন—মেজদাকে কেন পুলিশ খঁজছে, দয়া করে আমাকে বলে যান কর্নেল সায়েব!

উঠানে হাঁটতে হাঁটতে কর্নেল বললেন—ঠিক সময়ে সব জানতে পারবেন। আর একটা কথা, আপনি একটু সাবধানে থাকবেন। আমি চন্দ্রপুর থানায় বলে দেব। সাদা পোশাকে অস্ত্র দু’জন পুলিশ আপনার বাড়িতে আপনাদের দূরসম্পর্কের আত্মীয় হিসেবে থাকবে।

—কেন একথা বলছেন?

—জাহাজিবাবু আর তার লোকেরা

আপনার বড়দার ঘরে হামলা করতে পারে। কিন্তু না—আপনি একটুও ভয় পাবেন না।

এবার সুনয়নী শক্ত মুখে বললেন—কর্নেল সায়েব! আমি জীবনে অনেক দুঃখকষ্ট পেয়েছি। অনেক ঝড়ঝাপটা সামলেছি। এখন আমি মরিয়া। তা ছাড়া তিতলিপুুরের রায়বংশের রক্ত আমার শরীরে আছে। রায়বাঘিনী কথাটা জানেন তো? কর্নেল হাসলেন।—জানি। তবু আপনি সাবধানে থাকবেন।...

কলকাতা ফেরার পথে কর্নেলকে জিজ্ঞেস করেছিলাম—তাহলে একটা পুরনো পোস্টকার্ড থেকে আপনি অজয়েন্দুবাবুর সূত্র খুঁজে পেয়েছিলেন?

কর্নেল বাইনোকুলার চোখে রেখে বললেন—হুঁ।

—কর্নেল?

—বলো!

—সেই লাল মারুতিটা আমাদের ফলো করে আসেনি কিন্তু। এলে টের পেতাম। কর্নেল আমাকে ভয় পাইয়ে দিয়ে বললেন—এসেছি। কিন্তু খুব দূর থেকে ফলো করেছিল। এই বাইনোকুলারে যা দেখা যায়, তোমার চর্মচক্ষুতে তা দেখা যায় না।

—সর্বনাশ! এখনও কি গাড়িটা আমাদের ফলো করে আসছে?

—না। মন্দিরের কাছে হাইওয়েতে তোমার গাড়ি বাক নেওয়ার সময় গাড়িটা উল্টোদিকে উধাও হয়ে গেছে। সম্ভবত চন্দ্রপুরে জাহাজিবাবুর কাছে গেছে।

—গাড়িটা তাহলে চন্দ্রপুরের জাহাজিবাবুর?

—এ বিষয়ে আমি এখনও সিঁওর নই, জয়ন্ত।

—তাহলে যে বলছেন চন্দ্রপুরে জাহাজিবাবুর কাছে গেছে?

—আমি ‘সম্ভবত’ বলেছি। সিঁওর নই!...

কর্নেলের অ্যাপার্টমেন্টে ফিরতে পৌনে একটা বেজে গিয়েছিল। ষষ্ঠীচরণ মুচকি হেসে বলেছিল—একটু আগে টিকটিকিবাবু ফোন করেছিলেন। আবার ফোন করবেন বাবামশাইকে।

কর্নেল চোখ কটমটিয়ে বলেছিলেন—আমাদের ক্ষিদে পেয়েছে।

—সব রেডি বাবামশাই!

কর্নেল শীতকালে সপ্তাহে মাত্র একদিন স্নান করেন। আজ তাঁর স্নানের দিন নয়।

৩০কতারা ॥ ৫৫ বর্ষ ॥ ৪ষ্ঠ সংখ্যা ॥ জ্যৈষ্ঠ ১৪০২ ॥ ২

আমি গরমজলে স্নান করে শরীরটা ঝরঝরে তাজা করে নিলাম। দেড়টা নাগাদ ষাণ্ডয়া-দাওয়ার পর যথার্থীতি ডিভানে চিত হয়ে ভাতঘুমের জন্য প্রস্তুত হলাম। কর্নেল ইজিচেয়ারে হেলান দিয়ে চোখ বুজে চুরুট টানছিলেন।

কিন্তু টেলিফোনের বিরজিকর শব্দে আমার ঘুমের রেশ ছিড়ে গেল।

কর্নেল রিসিভার তুলে সাড়া দিয়ে বললেন—বলুন হালদারমশাই!....কিন্তু আপনি কোথা থেকে ফোন করছেন?...বাড়ি থেকে—তার মানে....আশ্চর্য! বলেন কী! সুশীলা....হ্যাঁ আপনার অনুমান তাহলে সত্যি। তারপর?...হুঁ....হুঁ....হুঁ....ঠিক আছে। আপনি আপনার ক্যাপ্টেন ক্যাপ্টেন সিংহকে এখনই কথাটা জানাবেন না।....হ্যাঁ। আপনি এখনই আমার কাছে চলে আসুন।....আহা! চর্মচক্ষু দিনের বেলায় হরির দর্শন পেয়েছেন। আপনি ভাগ্যবান!....রাখছি। চলে আসুন।

কর্নেল রিসিভার রেখে আমার দিকে ঘুরলেন। বললাম—আমার ভাতঘুম আজ আর বরাতে নেই। কিন্তু গোয়েন্দাপ্রবর সাংঘাতিক কিছু ষ্বর আপনাকে জানিয়ে দিলেন মনে হচ্ছে। ঘুমের জন্য তাই আমার দুঃখু নেই। কিন্তু ‘সুশীলা’-র ব্যাপারটা কী? ক্যাপ্টেন সিংহের পরিচরিকা—

কর্নেল আমাকে থামিয়ে দিয়ে বললেন—ঘুম না আসে, চোখ বুজে ভেড়ার পালের ভেড়াগুলো গুনতে থাকো। আমি ততক্ষণ চুরুটের সুখ উপভোগ করি। নো মোর টক!...

কতক্ষণ পরে ডোরবেল বাজল। কর্নেল হাঁক দিলেন—ষষ্ঠী!

তারপর সবগে গোয়েন্দাপ্রবর কে কে হালদার ঘরে ঢুকলেন। দেখলাম, তাঁর মুখে প্রসন্ন হাসি। পরনে প্যান্ট-শার্ট-সোয়েটার। ছদ্মবেশ ছেড়ে স্নান করেছেন, তা-ও বোঝা যাচ্ছিল। সোফায় বসে আগে একটিপ নসিয়া নিলেন। তারপর বললেন—কর্নেলস্যার কইছিলেন হরির দর্শন পাইছি। হঃ! তা পাইছি।

কর্নেল বললেন—এবং ক্যাপ্টেন সিংহের কাজের মেয়ে সুশীলারও?

—হঃ! ঠিক কইছেন!

—কার দর্শন কোথায় পেলেন?

—ফোনে কওন যায় না। এখন কইয়া ফেলি। আমি পাগলা সাজছিলাম। সেই



এ বিষয়ে কিছু জানতে চাননি?

গলির অন্যদিকে বটতলায় একখান মন্দির আছে। সেইখানে বইয়া ছিলাম। হঠাৎ দেখি, সুশীলা আইয়া হরিবাবুর বাড়িতে ঢুকল। তারপর সেই লোকটা—যে ক্যাপ্টেন সিংহের ফলো করে, সে বারাইল। কিছুক্ষণ পরে সে একখান ট্যাক্সি আনল। এইবার বাড়ি থেইক্যা যিনি বারাইলেন, তিনিই যে হরিবাবু তা বুঝলাম। ক্যান কী, গলিতে এক ভদ্রলোকে তারে নমস্কার কইরা কইল—এই যে হরিবাবু! কেমন আছেন? হরিবাবু ট্যাক্সিতে চাপল। তার লগে সুশীলাও চাপল। ট্যাক্সিখান যাওয়ার পর সেই ভদ্রলোক হরিবাবুর লোকেরে জিগাইলেন, তোমার বাবু বাড়ি বেচবেন শুনলাম? লোকটা কী একটা কইল, বুঝলাম না। সে বাড়ি ঢুকল। আমিও উঠলাম। ট্যাক্সির নাশ্বার দেখছিলাম। পরে নোটবইয়ে টুকছি। কে কইল দেখি নাই—‘পাগলা লেখাপড়া জানে!’ আর একজন হাসতছিল ‘সেয়ানা পাগল!’ এইসব শুইন্যা আমি কাট করলাম।

কর্নেল গস্তীর মুখে শুনছিলেন। এতক্ষণে বললেন—হরিবাবুর চেহারা কেমন?

—দেইখ্যা বুড়া মনে হইব। কিন্তু বুড়া না। তগড়া শরীর। মাথায় সাদা চুল। গোঁফ আছে। গোঁফ কাঁচাপাকা। পরনে ধুতি, সার্জের খয়েরি রঙের পাঞ্জাবি। কাঁধে শাল ছিল। হাতে ছড়ি ছিল। আর একখান ব্রিফকেস।

আমি বলে উঠলাম—তাহলে এই হরিবাবু কখনই চন্দ্রপুরের জাহাজিবাবু নয়। হালদারমশাই আমার দিকে ঘুরে কী বলতে যাচ্ছিলেন। কর্নেল চোখ কটমটিয়ে আমাকে বললেন—উঠে পড়ো জয়ন্ত! শুয়ে কথা বলে রোগীরা। উঠে বসো।

তারপর তিনি হালদারমশাইকে বললেন—আপনি কি সুশীলার বাড়ির ঠিকানা জানেন?

হালদারমশাই সোয়েটারের গলার ভিতর হাত ঢুকিয়ে শার্টের পকেট থেকে একটা ছোট নোটবই বের করলেন। পাতা ওলটাতে ওলটাতে বললেন—ক্যাপ্টেন সিংহের লগে ঠিকানা লইছিলাম। উনি সুশীলারে বিশ্বাস করেন। কইছিলেন, মাইয়াটারে ওনার দেশের বাড়ি থেইক্যা আনছিলেন।

—ক্যাপ্টেন সিংহের তাহলে গ্রামে বাড়ি ছিল?

—হঃ।

—আপনি এ কথাটা আমাকে তো বলেননি!

গোয়েন্দাপ্রবর অবাক হয়ে বললেন—আপনি জিগান নাই। জিগাইলে কইতাম।

—ক্যাপ্টেন সিংহের দেশের বাড়ি কোথায়, তা কি জিজ্ঞেস করেছিলেন?

—না। আপনি যখন কইতাহেন, তখন এবার জিগাইমু।

—দেরি করা ঠিক হবে না হালদারমশাই। আপনি বরং এখান থেকে ফোনে ক্যাপ্টেন সিংহের সঙ্গে যোগাযোগ করুন। ওঁর ফোনে আড়ি পেতেছে কেউ, সে-কথা উনি আপনাকে জানিয়েছেন। তাই না?

—হঃ।

—তাহলে ফোনে ওঁকে শুধু বলুন, আপনি ওঁর সঙ্গে জরুরি কাজে দেখা করতে যাচ্ছেন।

গোয়েন্দাপ্রবর তখনই রিসিভার তুলে ডায়াল করলেন। তারপর বললেন—রিং হইতাহে। কেউ ধরতাহে না ক্যান? আমি যাইয়া দেখি বরং। মিসটিরিয়াস ব্যাপার। বলে উনি যথারীতি সবেগে বেরিয়ে

যাওয়ার পর কর্নেল জাপানি ওয়ালক্রকে সময় দেখে নিলেন। তারপর বললেন— শিপ কর্পোরেশনের ম্যানেজিং ডাইরেক্টর মিঃ অসীম সোম এখনও সম্ভবত অজয়েন্দু রায়ের ব্যাপারে কোনও রেকর্ড খুঁজে পাননি। অথচ খুব শিগগির আমার ওটা দরকার।

বললাম—সুনয়নী দেবী বলছিলেন, ওঁর মেজদা পুলিশের ভয়ে গাঢাকা দিয়ে বেড়াচ্ছিলেন। এদিকে ক্যাপ্টেন সিংহ বলেছেন, জাহাজডুবির আগে উনি একটা গোপন জিনিস তাঁর কাছে লুকিয়ে রাখতে দিয়েছিলেন।

—হ্যাঁ। ক্যাপ্টেন সিংহ রিটার্ন করার পর সেই গোপন জিনিসটা নাকি বিছানার তলায় রেখেছিলেন। তা ছাড়া সেই জিনিসটা যে কী, তা কি ক্যাপ্টেন সিংহের জানবার কৌতূহল হয়নি? জয়ন্ত! ক্যাপ্টেন সিংহের কথাটা বড্ড গোলমলে।

একটু উত্তেজিত হয়ে বললাম— কর্নেল! জিনিসটা জাহাজিবাবু চুরি করেছিলেন—এটা আপনারই সিদ্ধান্ত। তাহলে জিনিসটা একটা নলে রাখা পার্চমেন্ট! আপনি সেটা তিতলিপুরের জঙ্গল থেকে উদ্ধার করেছেন।

কর্নেল হাসলেন।—চোরের উপর বাটপাড়ি করেছি। কিন্তু ক্যাপ্টেন সিংহ যে বেশ কিছু গুরুত্বপূর্ণ কথা হালদারমশাইকে জানাননি, এটাই আশ্চর্য!

—আমার মতে, যে-ভাবে হোক, ক্যাপ্টেন সিংহের সঙ্গে আপনার দেখা করা উচিত।

—দেখা যাক।

বলে কর্নেল ইজিচেয়ারে হেলান দিয়ে ধ্যানস্থ হলেন। আমার ভাতঘুম কেটে গেছে। আমি উঠে গিয়ে সোফায় বসলাম। শীতের দিনের আলো কমে এসেছে। একটু পরে যষ্ঠীচরণ কফি রেখে গেল। কর্নেল চোখ খুলে সোজা হয়ে বসলেন। তারপর কফিতে চুমুক দিলেন। মুখে অস্বাভাবিক গাভীর্ষ। তাই আমিও গভীর হয়ে কফি খেতে থাকলাম।

কফিপানের পর কর্নেল চুরুট ধরিয়ে আমার দিকে তাকালেন। দেখলাম, সেই বিকট গাভীর্ষটা আর নেই। মুখে একটু হাসি ফুটেছে। বললেন—ডার্লিং! ভাতঘুম নষ্ট করেছি এবং একটু বকে দিয়েছি বলে এই বৃদ্ধের প্রতি তোমার ক্ষোভ হওয়া স্বাভাবিক।

হেসে ফেললাম।—মোটোও না। আপনি তুশো মুখ করে থাকলে অস্বস্তি হয়।

—আমি ক্যাপ্টেন সিংহের পরিচারিকা সুশীলার ব্যাপারটা ভাবছিলাম। মেয়েটি জাহাজিবাবু শত্রু চৌধুরির চর বলে হালদারমশাইয়ের অনুমান। অনুমানটা সম্ভবত ঠিকই। কিন্তু সেই মেয়ে আজ হরিবাবুর বাড়ি এসে ট্যান্ডি চেপে হরিবাবুর সঙ্গে কোথাও বেরিয়েছে। তাহলে হরিবাবুর সঙ্গে জাহাজিবাবুর সম্পর্ক আছে বলে ধরে নেওয়া যায়। তাই না?

—অঙ্ক কষলে তাই দাঁড়াচ্ছে বটে! কিন্তু কে এই হরিবাবু?

—সঠিক প্রশ্ন।

—তার মানে, আমরা তিতলিপুরের জঙ্গলে পথ হারিয়ে হন্যে হচ্ছি!

কর্নেল তাঁর বিখ্যাত অট্টহাসিটি হাসলেন। তারপর বললেন—ঠিক বলেছি। তিতলিপুরের জঙ্গলে দুর্লভ প্রজাতির নীল সারসের চেয়ে আরও দুর্লভ কিছু আছে। অর্থাৎ হয়ে বললাম—তার মানে?

এইসময় টেলিফোন বেজে উঠল। কর্নেল রিসিভার তুলে সাড়া দিলেন।— বলছি! বলুন নরেশবাবু!... ধন্যবাদ! চন্দ্রপুরের ওসি মিঃ রাজেন্দ্র হাটি বুদ্ধিমান!... হ্যাঁ। দীপনারায়ণবাবুর ঘরে নিশ্চয় কিছু সূত্র পাওয়া যেতেই পারে!... ঠিক আছে। রাখছি।

কর্নেল রিসিভার রেখে আবার আমার দিকে সহাস্যে তাকালেন। বললাম— সুনয়নীদেবীর বাড়িতে সাদা পুলিশের গার্ড রাখবার কথা বলেছিলেন। সেই ব্যাপারটা কি?

—ঠিক ধরেছি।

—কিন্তু কখন লালবাজারের ডিটেকটিভ সাব-ইন্সপেক্টর নরেশবাবুকে ফোন করেছিলেন?

—তুমি যখন বাথরুমে স্নান করছিলে!

—একটু আগে আপনি বললেন, তিতলিপুরের জঙ্গলে নাকি আরও দুর্লভ কিছু আছে। ব্যাপারটা কী?

কর্নেলের কাছে এ প্রশ্নের উত্তর পাওয়ার আগে আবার বাধা পড়ল। ডোরবেল বাজল এবং কর্নেল হাঁক দিলেন—যষ্ঠী!

তারপর প্রাইভেট ডিটেকটিভ কে কে হালদার আবার সবগে প্রবেশ করে সোফায়

সশব্দে বসলেন। বললেন—হেভি মিস্ট্রি কর্নেলস্যার।

কর্নেল বললেন—বলুন হালদারমশাই!

এবার হালদারমশাই উত্তেজিতভাবে যা বললেন, তার সারমর্ম এই :

গোয়েন্দাপ্রবর ক্যাপ্টেন সিংহের বাড়ি গিয়ে দেখেন, তাঁর দোতলার ঘরের দরজা এবং কোলাপসিবল্ গেটে তালান্দা আঁটা। একতলার মুদির দোকানের মালিক মিছরিলালকে তিনি ক্যাপ্টেন সিংহের কথা জিজ্ঞেস করেন। মিছরিলাল তাঁকে বলেছে, ক্যাপ্টেন সায়েবের হঠাৎ স্ট্রোক হয়েছিল। সুশীলা ট্যান্ডিতে একজন ডাক্তারবাবুকে ডেকে এনেছিল। সেই ট্যান্ডিতে অজ্ঞান অবস্থায় ক্যাপ্টেন সায়েবকে কোনো নার্সিং হোম কিংবা হাসপাতালে নিয়ে গেছে। মিছরিলালকে সুশীলা ডেকেছিল। মিছরিলাল একা একশো। সে ক্যাপ্টেন সায়েবকে সিঁড়ি দিয়ে বয়ে এনে ট্যান্ডিতে ঢুকিয়েছিল। সুশীলা পিছনের সিঁটে ক্যাপ্টেন সায়েবকে ধরে বসে ছিল। সামনের সিঁটে বসেছিলেন ডাক্তারবাবু।

সবটা শোনার পর আমি বললাম— কিন্তু হেভি মিস্ট্রি বলছেন কেন হালদারমশাই?

প্রাইভেট ডিটেকটিভ শ্বাসপ্রশ্বাসের মধ্যে বললেন—বুঝলেন না? হরিবাবু তো ডাক্তার না। তারে ডাকতে অত দূর থেইক্যা সুশীলা আইবে ক্যান? ক্যাপ্টেন সিংহেরে কিডন্যাপ করছে হরিবাবু।

দেখলাম, কর্নেল রিসিভার তুলে ডায়াল করে কাকে চাপাশ্বরে কিছু বলছেন। হালদারমশাই একটুপ নস্য নিয়ে বললেন—ট্যান্ডির নম্বর লইছি। পুলিশেরে কর্নেলস্যার নম্বরটা জানাবেন। তারে ধরলে মিস্ট্রি সল্ভ হওনের কথা!...

[চলবে]

ছবি : বিজন কর্মকার





পূর্বধলার আতঙ্ক

দূর্বা বাগচী

সা রাতা দিন অসহ্য গুমোটের পর বিকেল থেকে শুরু হয়েছে বজ্র-বিদ্যুৎ সহ বৃষ্টি। বৃষ্টির সঙ্গে পাল্লা দিয়ে চলছে ঝড়। ঝড়ের আঘাতে মড়মড় করে বড় বড় গাছের ডাল ভেঙে পড়ছে। সৌ-সৌ শব্দে হাওয়া বইছে। কাঁচা বাড়ির ঝড়ের চাল উড়ে গেছে বেশ কয়েকটা। এমন দুর্যোগের রাতে যখন কেউ বাইরে বের হবার কথা কল্পনাও করতে পারছে না সেই সময় দেখা গেল দুজন লোক মাঠের উঁচু আলপথ ধরে হেঁটে আসছে। দুজনের মধ্যে লম্বা রেনকোট পরা লোকটি পূর্বধলা গ্রামের জমিদার অশোক চক্রবর্তী আর তাঁর পেছনে মোটাসোটা টাকমাথা ঝাটো ধূতি ও ফতুয়া

গায় লোকটি তাঁর পরিচারক হরিধন।

হরিধনের এক হাতে বেশ বড় দুটো মাছ। অপর হাতে একটা বন্ধ ছাতা যেটা সে ঝড়ের দাপটে সামলাতে না পেরে বন্ধ করে বৃষ্টিতে ভিজে ভিজে চলেছে। চেনা পথ তবুও খুব সাবধানে তাদের পা ফেলতে হচ্ছে। চক্রবর্তী মশাইয়ের হাতে টর্চ থাকলেও তাতে জল ঢুকে যাওয়ায় সেটাও আর এখন জ্বলছে না। অন্য সময় চক্রবর্তী মশাই গ্রামের বড় রাস্তা দিয়েই যাতায়াত করেন কিন্তু সেই রাস্তাটা অনেকটা ঘুরে জমিদার বাড়িতে গেছে। সেই রাস্তা দিয়ে হাঁটলে বাড়ি পৌঁছাতে অনেক দেরি হবে তাই তাড়াতাড়ি যাবার জন্য আলপথ ধরে চলেছেন জমিদার অশোক চক্রবর্তী। মাছ দুটো নিয়ে এত রাতে দুর্যোগের মধ্যে আলপথ দিয়ে কিছুতেই আসতে চাইছিল না হরিধন। বার বার বলেছে, বাবু, এটা ভাল হচ্ছে না, এই পথ দিয়ে গেলেই

পড়বে বুড়িবটতলা। জায়গাটা ভাল নয় বাবু, তার ওপর হাতে মাছ রয়েছে।

চক্রবর্তী মশাই হেসে বলেছেন, এই দুর্যোগের রাতে মাছ নেবার জন্য কোনো চোর-ডাকাত বের হবে না। আর যদি কেউ বেরিয়েও থাকে তাকে ডেকে নেব আমার বাড়িতে। দুটো মাছের ঝোল ভাত খেয়ে যাবে।

কথাটা শুনেই শিউরে উঠেছিল হরিধন, রাম রাম বাবু, এসব কথা আর বলবেন না। তেনারা গুনতে পারলে আর উপায় নেই, ঠিক পিছু ধরবে।

চক্রবর্তী মশাই বিরক্ত হলেন, তোর খালি ভুতের ভয়। কত দিন না বলেছি ভুত বলে কিছু নেই। সব মনের ভুল। নে নে জোরে পা চালা।

চক্রবর্তী মশাই কয়েকদিন আগে খাজনা আদায় করতে মহালে গিয়েছিলেন। আজ

সকালে তাঁর বাড়ি ফেরার কথা, কিন্তু সকাল বেলায় কয়েকটা জরুরি কাজে আটকে পড়ায় নৌকো ছাড়তে দেরি হয়েছে। তার ওপর সকাল থেকেই হাওয়া নেই, চারপাশ কেমন থমথম করছিল। নৌকোর পাল তোলা যায়নি। পূর্বধলা ঘাটে নৌকো পৌঁছবার আগেই বড় উঠেছিল। ঝড়ের সঙ্গে লড়াই করে ঘাটে আসতে অনেক রাত হয়ে গেছে। নৌকোর সবাই চক্রবর্তী মশাইকে নিষেধ করেছিল এত রাতে বাড়ি যেতে। এমনকি নৌকো থেকে নামার মুহূর্তে নায়েব মশাই বলেছিলেন, অন্ধকার পথ তার ওপর এই দুর্ঘটনা, অন্য কিছু না হোক সাপখোপের ভয় আছে। তাছাড়া অন্ধকারে পিছলে পড়ে যাবার সম্ভাবনা আছে। রাতে বাড়ি নাই বা গেলেন। রাত্রিটা নৌকোতে কাটিয়ে কাল ভোরে যাবেন।

অশোক চক্রবর্তী কারো কথা কানে তুললেন না। মহালে থাকতেই খবর পেয়েছেন কলকাতা থেকে তাঁর একমাত্র মেয়ে আর জামাই এসেছে। কালকেই জামাই বিশেষ দরকারে ঢাকা চলে যাবে, সেখান থেকে সোজা কলকাতা। কতদিন পরে মেয়ে-জামাই এসেছে অথচ তিনি

বাড়িতে নেই, তাই আজকের রাতটা মেয়ে-জামাইয়ের কাছে থেকে তাদের আদর-যত্ন করতে না পারলে তিনি শান্তি পাবেন না। কপালগুণে আজই আবার কেজি তিনেকের একটা রুই ও বেশ বড় একটা কালবোস মাছ পেয়েছেন। নৌকোয় ওঠার ঠিক আগের মুহূর্তে সুভাষ মণ্ডল মাছ দুটো হজুরকে ভেট দিয়ে গেছে। এই মাছ আর কিছুক্ষণ থাকলেই পচে যাবে তাই শত বাধা উপেক্ষা করে তিনি বাড়ি চলেছেন। যেভাবেই হোক জামাইকে মাছ খাওয়াতে হবে। কালবোস খেতে জামাই খুব ভালবাসে। কলকাতায় কালবোস মাছ প্রায় পাওয়াই যায় না। চক্রবর্তী মশাইয়ের নৌকোতে মহাল থেকে আদায় করা ধান, পাট, টাকা-পয়সা রয়েছে তাই নায়েব মশাই ও অন্য লোকজনদের নৌকোতেই রাখতে হয়েছে।

এই আলপথটা অন্যান্য আলপথের থেকে সামান্য চওড়া। তার ওপর ঘন ঘন বিদ্যুৎ চমকচ্ছে, সেই আলোতেই পথ চলেছেন দুজন। চলতে চলতে একসময় থমকে দাঁড়িয়ে পড়লেন চক্রবর্তী মশাই। জোরে জোরে শব্দ করে নাক টেনে বললেন, এত সুন্দর রান্নার গন্ধ আসছে

কোথা থেকে?

চক্রবর্তী মশাইয়ের কথা শেষ হতে না হতেই হরিধন বলে ওঠে, চলুন বাবু, এখানে আর দাঁড়াবেন না। তেনাদের জায়গায় এসে গেছি।

হরিধনের কথায় কান না দিয়ে চক্রবর্তী মশাই আপন মনে বলতে থাকেন, এই মাঠের মধ্যে দুর্ঘটনা এত সুন্দর রান্নার গন্ধ আসছে, ভাবা যায় না।

হরিধন তাড়া লাগায়, এখন কোনো কথা বলবেন না বাবু, বাড়ি গিয়ে আপনাকে সব কথা বলব। এখানে দাঁড়ালে সর্বনাশ হবে।

কিন্তু...

কোনো কিন্তু নয় বাবু, চলুন।

চক্রবর্তী মশাইরা কয়েক পা এগুতেই হঠাৎ পাশ থেকে একটা নারীকণ্ঠ শোনা যায়, মাঁছ নিয়ে কোঁথায় যাঁচ্চিস, আমায় মাঁছ দিয়ে যাঁ।

নাকি কণ্ঠস্বর কানে যেতেই হরিধন জোরে জোরে রাম নাম জপতে থাকে। চক্রবর্তী মশাই কিছু না ভেবে নিজের মনে হাঁটতে থাকেন। আবার সেই নাকি নারীকণ্ঠ শোনা যায়, ভাঁল চাঁস তৌঁ মাঁছ দিয়ে দেঁ, নাঁ হাঁলে ঘাঁড় মটকে দেঁব।

দেব সাহিত্য কুটীরের নতুন বই

রামানন্দ চট্টোপাধ্যায়ের

বইব্যবসা ও পাঁচ পুরুষের বাঙালি পরিবার

(কোনও গল্প নেই, নিখুঁত তথ্যসমৃদ্ধ রচনা) ৫০.০০

ডাঃ বিশ্বনাথ চক্রবর্তীর
আমাকে চেনো ২০০.০০

শান্তিপ্রিয় বন্দ্যোপাধ্যায়ের
শঙ্করকন্যার কাছে ৪২.০০

ছোটদের জন্য

শান্তিপ্রিয় বন্দ্যোপাধ্যায়ের
গুপ্তধন রহস্য ২৫.০০
(রহস্য সিরিজের নবম বই)

সুভাষ ধরের
লঙ্করহাটের দুই শয়তান ৩০.০০
(সত্য ঘটনা অবলম্বনে পুলিশি কাহিনী)

গৌরী দের
রাত তখন বারোটা ৩০.০০
(শিহরন জাগানো ভৌতিক কাহিনী)

(হেমেন্দ্র কুমার রায়ের ১২টি বই ৩ খণ্ডে)

কিং কঙ ৫০.০০

(কিং কঙ, অমানুষিক মানুষ, ভগবানের চাবুক, আলেকজান্ডার দি গ্রেট)

গুপ্তধনের দুঃস্বপ্ন ৫০.০০

(গুপ্তধনের দুঃস্বপ্ন, বাঘরাজের অভিযান, চতুর্ভুজের স্বাক্ষর, নিশাচরী বিভীষিকা)

দেড়শ খোকার কাণ্ড ৫০.০০

(দেড়শ খোকার কাণ্ড, সুন্দরবনের মানুষ বাঘ, আধুনিক রবিনহুড ও নেপোলিয়ান)

(টার্জান সিরিজের ১৩টি বই ৪ খণ্ডে)

টার্জান দি এপম্যান ৫০.০০
(টার্জান দি এপম্যান, অ্যাডভেঞ্চার অব টার্জান, টার্জান এন্ড হিজ মেট)

টার্জান দি ফিয়ারলেস ৫০.০০
(টার্জান দি ফিয়ারলেস, টার্জান এন্ড হিজ সন, টার্জান দি মাইটি)

টার্জান এ্যান্ড দি ট্রেইটর ৫০.০০
(টার্জান এ্যান্ড দি ট্রেইটর, টার্জান ইন দি জাঙ্গল, টার্জান দি গ্রেট)

টার্জান এ্যান্ড হিজ ফ্রেন্ড ৫০.০০

(টার্জান এ্যান্ড হিজ ফ্রেন্ড, টার্জান ইন ওয়াশিংটন, টার্জান ফাইটস ফর লাইফ, টার্জান দি হিরো)

শিবরাম চক্রবর্তীর—হিপ হিপ হুররে ৫০.০০

দেব সাহিত্য কুটীর প্রাইভেট লিমিটেড ■ ২১, বামাপুকুর লেন, কলকাতা-৭০০ ০০৯



আগুন ছড়িয়ে পড়ে পাশের ঘোপে।

কথাটা শুনেই হরিধন মাছ দুটো জোর করে চক্রবর্তী মশাইয়ের হাতে ধরিয়ে দিয়ে বলে, বাবু আপনি বামুন মানুষ। পৈতে আছে তাই আপনার হাত থেকে কেউ মাছ নিতে পারবে না। আমার হাতে থাকলে নির্ঘাত আমার ঘাড় মটকে মাছ নিয়ে যাবে। কথা শেষ করেই সে রাম রাম করতে থাকে।

চক্রবর্তী মশাইও বেশ ঘাবড়ে যান। তাড়াতাড়ি অন্য হাতে জামার ভেতর থেকে পৈতেটা বার করে আঙুলে পৌঁচিয়ে হাঁটতে থাকেন। পেছন পেছন হরিধনও তার বাবুকে স্পর্শ করে হাঁটতে থাকে।

চক্রবর্তী মশাইয়ের হাতে পৈতে দেখে পেত্নী খুব রেগে যায়, তাঁবে রেঁ বিটলে বাঁমুন, আজ তাঁর একদিন কি আমার একদিন। তাঁল চাঁস তাঁ মাঁছ দিয়ে যাঁ।

চক্রবর্তী মশাইরা কথা না বলে আরও জোরে হাঁটতে থাকেন। এমন সময় মড়মড় শব্দ করে পথের পাশের পাকুড় গাছের ডাল ভেঙে পড়ে। আর একটু হলেই ওদের মাথায় এসে পড়তো। হরিধন চিৎকার করে রাম নাম জপতে জপতে বলে, বাবু মাছটা দিয়ে দিন, না হলে রক্ষা নেই।

চক্রবর্তী মশাই চিৎকার করে বলেন, না, কিছুতেই মাছ দেব না। পেত্নীটাও নাকি গলায় চাঁচিয়ে বলে, দাঁবি নাঁ তাঁ; দাঁখাচ্ছি মঁজ। সঙ্গে সঙ্গে ধুপধাপ করে ইট পড়তে থাকে। চক্রবর্তী মশাই বলেন,

দৌড়ো হরিধন, দৌড়ো। একেই ঘুটঘুটে অন্ধকার তার ওপর এত জোরে বৃষ্টি পড়ছে যে পাশের লোককেই ভাল করে দেখা যাচ্ছে না। তবুও ওরা কোনোদিকে না তাকিয়ে প্রাণপণ ছুটতে আরম্ভ করে। পেছন পেছন থপ-থপ-থপ করতে করতে হাজার পায়ে কে যেন ছুটে আসে। আর নাকি কণ্ঠে একটানা ঘ্যান ঘ্যান করতে থাকে পেত্নীটা, মাঁছ দিয়ে যাঁ বাঁমুন, নাঁ হঁলে তাঁর সঁর্বনাশ কঁরবো। তাঁদের সঁবাইকে মঁরে রঁজু টুঁবে খাঁব।

চক্রবর্তী মশাই তবু মাছ দিচ্ছেন না দেখে কোথা থেকে ঐ বৃষ্টির মধ্যেই ঝর ঝর করে শুকনো পাতা ও কাঠকুটো ওদের ওপর এসে পড়ে। চক্রবর্তী মশাই ও হরিধন প্রাণপণে ছুটতে থাকেন। এভাবে ছুটতে ছুটতে একসময় জমিদার বাড়ির বিশাল ফটক চোখে পড়তেই দুজনে 'দরজা খোল, দরজা খোল' বলে চিৎকার করতে করতে ছুটে গিয়ে ফটকে দুম দুম করে ঘা মারতে থাকে। পেছন থেকে নাকি সুরে পেত্নীটা হ্যাঁ হ্যাঁ করে বিচ্ছিরি হাসি হেসে বলে ওঠে, এঁবঁর কোঁথায় পালাঁবি বাঁমুন; এঁখন তাঁর বাঁড়ি টুঁকে মাঁছ খাঁব।

কথাটা শুনেই হরিধন চক্রবর্তী মশাইয়ের পা জড়িয়ে ধরে বলে, দিয়ে দিন বাবু ও মাছ, আর ভেতরে নিয়ে যাবেন না, তাহলে তিনি যে বাড়িতে ঢুকবেন। একবার এই জিনিস বাড়িতে

ঢুকলে সবাইকে খেয়ে তবে বেরুবে।

অশোক চক্রবর্তী নিজের বাড়ির দরজায় পৌঁছে বুকে বল পান! তিনি ময়মনসিংহ জেলার নামকরা চক্রবর্তী বাড়ির ছেলে, যাদের দাপটে এক সময় বাঘে-গরুতে এক ঘাটে জল খেত। সেই বাড়ির ছেলে হয়ে সামান্য একটা পেত্নীর কাছে নতিস্বীকার করবেন তিনি? না কক্ষণো নয়। ইতিমধ্যে চক্রবর্তী মশাইয়ের গলা পেয়ে বাড়ির লোকজন সব জেগে উঠেছে। দারোয়ান লালু সিং এসে ফটক খুলে দিলে চক্রবর্তী মশাই মাছ হাতে নিয়ে ফটকের বাইরে দাঁড়িয়েই গায়ত্রী মন্ত্র জপ করে ফটকের পাশের দেওয়াল থেকে এক মুঠো বালি খসিয়ে নিয়ে তাতে ফুঁ দিয়ে বাইরে ছড়িয়ে দিলে নাকি কণ্ঠ বলে ওঠে, ছেঁড়ে দিলাঁম বাঁমুন; তাঁবে ঐঁ মাঁছ আঁমি খাঁমুই।

'সাহস থাকে তো খাস' বলতে বলতে চক্রবর্তী মশাই ভেতরে চলে গেলেন। দারোয়ান ফটক বন্ধ করে দিল। সঙ্গে সঙ্গে ফটকের বাইরে বেল গাছের ওপর থেকে কে যেন বিকট শব্দে রক্ত জল করা হাসি হেসে উঠল হা-হা-হা-হা-আঁ-আঁ।

(২)

পূর্বধলা ময়মনসিংহ জেলার একটা বর্ধিশু গ্রাম। গ্রামের জমিদার চক্রবর্তীদের সবাই একডাকে চেনে। এই অঞ্চলের লোকেরা খুব অতিথিপরায়ণ। নিতান্ত দরিদ্র অর্ধাহারে থাকা কোনো পরিবারে গেলেও একটুকরো বাতাসা বা একমুঠো চালভাজা দিয়ে এক গ্লাস জল না খেয়ে কেউ যেতে পারে না, আর চক্রবর্তীরা তো জমিদার। তাঁদের বাড়িতে অতিথি মানেই বিরাট ব্যাপার। আর আজ তো কোনো কথাই নেই, জমিদারের একমাত্র মেয়ে আর জামাই এসেছে। তাই চক্রবর্তী বাড়িতে এলাহি ব্যাপার চলছে। এতদিন জমিদার অশোক চক্রবর্তী মহালে ছিলেন, তিনি বাড়ি ফিরতেই বাড়িতে আবার সাজ সাজ রব পড়ে গেল। জমিদার মশাই বাড়িতে ঢুকেই ঘোষণা করলেন, এক্ষণি এই মাছ দুটো কেটে ঝোল, ঝাল, টক, মুড়িঘন্ট, মাছভাজা সব রান্না করে দিতে হবে। তিনি নিজে বসে থেকে মেয়ে-জামাইকে খাওয়াবেন। মেয়ে-জামাই অনেক করে নিষেধ করলেও তিনি শুনলেন না। অত রাতে ঝড়বৃষ্টির মধ্যেই নতুন করে শুরু হলো রান্না।

চক্রবর্তী বাড়ির আঁশঘর বা মাছ রান্নার ঘরটা মূল বাড়ি থেকে একটু তফাতে,

উত্তর দিকে বাউন্ডারি ওয়ালের ধারে। বড় বড় তিনটে উনানে আঁচ পড়েছে। পাঁচজন পরিচারিকা বসে গেছে কাজে। কেউ মশলা বাটছে, কেউ আলু-পেঁয়াজ কাটছে, কেউ তেঁতুল গুলছে, কেউ বা উনানে হাওয়া দিচ্ছে। বারবাড়ি থেকে চাকররা মাছ কেটে ধুয়ে দিয়ে গেলে রাঁধুনী রাখালের মা সবচেয়ে বড় উনানটাতে মাছ ভাজতে বসল। মাছ ভেজে ঝুড়িতে রাখছে। জমিদারগিন্নী মাঝে মাঝে এসে প্রয়োজনীয় নির্দেশ দিয়ে যাচ্ছিলেন। মাছ ভাজা প্রায় শেষ হয়ে এসেছে এমন সময় চক্রবর্তী মশাইয়ের মেয়ে ঐন্দ্রিলা মাকে ডাকতে রান্নাঘরে ঢুকেই চিৎকার করে অজ্ঞান হয়ে পড়ে গেল। ঐন্দ্রিলিকে পড়ে যেতে দেখে রান্নাঘরের সবাই কাজ ফেলে ছুটে আসে ওর কাছে। হঠাৎ রাখালের মার চোখ যায় বড় উনানের পেছনে খোলা জানালার দিকে। সঙ্গে সঙ্গে সে তারস্বরে চিৎকার করতে থাকে, মাইছা পেতুনী, মাইছা পেতুনী।

এদিকে গোলমাল শুনে ভেতর বাড়ি থেকে সবাই বেরিয়ে আসে। বড় বড় হাজাকের আলোতে রান্নাঘর ও তার সংলগ্ন প্রাঙ্গণ দিনের আলোর মতো উজ্জ্বল হয়ে ওঠে। চক্রবর্তী মশাই, তাঁর ভাই, জামাই সকলে মিলে ঐন্দ্রিলিকে রান্নাঘর থেকে শোবার ঘরে নিয়ে আসে। তার মাথায় জল ঢেলে, চোখে-মুখে জলের ঝাপটা দিয়ে কোনোরকমে জ্ঞান ফেরানো হয়। কিন্তু ঐন্দ্রিলা এতই ভয় পেয়েছে যে সে ভাল করে কথা বলতে পারে না। তাকে বিশ্রাম করতে দিয়ে চক্রবর্তী মশাই জামাইয়ের সঙ্গে বাইরের বারান্দায় আসতেই দেখেন রান্নাঘরের বারান্দায় রাখালের মাকে ঘিরে জটলা। চক্রবর্তী মশাই কাছে এসে প্রশ্ন করেন, কি হয়েছে রাখালের মা, তুমি এরকম করছো কেন?

ভয়ে রাখালের মার তখনও খরহরি কম্প, চোখ দুটো যেমন ঠেলে বেরিয়ে আসতে চাইছে, মাথার চুল উল্লুখুল্ল, ঘোমটা খসে পড়েছে। কোনোরকমে সে আঙুল তুলে রান্নাঘর দেখিয়ে বলে, মাইছা পেতুনী, মাইছা পেতুনী। অশোক চক্রবর্তী বলেন, মাইছা পেতুনী; সে আবার কি?

রাখালের মা জবাব দেবার আগেই রান্নাঘরের পেছন থেকে একটা পৈশাচিক হা-হা-হা-হা হাসি ভেসে আসতেই সবাই শিউরে ওঠে। কারো মুখে রাঁটি নেই।

হঠাৎ চক্রবর্তী মশাইয়ের জামাই অলকেশ হাতে একটা মোটা লাঠি নিয়ে রান্নাঘরের দিকে দৌড়ে যেতেই অন্যান্য পুরুষরাও তাকে অনুসরণ করে। রান্নাঘরের দরজার কাছে গিয়েই জামাই ঠোটে আঙুল রেখে সবাইকে চূপ করতে বলে পা টিপে টিপে ভেতরে ঢোকে। রান্নাঘরের ভেতরে দুটো লণ্ঠন জ্বলছে, সেই আলোতে অলকেশ দেখে এক ভয়ঙ্কর দৃশ্য। জানলার পেছনে বিশাল উঁচু তাল গাছের মাথা থেকে একটা লম্বা গলা নেমে এসেছে জানলা পর্যন্ত। সেই গলার শেষ প্রান্তে একটা পুড়ে যাওয়া বীভৎস মুখ থেকে লকলকে জিভ বেরিয়ে এসে জানলার গরাদ গলে ভেতরে ঢুকে মাছ ভাজার ঝুড়ি থেকে মাছ তুলে নিচ্ছে। এমন ভয়ঙ্কর দৃশ্য যে বেশিক্ষণ তাকিয়ে থাকা যায় না। সবাই বুঝতে পারে রাখালের মা একেই ‘মাইছা পেতুনী’ অর্থাৎ মাছখেকো পেতুনী বলেছে।

ব্যাপার দেখে তো সবার আত্মারাম খাঁচাছাড়া। অলকেশ ধীরে ধীরে এগিয়ে যায় উনানের দিকে। উনানের ওপর বসানো গরম তেল টগবগ করে ফুটছে। কড়াতে যে মাছের টুকরোগুলো ছিল সেগুলো অবশ্য পুড়ে কালো হয়ে গেছে। অলকেশ চূপ করে উনানের সামনে দাঁড়ায়। জিভটা কয়েকটা মাছের টুকরো নিয়ে জানলার বাইরে বেরিয়ে যাচ্ছে, মুখের মধ্যে সেগুলো চালান করে দিয়েই আবার মাছ নিয়ে যাচ্ছে। ভয়ঙ্কর মুখটা জানলার বাইরে বড় বড় দাঁতে কচমচ কচমচ করে মাছ চিবিয়েই চলেছে। চারিদিকে একটা দমবন্ধ করা আঁশটে গন্ধ। জিভটা যেই আবার জানলা দিয়ে ঢুকে মাছের ঝুড়ি থেকে কয়েকটা মাছের টুকরো তুলতে গেছে, অলকেশ অমনি এক হাতা গরম তেল তুলে জিভে ঢেলে দিয়েছে। সে কি পরিত্রাহি চিৎকার! খানিক পরেই দুপদাপ ধুপধাপ শব্দে কে যেন দূরে ছুটে চলে গেল।

চিৎকারটা দূরে মিলিয়ে যেতেই চক্রবর্তী মশাই দৌড়ে এসে অলকেশকে জড়িয়ে ধরেন। অলকেশ প্রচণ্ড সাহসী হলেও পেতুনীর চিৎকার শুনে সেও কেমন ভয় পেয়ে গিয়েছিল। এরপর সবাই মিলে সমস্ত মাছগুলো বাড়ির বাইরে ফেলে দিয়ে রান্নাঘর বন্ধ করে দিল। চক্রবর্তী মশাইরা তাড়াতাড়ি দোতলায় উঠে চারপাশে ধুলোর রামগণ্ডী টেনে শুয়ে পড়লেন। সবারই মনে এক চিন্তা কখন কি হয়। সে

রাতটা অবশ্য সবারই বিনিদ্র কাটে।

পরের দিন সকালে ঐন্দ্রিলা আর অলকেশ ঢাকা চলে যায়। সেই রাত থেকে শুরু হয় ভূতের উপদ্রব। বড় বড় পাথর, ইট, মাটির ঢেলা পড়তে থাকে দুম-দাম করে। ভয়ে কেউ ঘরের বাইরে বের হতে পারে না। দারোয়ান লালু সিং ফটক ভাল করে বন্ধ করে তার ঘরের দিকে যাচ্ছিল, ধাঁই করে একটা আধলা ইট এসে তার কপালে লাগতেই কপাল থেকে ফিনকি দিয়ে রক্ত ছুটল। কালী বুধির বাচ্চা বাছুরটা ছাড়া ছিল, সেটাকে বাঁধতে যেতেই ঠক করে একটা পাথরের টুকরো লেগে রাখালের কান কেটে গেল। মাঝে মাঝেই শোনা যাচ্ছিল অশরীরীর বিকট অউহাসি। এতেই ভূতেরা শান্ত হলো না, মাঝরাত থেকে যত সব পচা গলা মাস, হাড়গোড়, নাড়িভুঁড়ি পড়তে লাগল জমিদার বাড়ির ভেতরে। দুর্গন্ধে বাড়িতে টেকাই দায় হলো। পরের দিন জমিদার বাড়ি থেকে চক্রবর্তী মশাইয়ের পোষা কুকুর বাঘা হারিয়ে গেল। তার পরের দিন হারাল একটা গরু। ফটক বন্ধ থাকা সত্ত্বেও পশু দুটো যেন শূন্যে মিলিয়ে গেল। দু’দিন পরে দুপুর বেলায় গ্রামের শেষ প্রান্তে পোড়ো জমিতে পাওয়া গেল বাঘার ছিন্নভিন্ন দেহ। আশ্রয় ক’দিন পর বুড়িঘটতলার কাছে ঝোপের মধ্যে গরুরটার হাড়গোড় পাওয়া গেল। ধীরে ধীরে সমস্ত পূর্বধলা গ্রামটাতেই ভূতের অত্যাচার শুরু হলো। দিনের বেলায় সব শান্ত কিন্তু রাত্রি হলেই গ্রামটা যেন ভূতদের আড্ডায় পরিণত হয়। কত ওঘা গুণিন আনা হলো, ঝাড়-ফাঁক, মারণ-উচাটন চলল কিন্তু কাজে কিছু হলো না। ভূতের উপদ্রব বাড়ল বই কমল না। সব দেখে চক্রবর্তী মশাই অস্থির হয়ে উঠলেন। এসব অত্যাচারের মূলে তিনি। সেদিন যদি মাছ দুটো দিয়ে দিতেন তাহলে এই সব কাণ্ড হতো না।

কয়েক মাসের মধ্যে পূর্বধলা গ্রাম প্রায় শ্মশানে পরিণত হলো। কত গরু-ছাগল যে মরল তার ঠিক নেই। অনেক মানুষের ঘাড় মটকে রক্ত চুষে গেল ভূতে। ভয়ে কেউ আর সন্দের পর ঘর থেকে বার হয় না। এমনকি বিপদে পড়ে কেউ দরজার কড়া নাড়লেও এই অতিথিপরায়ণ মানুষগুলো দরজা খুলতে সাহস পায় না। কে জানে কখন ভূতে মানুষ সেজে কড়া নাড়বে। দরজা খুললেই ঘাড় মটকে রক্ত

চুষে খাবে।

এইভাবে কেটে যায় দিনের পর দিন, মাসের পর মাস। ভূতের উপদ্রব কিন্তু কমে না বরং দিনে দিনে আরোও বেড়ে চলে। ভূতের ভয়ে তখন অনেকেই গ্রাম ছেড়ে পালিয়ে যাচ্ছে। চক্রবর্তী মশাইও ভাবছেন বাড়িতে তাল্লা লাগিয়ে সবাই মিলে কলকাতা চলে যাবেন। তাঁদের বিশ পুরুষের বাস এই পূর্বধলা গ্রাম ছাড়বার কথা ভাবলেই ব্যথায় বুক ভরে ওঠে। কিন্তু কত আর সহ্য করা যায়। অবশেষে ঠিক করলেন সামনের অমাবস্যা কাটলেই তিনি সবাইকে নিয়ে কলকাতা চলে যাবেন।

(৩)

অমাবস্যার রাত। চারিদিক নিকষ কালো অন্ধকারে ঢাকা। এক ফাঁটা হাওয়া নেই। গ্রামের মধ্যে মৃত্যুপূর্বীর স্তব্ধতা। মাঝে মাঝে কর্কশ স্বরে পেঁচার ডাক শোনা যাচ্ছে। আর হঠাৎ হঠাৎ রক্ত হিম করা এক বিশ্রী হাসি হা-হা-হা-হা। সেদিন আবার মৌনি অমাবস্যা। এ এক ভয়ঙ্কর রাত। এদিন মহাকাল তার পিশাচদের নিয়ে জেগে উঠে তাণ্ডব নৃত্য চালায়। তাদের নজরে পড়লে আর রক্ষা নেই, সঙ্গে সঙ্গে রক্ত চুষে খাবে।

এমন রাতেই দিদির বাড়ি চলেছে শ্যামল। শ্যামল চৌধুরী সেনাবাহিনীর অফিসার। দ্বিতীয় বিশ্বযুদ্ধে সে ব্রিটিশের হয়ে লড়াই করেছে। যুদ্ধ শেষ হয়ে গেছে তাই সে ছুটি নিয়ে ময়মনসিংহ শহরে তার বাড়িতে এসেছে। সেখান থেকে সপ্তাহ খানেকের জন্য চলেছে দিদির বাড়ি বেড়াতে পূর্বধলা গ্রামে। এখানকার ব্যাপার-স্বাপার সে কিছুই জানে না। তাই সে একাই স্টেশন থেকে হেঁটে চলেছে জমিদার বাড়ির দিকে। তার দিদি চক্রবর্তী মশাইয়ের স্ত্রী। একটা পাঁচ ব্যাটারির টর্চ জ্বালিয়ে নিজের মনে রাস্তায় হাঁটছিল শ্যামল। হঠাৎ খস্ খস্ শব্দে মনে হয় কেউ যেন নতুন কাপড় পরে তার পিছন পিছন আসছে। শ্যামল ফিরে তাকাতেই মনে হলো পিছনে নয় তার সামনে কেউ আছে। এইভাবে কয়েকবার সামনে পিছনে তাকিয়ে কাউকে দেখতে না পেয়ে আবার হাঁটতে শুরু করে শ্যামল। এবার তার ঘাড়ের ওপর একটা ঠাণ্ডা হাওয়া লাগে। মনে হয় কেউ যেন ঠাণ্ডা নিঃশ্বাস ফেলছে। শ্যামল আবার পিছন ফেরে। না, কেউ কোথাও নেই। সে

ফের হাঁটতে থাকে। এবার তার মাথায় ঠক করে এক টুকরো ইট এসে লাগতেই শ্যামল মিলিটারি মেজাজে হাঁক পাড়ে, এই কে রে, সাহস থাকে তো সামনে আয়।

সঙ্গে সঙ্গে চারপাশে ওঠে হাসির রোল—হি-হি-হি-হা-হা-হা-ই-ই-ই-উ-উ-উ। শ্যামল কিন্তু এতটুকু ভয় পায় না। উল্টে আরোও জোরে চিৎকার করে বলে, দাঁড়া তো দেখাচ্ছি। সামনের মাঠে জড়ো করে রাখা ছিল খড়। দেশলাই জ্বালিয়ে খড়ের গাদায় আগুন ধরিয়ে দিল শ্যামল। তাতে শুকনো ডালপালা ফেলে দিতেই দেখতে দেখতে চারপাশ আলোকিত হয়ে ওঠে। আগুন দেখেই ভূতেরা ভয় পেয়ে একটু দূরে সরে যায়। রাগে তারা ফৌস ফৌস করতে থাকে। শ্যামল একটা গাছের বড় মোটা শুকনো ডাল যোগাড় করে তাতে আগুন ধরিয়ে পথ হাঁটতে থাকে।

মাঠ পার হতেই আবার চারপাশ অন্ধকার। তবে শ্যামলের হাতের মোটা ডাল মশালের মতো জ্বলছে। শ্যামল দ্রুত পা চালিয়ে একসময় বড়ো একটা পুকুরের পাড়ে পৌঁছায়। পুকুরের এপাড়ে কাঁচা সড়ক, অন্য পাড়ে বুড়িবটতলা। জায়গাটার কাছে আসতেই সি-ই-ই, সি-ই-ই শব্দ শুনে শ্যামল তাকিয়ে দেখে থান পরা ঘোমটা দেওয়া লম্বা মতো একজন বৌ পুকুরের অন্য পাড়ে দাঁড়িয়ে আছে। তার ঘোমটা ঢাকা মুখের ভেতর থেকে ভয়াল দর্শন একটা জিভ একটু একটু করে বড় হয়ে পুকুর পেরিয়ে তার দিকে এগিয়ে আসছে। এবার শ্যামল ভয় পায়। এত ভয় পায় যে তার হাত থেকে জ্বলন্ত ডালটা মাটিতে পড়ে যায়। জিভটা এগিয়ে আসছে...আসছে...আসছে। ভীষণ আঁশটে একটা গন্ধে চারদিক ভরে ওঠে। জিভটা পুকুর পার হয়ে একদম শ্যামলের সামনে এসে গেছে। শ্যামল শেষবারের মতো পালাতে চেষ্টা করে কিন্তু তার পা দুটো কে যেন মাটিতে গঁথে দিয়েছে। ভয়ে সে দুই চোখ বন্ধ করে ফেলে। হঠাৎ একটা চিৎকার কানে আসতেই শ্যামলের চোখ খুলে যায়, দেখে অভাবড় জিভটা ক্রমশ ছোট হয়ে পুকুরের অপর পাড়ে চলে যাচ্ছে। সঙ্গে সঙ্গে কাতর আর্তনাদ শোনা যায়, বাঁয়ুন...পৈতে...ওঁরে বাঁবা মঁরে গেলুম, মঁরে গেলুম।

খট করে শ্যামলের মাথায় রক্ত উঠে

যায়। সে মাটি থেকে জ্বলন্ত ডালটা তুলে নিয়ে পুকুরের পাড় ধরে সাদা থান পরা পেট্টীটার দিকে ছুটতে থাকে। শ্যামলকে মশাল হাতে আসতে দেখে পেট্টীটাও ছুটতে থাকে। বুড়িবটতলা পেরিয়ে একটা বড় শ্যাওড়া গাছের কোটরে ঢুকে যায় পেট্টীটা। শ্যাওড়া গাছটার সামনে পচা গলা মাংস, হাড়, নাড়িভূড়ি এমনভাবে ছড়ানো যে যাওয়াই যায় না, তার ওপর প্রচণ্ড দুর্গন্ধ। শ্যামল এসব অগ্রাহ করে শ্যাওড়া গাছের কাছে এসে দাঁড়াতেই পেট্টীটা বলে ওঠে, আঁমায় ছেঁড়ে পৈ বাঁয়ুন, তৌকে আঁমি আঁনেক টাকা দৈব।

“তবে রে পেট্টী, দেখ তোকে কি করি”, বলে শ্যামল তার পিঠের ব্যাগ থেকে পেট্টোলের শিশি বার করে শ্যাওড়া গাছে ছড়িয়ে দিয়ে আগুন ধরিয়ে দিতেই আকাশ বাতাস কাঁপিয়ে চিৎকার শোনা যায়, ওঁরে বাঁচারে—জ্বলে গেলাম, জ্বলে গেলাম। শ্যাওড়া গাছ থেকে আগুন ছড়িয়ে পড়ে পাশের ঝোপে। চারপাশ লাল হয়ে ওঠে। ঐ ঝোপেই অন্য সব ভূতদের আস্তানা, তারাও আগুনে পুড়ে গেল। চারপাশে তখন রক্ত হিম করা আর্তনাদ, আঁ-আঁ-আঁ-আঁ, গেলাম-মঁরলাম।

গ্রামের লোকেরা আর্তনাদ শুনে আর আগুন দেখে ঘরে বসে থাকতে পারল না। তারা হাতের কাছে যে যা পেল নিয়ে ঘর থেকে সদলবলে বেরিয়ে এসে আগুন লক্ষ্য করে ছুটতে লাগল। সবার হাতে বড় বড় মশাল। ছুটতে ছুটতে তারা একসময় শ্যাওড়া গাছের কাছে পৌঁছে শ্যামলকে একা দাঁড়িয়ে থাকতে দেখে হতবাক হয়ে গেল। তারপর ব্যাপারটা বুঝতে পেরে তারা শ্যামলকে বৃকে জড়িয়ে ধরল।


সকাল হলো। দেখা গেল ভূতেরা সব পুড়ে শেষ হয়ে গেছে। তখন গ্রামবাসীদের সেকি আনন্দ। আনন্দের চোটে তারা এক বিশাল ভোজের আয়োজন করে বসল। রাজধলা বিল থেকে বড় বড় মাছ তোলা হলো। দুদিন ধরে চলল খাওয়া-দাওয়া। সেই থেকে পূর্বধলা গ্রামে আর একটাও ভূত নেই। বিশ্বাস না হয় তো বাংলাদেশের ময়মনসিংহ জেলার এই গ্রামটায় ঘুরে আসতে পার।



ছবি : সনৎ কুমার দাস

সেলফোনে ক্যামেরা

'ডি-লা-গ্র্যান্ডি মেফিস্টোফিলিস'—
পটলডাঙার টেনিদা এখন বেঁচে থাকলে এ
কথা বলে লাফিয়ে উঠতেন। কারণ তোমার
সেলফোন এবার থেকে ক্যামেরারও কাজ
করবে। না কোনো ম্যাজিক নয়। কতগুলি
উন্নত প্রযুক্তির ব্যবহারে এটা সম্ভব হয়েছে।
হ্যাঁ, কমিউনিক্যামকে (Communicam)
এরিকসন জি. এস. এম. (এরিকসন GSM)
সেলফোনের সঙ্গে যুক্ত করলেই সেটা হয়ে
যাবে ডিজিটাল ক্যামেরা। তখন তুমি তাতে
ছবি তুলে সেই ফটো ই-মেল করে পাঠাতে
পারবে বা এরিকসনের ওয়েবসাইটে ধরে
রাখতে পারবে। সেটা হবে তোমার ব্যক্তিগত
অ্যালবাম। এই সেলফোন ক্যামেরা খুবই
হাল্কা। ওজন মাত্র .৮৮ আউন্স। প্রতি মিনিটে
পাঁচটি ছবি তুলে অ্যালবামে রাখা যায়।
দাম? মাত্র একশ পঞ্চাশ ডলার।




হাতের মুঠোয় লাইব্রেরি

অধ্যাপক টেড উইলিয়ামস এবং তাঁর
সহকর্মী বিজ্ঞানীরা আবিষ্কার করেছেন
কম্পিউটারের এক অতি আধুনিক স্মৃতি
সংগঠন (Memory System) যার মধ্যে
ব্রিটিশ যুক্তরাজ্যের সবচেয়ে বড় গ্রন্থাগার
ব্রিটিশ লাইব্রেরির যাবতীয় গ্রন্থ, পুস্তিকা
তথ্যাদি সংরক্ষণ করা গেছে। অথচ তার
আকৃতি একটি ক্রেডিট কার্ডের মতো।
বিজ্ঞানীরা এর নাম দিয়েছেন The Keele
High Density System (KHD)।

গ্রেট ব্রিটেনের কিল বিশ্ববিদ্যালয়ের
অধ্যাপক টেড এ প্রসঙ্গে বলেছেন, প্রচলিত
বাইনারী কোড প্রযুক্তি বাতিল করে স্মৃতি
সংরক্ষণে অন্য নতুন প্রযুক্তি আবিষ্কারের
ফলে এটা সম্ভব হয়েছে। নিকট ভবিষ্যতে
এই প্রযুক্তিপ্রয়োগের ফলে তথ্য প্রযুক্তির সব
বিভাগেই দারুণ উন্নতি ঘটবে ও অর্থ সাশ্রয়
হবে।


বিজ্ঞানের খবর

সন্দীপ সেন



গান-ব্রাশ

না না, বন্দুকবাজি নয়। টুথব্রাশের কথা
বলছি। 'ওল্ড ম্যাকডোনাল্ড' কোম্পানি সুদৃশ্য
এক টুথব্রাশ মাত্র চল্লিশ ডলারে বিক্রি
করছে। নাম Braun Orals B। এই টুথব্রাশ
দিয়ে দাঁত মাজলে উৎপন্ন হবে মধুর সংগীত
মুর্ছনা। দাঁত মাজা বন্ধ হলে গানের সুবণ্ড
থেকে যাবে। দাঁতের সঙ্গে ব্রাশের ঘর্ষণে যে
শক্তি উৎপন্ন হয় তা দিয়ে ব্রাশের মধ্যে
বিশেষভাবে রক্ষিত কিছু ইলেক্ট্রনিক চিপ
সংগীত উৎপন্ন করবে। চিপগুলোকে আগে
থেকে সেই নির্দেশ দেওয়া আছে। তবে চোদ্দ
রকমের বেশি গান কিন্তু শুনতে পাওয়া যায়
না। সেটাই বা মন্দ কি! সকালবেলায়
সংগীতের মধুর সুর দিয়ে দিন তো আরম্ভ
হবে।



টুইঙ্কল, টুইঙ্কল লিটল স্টার

রাতের আকাশে কত তারা। তাদের
কোনোটা গ্রহ, কোনোটা নক্ষত্র। নামও সব
আলাদা আলাদা। কিন্তু কোনটা কে? চিনব
কিভাবে? আর ভাবনা নেই, তুমি সহজেই
ছোট একটা যন্ত্রকে তোমার তারা চেনার
প্রদর্শক করতে পারো। ছোট্ট এই ব্যাটারি

চালিত যন্ত্রে সুইচ টিপে মহাকাশের মানচিত্র
অনুযায়ী তুমি তথ্য ভরে দাও। স্বয়ংক্রিয়ভাবে
যন্ত্রের সূচক তোমার নির্দিষ্ট নক্ষত্র বা গ্রহের
দিকে ঘুরে স্থির হয়ে দাঁড়াবে। যন্ত্রের পর্দায়
ফুটে উঠবে সেই নক্ষত্র বা গ্রহ এবং তার
চারপাশের অন্যান্য গ্রহ-নক্ষত্রের অবস্থান।
বুধ, মঙ্গল, শুক্র, বৃহস্পতি, শনি পর্যন্ত সব
দৃশ্যমান গ্রহগুলিকেই চিহ্নিত করতে পারে
ছোট্ট এই যন্ত্র। দাম মাত্র চারশ' পঞ্চাশ
ডলার।

দশ মিনিট সময় দিন

জলের পাইপে ফুটো, বেগে জল বেরোচ্ছে
অথবা গ্যাসপাইপে লিক, দৈনন্দিন জীবনে
এরকম সমস্যা প্রায়শই ঘটে। তখন মিত্রি
ডাকো, জলের পাইপ, গ্যাসের পাইপ বন্ধ
করো, মানে সব কাজকর্মও বন্ধ। এসব
সমস্যার সমাধানে Vortex Industrial
Products আবিষ্কার করেছেন 'কুইক
রিপেয়ার'। এই কুইক রিপেয়ার একটি
তন্তুময় ব্যাল্ভেজ, যে ব্যাল্ভেজ গ্যাস, তেল,
জল, বাষ্পবাহী যেকোনো ধরনের ফটা
পাইপ মাত্র দশমিনিটে সারিয়ে দেয়। টুকরো
পাইপ জুড়তেও এই ব্যাল্ভেজের জুড়ি নেই।
Aramid তন্তু দিয়ে তৈরি ব্যাল্ভেজ দ্রুত গলে
গিয়ে ছিদ্রের মধ্যে জমে যায় এবং তার উপরে
ব্যাল্ভেজের উচ্চ তাপ ও চাপ নিরোধক
পলিমারের আস্তরণ পড়ে পাইপের আয়ু
বাড়িয়ে দেয়। ভারতবর্ষে এই বস্তুটির বিপণন
করবেন রায় প্রোডাক্টস প্রাইভেট
লিমিটেড।

ছবি : জুরান নাথ

নিমু-চোর

রীতা ভট্টাচার্য



স ময়টা নভেম্বরের প্রথম। বেশ ঠাণ্ডা পড়েছে এবার। সিদ্ধেশ্বর গোস্বামী কর্মজীবনে ছিলেন জেলার। বিভিন্ন জেলেতে ঘুরেছেন সেইসময়। এখন রিটারায়র করেছেন। অবসরের পরে মধ্যমগ্রামে পৈতৃক বাড়িটি সারিয়ে নিয়েছেন। সেখানেই থাকেন। নিজের বলতে কেউ নেই তাঁর। বাবা, মা অনেক আগেই গত হয়েছেন। একমাত্র সন্তান হওয়াতে ভাইবোন কি জিনিস তাও কোনোদিন জানতে পারেননি। বিয়ে করবার পর স্ত্রীই ছিলেন সঙ্গী। তা তিনিও বছর তিনেক হলো আর ইহলোকে নেই। কোনো সন্তান-সন্ততিও নেই নিজের। সুতরাং সিদ্ধেশ্বর গোস্বামী একদমই একা। অবসরের পরে দুটো জিনিসে আপাতত মনোনিবেশ করেছেন। প্রথমটি হলো বাগান করা আর দ্বিতীয়টি বই লেখা।

মধ্যমগ্রামের একতলা বাড়ির পাশে

একবিঘা জমি নিয়ে একটা বাগান করেছেন তিনি। সেখানে নানারকম সবজি, ফুল-ফলের চাষ করেন। বাগানের একপাশে সার্ভেটস কোয়ার্টারস, অন্যপাশে গোয়াল। গোয়ালে তিনটি দুখেল গাই আছে। এই পর্য্যট্টি বছর বয়সেও সিদ্ধেশ্বরের শরীর বেশ শক্তপোক্ত। যৌবনে নিয়মিত যোগ-ব্যায়াম আর শরীর-চর্চা করবার সুফল এটা। বাগানের কাজ তিনি নিজের হাতেই করতে চেষ্টা করেন। তবে ইদানীং তাঁকে সাহায্য করবার জন্য একজন লোক রেখেছেন। লোকটির নাম বৃন্দাবন। বৃন্দাবন এক নম্বরের ফাঁকিবাজ, আবার কিছুটা রুগ্নও। প্রায়ই নানা কারণ দেখিয়ে সে কাজে আসে না। সিদ্ধেশ্বর ওকে সার্ভেটস কোয়ার্টারে থাকতে বলেছিলেন। বৃন্দাবন রাজী হয়নি। ওর বাড়ি বারাসতে। বারাসতে থেকেই ও মধ্যমগ্রামে যাতায়াত করত। এই ব্যবস্থাই চলছিল। তা

গত পাঁচদিন ধরে বৃন্দাবন কাজেই আসছে না।

সিদ্ধেশ্বরের দ্বিতীয় হবিটির জন্য রাত্রিবেলাটাই রেখেছেন তিনি। সারাদিন বাগানের কাজে সময় দিয়ে রাতে কাগজ-কলম নিয়ে বসেন। সারাজীবনের অভিজ্ঞতা নিয়ে তিনি একটি বই লিখছেন—‘জীবনকে যেরকম দেখেছি’। সিদ্ধেশ্বর যখন জেলার ছিলেন, তখন নিয়মিত ডায়েরি লিখতেন। ঐ ডায়েরিতে লেখা আছে কত খুনী আসামী, চোর, ডাকাতের কথা। সেইসব টুকরো টুকরো কাহিনীগুলোকে এক সূতোয় গেঁথে গেঁথে এখন সুন্দর করে সাজাচ্ছেন সিদ্ধেশ্বর। সত্যি বলতে কি, তাঁর জীবনের কথা লিখতে গেলে এদের কথা কিছুতেই বাদ দেওয়া যাবে না।

ইদানীং শীতের জন্য সিদ্ধেশ্বর যেন একটু বেশিই কাহিল হয়ে পড়েছেন।

অনেকক্ষণ রাত জেগে আর লিখতে পারছেন না। গতকাল রাতে আবার বেশ খানিকটা ঝড়বৃষ্টিও হয়ে গেছে। একে ঠাণ্ডা, তায় বৃষ্টি। আজ তাই শীতটা এমন জাঁকিয়ে পড়েছে যে, দাঁতে দাঁত লেগে যাচ্ছে সিদ্ধেশ্বরের। রাতের খাওয়া-দাওয়ার পর সিদ্ধেশ্বর সোজা কব্বলের তলায় গিয়ে ঢুকে পড়েছিলেন। আজ আর লেখায় মন নেই তাঁর। ঘরের জানলা-দরজা সব বন্ধ। কব্বলের ভেতরটাও বেশ উষ্ণ। সিদ্ধেশ্বরের চোখে সুখনিদ্রা নেমে আসে।

মাঝরাতে কিসের যেন খুঁটখাট শব্দ ঘুম ভেঙে গেল তাঁর। ঘুমটা তাঁর বরাবরই খুব পাতলা। সামান্য শব্দেই ঘুম ভেঙে যায়। চোখ মেলে দেখেন, ঘরের মধ্যে ক্ষীণ আলো। লক্ষ্য করলেন ভালো করে, নাহ, এটা তো তাঁরই টর্চের আলো। কেউ ঘরের মধ্যে তাঁরই টর্চ স্কেলে কাজ করছে। গভীর রাতে ঘরের মধ্যে টর্চ স্কেলে কাজ করবে কে? কথটা মাথাতে আসতেই বিজ্ঞানার ওপর তড়াক করে উঠে বসলেন সিদ্ধেশ্বর। আঁা, চোর? চোর ঢুকেছে ঘরে? রিটার্ডার্ড জেলরের ঘরে চোর?

সিদ্ধেশ্বর হাঁক পাড়েন, এই কে রে? কে ওখানে? ব্যস অমনি ঝপ করে ঘর অন্ধকার হয়ে গেল। চোরটা টর্চটা নিবিয়ে দিয়েছে।

সিদ্ধেশ্বর হাতড়ে হাতড়ে সুইচ বোর্ডের দিকে এগোতে থাকেন। টেবিল ল্যাম্পটা খাটের পাশেই ছিল, সিদ্ধেশ্বরের হাত লেগে মাটিতে পড়ে গেল। বালবটা বোধহয় ভেঙেই গেল। সিদ্ধেশ্বর ঘরের সুইচটা টিপলেন এবার। টিউব-লাইটের তীব্র আলোয় ঘরটা উজ্জ্বল হয়ে উঠল।

সিদ্ধেশ্বর দেখলেন যে, ঘরের একধারে জড়সড়ো হয়ে দাঁড়িয়ে রয়েছে একটি লোক। ভীষণ কালো। লম্বা, লিকলিকে চেহারা। চোখ দুটো কোঁটরে ঢোকা। গাল দুটো বসে গিয়ে ওখানে গর্ত হয়ে গেছে। লোকটা ভীষণ ভয় পেয়েছে বলে মনে হলো সিদ্ধেশ্বরের। তিনি লোকটার দিক থেকে চোখ সরিয়ে মেঝের দিকে তাকিয়ে অবাক হয়ে গেলেন। ফ্রিজ থেকে পেস্টিুর ট্রেটা বের করা হয়েছে। তার ওপর মাছের ঝোল, পায়ের বা ছিল, সব ঢালা হয়েছে। লোকটা গোত্রাসে ওসব গিলছিল এতক্ষণ। টোঁটের ওপরে পুরু হয়ে পেস্টিুর ক্রিম লেগে রয়েছে এখনও। সিদ্ধেশ্বর হেসে ফেললেন। নাহ, চোরটা মনে হচ্ছে খুবই পেটুক। আলমারি খোলেনি। অথচ চাবিটা পাশেই দেওয়ালের

পেরেকে ঝুলছিল। ওই আলমারিতে সিদ্ধেশ্বরের স্ত্রীর গয়নাগাটি, টাকা-পয়সা—সবই রাখা থাকে।

সিদ্ধেশ্বর বললেন, এই, এখানে কি করছিলি তুই?

লোকটি কাঁপা গলাতে বলল, এঞ্জে, চুরি করছিলাম।

সিদ্ধেশ্বর বললেন, চুরি যে করছিলি তা তো দেখতেই পাচ্ছি। কি নাম তোর?

লোকটি মাথা চুলকায়। বলে, এঞ্জে, নিমাই। কিন্তু লোকে নিমু-চোর বলেই ডাকে আমারে।

সিদ্ধেশ্বর জকুটি করেন, নি-মাই? চোরের নাম নিমাই? তোর মা-বাপ আর নাম পেল না খুঁজে? অবশ্য তাদেরই বা কি ঘোষ। তারা তো আর জানত না যে, তুই বড় হয়ে চোর হবি। নিমাই চুপ করে রইল।

সিদ্ধেশ্বর বললেন, তুই ফ্রিজ খুলে গোত্রাসে এসব গিলছিলি? তুই কি রাতে লোকের বাড়িতে ঢুকে খাবার চুরি করিস নাকি?

নিমাই বলল, দুদিন কিছু খাইনি তো। খুব খিদে লেগেছিল এঞ্জে। ফিরিজটাকে আলমারি মনে করেছিলাম। তা খুলেই দেখি কত খাবার! তাই বসে বসে খাচ্ছিলাম, এঞ্জে।

সিদ্ধেশ্বর ওকে ভেঙিয়ে বলেন, খাচ্ছিলাম এঞ্জে! খেয়ে নিয়ে তারপর চুরি করতিস, না? তা বাবা, তুই কিন্তু চোর হিসেবে খুব একটা পাকা নোস।

নিমাই সঙ্গে সঙ্গে বলল, এঞ্জে ঠিকই বলেছেন বাবু। আমি লোকের বাড়িতে চুরি করি না। আমার কাজ হাত সাফাই। আমি পকেট মারতাম আগে। তা মাস তিনেক আগে ধরা পড়ে বেজায় পিটুনি খেয়েছি। এই তো সবে জেল থেকে বেরলাম। ভাবলাম, ক'দিন তাহলে চুরিই করি। পেট চলে যাবে।

সিদ্ধেশ্বর একদৃষ্টে নিমাইয়ের দিকে তাকিয়ে হাঁ করে ওর কথা শুনছিলেন। হঠাৎ কি যেন মনে পড়ল তাঁর। বললেন, হ্যাঁ রে, তুই সেই বহরমপুর জেলেতে মাস তিন-চার ছিলি না? নিমাই হেসে মাথা চুলকাল। সিদ্ধেশ্বর বললেন, দাঁড়া, দাঁড়া, মনে পড়েছে আমার। তুই জেলেতে থাকতে একবার আমার পকেট থেকেই মানিবাগটা মেরে দিয়েছিলি না? এই, আমাকে চিনতে পারছিঁস?

নিমাই অমায়িকভাবে হেসে বলে, এঞ্জে, চিনেছি বাবু। আমি আসলে বুঝতে পারিনি এটা আপনার বাড়ি। জানলে আমি ঢুকতাম

না। মা কালীর দিবি বলছি।

নিমাই দুহাতে কান ধরে, জিব কেটে একটা অদ্ভুত ভঙ্গি করল। সিদ্ধেশ্বর হাসলেন ওর ভঙ্গি দেখে। বললেন, তুই তো বহরমপুরে ছিলি? এখানে এলি কি করে?

নিমাই বলল, এঞ্জে, এখন তো এখানেই থাকি।

সিদ্ধেশ্বরের মেমারি খুব শার্প। এই বয়সেও। সিদ্ধেশ্বর বললেন, কিন্তু যতদূর মনে পড়েছে, তোর নামে আজিমগঞ্জ না কোথা থেকে মাঝে মাঝে চিঠি আসত।

তোর বৌই লিখত বোধহয়।

নিমাই বলল, হ্যাঁ বাবু, আজিমগঞ্জেই বাড়ি ছিল আমার। আপনার দেখি সব মনে আছে? কিন্তু সে বাড়ি তো বাবু পদ্মা নদীর পেটে চলে গেছে। এখন বউ, ছেলে-পুলে নিয়ে উল্টোডাঙা স্টেশানের পাশের ঝুপড়িতে থাকি।

সিদ্ধেশ্বর বললেন, তুই জেলে ছিলিস বলছিলি না? তোর বউ-ছেলের চলত কি করে তখন?

মজিলপুর কলকাতা থেকে বেশি দূরে নয়। মজিলপুরের বোসপুকুরপাড়ায় থাকে তিন সত্যসন্ধানী— শান্ত, মোটু ও শেলী। মজিলপুরে কোন বড় ধরনের চুরি ডাকাতি হলে ওরা তদন্তে নামবে ভাবে। কিন্তু তেমন কিছু হচ্ছে না।

সেদিন রাতে গগনবাবুর লাইব্রেরীঘরে আগুন লাগল। ত্রয়ী সত্যসন্ধানী ছুটল আগুন দেখতে। পুলিশ বটেশ্বর খুব মাতব্বরির করছিল। ত্রয়ী এবার নামল আগুন লাগার কারণ সন্ধানে।

সেই অভিজ্ঞতার বিচিত্র কাহিনী—

পোড়াবাড়ির রহস্য

অনিল ভৌমিক

এই তিন সত্যসন্ধানীর আর একটি অভিযান

একটি ঘরের রহস্য ২৫

নিউ বেঙ্গল প্রেস (প্রা) লিমিটেড



নিমাই বলল, এজ্ঞে, চলত না তো বাবু। বোঁটা লোকের বাড়ি কাজ করতো। তা সে কাজও চলে গিয়েছে।

সিন্ধেশ্বর জিজ্ঞেস করলেন, কেন? কাজ চলে গেল কেন?

নিমাই ফিক করে হাসল, তা বাবু, চোরের বউরে কে আর কাজে রাখবে বলেন?

সিন্ধেশ্বরের রাগ চড়ে যায় মাথাতে। বলেন, অত যদি বুঝিস তো চুরি করিস কেন রে হতভাগা? অন্য কোনো কাজকন্ম করতে পারিস না?

নিমাই মিনমিন করে বলে, কাজ আর কে আমাদের দেবে বলেন?

সিন্ধেশ্বর কি চিন্তা করেন মনে মনে। বাইরে পাখির ডাক শোনা যায়। সিন্ধেশ্বর ঘড়িতে দেখেন পাঁচটা বাজে। তখনও কিছু বাইরে বেশ অন্ধকার। চারদিকে ঘন কুয়াশার আবরণ, রয়েছে একটা। সোয়েটার আর মাফলারে শরীর ঢেকে সিন্ধেশ্বর ঘর থেকে বেরিয়ে আসেন। সঙ্গে নিমাইও। সোজা চলে আসেন বাগানে।

বাগানে নানা গাছ-গাছালি। পেয়ারা, নারকেল, সজনে, লেবু, লঙ্কা। সিন্ধেশ্বর সবজি চাষ করেছেন অনেকটা জায়গা জুড়ে। কপি, পালং, কড়াইগুঁটি, টমেটো, লাল মুলো। বাগানের পাশে সার্ভেটস কোয়ার্টারের একটা ঘরে জড়ো করে রাখা আছে বিভিন্ন রকমের সার আর শাবল, কোশাল, নিগুড়ি ইত্যাদি সরঞ্জাম। সুপার ফসফেট, অ্যামোনিয়াম সালফেট, মিউরেট অফ পটাশ, ইউরিয়া ছাড়াও রয়েছে পলিথিনের প্যাকে বিভিন্ন রকমের বীজ। নিমাই এসব দেখে প্রশ্ন করে, এগুলো সব কি?

সিন্ধেশ্বর বলেন, এগুলো হলো সার। শরীরকে ভালো রাখতে যেমন ভিটামিন লাগে, গাছদের জন্য তেমনি লাগে সার। এতে ফলন বাড়ে, পোকের হাত থেকে গাছ রক্ষা পায়।

সিন্ধেশ্বর বাগানটা ঘুরে ঘুরে দেখান নিমাইকে। তারপর কুয়ার সামনে এসে দাঁড়ান। বাগানের মাঝখানে একটা গভীর ইদারা মতো রয়েছে। সিন্ধেশ্বর বলেন, এই যে কুয়ো দেখছিস, এরমধ্যে টুলু পাম্প ফিট করা আছে। এ পাম্প দিয়ে জল তুলে একটা বড় চৌবাচ্চায় রাখা হয়। তারপর সেখান থেকে পাইপে করে গাছে গাছে দেওয়া হয়।

নিমাই মৌন হয়ে সব লক্ষ্য করে চলেছে। হঠাৎ বলল, আমারে এসব দেখাচ্ছেন কেন

বাবু?

সিন্ধেশ্বর বলেন, তুই কাজের কথা বলছিলি না? আমার এখানেই কাজে লেগে যেতে পারিস ইচ্ছে থাকলে। তোর মতো ছিটকে চোরকে আমি পাত্তা দিই না। কেন জানিস? সারাজীবনে অর্ধেকের বেশি সময়টা আমার কেটেছে বড় বড় সব চোর-ডাকাডের সঙ্গে। তুই যদি ভদ্রভাবে কাজকন্ম করতে চাস, তবে তোকে আমি একটা সুযোগ দিতাম। এই আর কি।

নিমাই তো সঙ্গে সঙ্গে রাজী। সিন্ধেশ্বর বললেন, কাজ করলে ৫০ টাকা রোজ পাবি। যেদিন আসবি না, সেদিন কিন্তু টাকা পাবি না। বুঝছিস? ও হ্যাঁ, একবেলা খেতে পাবি।

নিমাই যেন হাতে স্বর্গ পেল। বলল, এজ্ঞে, আমি কাজ করব।

সিন্ধেশ্বর ওকে থামিয়ে বলেন, দাঁড়া, আগে আমার শর্ত দুটো শোন। ও দুটো মানলে তবেই তোকে কাজে রাখব কিন্তু।

নিমাই তো সব শর্তেই রাজী। বলল, এজ্ঞে, বলেন আপনি।

সিন্ধেশ্বর বললেন, আমার প্রথম শর্ত হলো, তুই আমার বাড়ির মধ্যে কখনও ঢুকবি না। সার্ভেটস কোয়ার্টারে থাকবি। ওখানে শোবার জন্য খাট রয়েছে। দুপুরে চাইলে বিখ্রাম করতে পারিস। বাথরুম রয়েছে। দরকার হলে ব্যবহার করতে পারিস। আমার কাজের মেয়ে ওখানে তোকে খাবার দিয়ে আসবে। কি রাজী?

নিমাই মাথা নেড়ে সম্মতি জানিয়ে বলল, এজ্ঞে রাজী। বাড়ির মধ্যে ঢুকব না আমি।

সিন্ধেশ্বর বললেন, আমার দ্বিতীয় শর্ত হলো, যদি কখনও কিছু চুরি করতে দেখি তোকে তো সঙ্গে সঙ্গে দূর করে দেব একেবারে। তখন আর কোনো অনুনয়-বিনয় চলবে না কিন্তু।

নিমাই নাক-কান মুলল। বলল, কি যে বলেন বাবু? আর চুরি করি? কোনোদিন করব না আর।

সিন্ধেশ্বর বললেন, তাহলে আর কি? কাল থেকেই কাজে লেগে পড় তুই। আমার একটা কাজের লোক ছিল, বৃন্দাবন। তা সে তো অর্ধেক দিন আসেই না। ওইরকম লোক দিয়ে আমার চলবে না। কামাই করলে তোকেও ছাড়িয়ে দেব, বলে রাখলাম।

নিমাই বহাল হয়ে গেল। সিন্ধেশ্বর নিমাইকে ঘুরিয়ে ঘুরিয়ে কাজ শেখাতে লাগলেন। গরুর কাজ, বাগানের কাজ। গাছে

জল দেবার পদ্ধতি, সার দেওয়ার নিয়মকানুন। নিমাইয়ের মাথা বেশ পরিষ্কার। শেখবারও বেশ আগ্রহ রয়েছে। সিন্ধেশ্বরের কাছে উৎসাহ নিয়েই কাজ করতে লাগল নিমাই।

বাগানে সবজি হয় অনেক, প্রচুর পরিমাণে দুধও প্রতিদিন। নিমাইয়ের কৌতূহল হয়। বলে, বাবু, এত সব জিনিস দিয়ে আপনি কি করেন? এত দুধ কে খায়?

সিন্ধেশ্বর মাথা নেড়ে বেশ রহস্য করে দুলে দুলে হাসেন। তারপর বলেন, সত্যিই তো কোথায় যায় এসব বল তো? খুবই চিন্তার কথা? আচ্ছা, শোন তাহলে। এখন থেকে তিন-চার কিলোমিটার দূরে মিশনের একটা অনাথ-আশ্রম আছে। অনেক ছোটো ছোটো বাচ্চারা ওখানে থাকে। এইসব জিনিস ওখানেই যায়। এবার বুঝছিস? ভোরে দুধ আর সবজি নিয়ে লোক যায় ওখানে। তুই এখনে আসবার আগেই লোক চলে যায়।

নিমাই বলে, বুঝছি। সবই বিনি পয়সায়, না?

সিন্ধেশ্বর হা হা করে হেসে ওঠেন গলা খুলে। তারপর বলেন, পয়সা? পয়সা দিয়ে আমি কি করব? আমার নিজের যা আছে তা আমার একার পক্ষে যথেষ্ট। হেসে খেলে চলে যাবে। ওই ছেলেরা সব এই জিনিস খায়, এতেই আমার আনন্দ। বুঝলি কিছু? তুই এসব বুঝবি না রে।

নিমাই মাথা নেড়ে বলে, এজ্ঞে, বুঝছি।

নিমাই রোজই আসে। কামাই করে না। নিমাইয়ের সঙ্গে বাগান করতে লাগলেন সিন্ধেশ্বর। সারাদিন ওর সঙ্গে বকবক করেন। সিন্ধেশ্বর নানারকমের কথা আলোচনা করেন। নিমাই কেবল শ্রোতার ভূমিকায় থাকে। তবে কাজকন্ম সব ঠিকঠাক করে যায়। কাজে লেগে অবধি কখনও ওর কোনো বেচাল চোখে পড়েনি সিন্ধেশ্বরের।

এভাবেই বছর তিনেক কেটে গেল। নিমাই এখন আর রোজ বাড়ি যায় না। সার্ভেটস কোয়ার্টারে থেকে যায় প্রায়ই। বৈশাখ মাসের শেষের দিকে সেই ঘটনাটা ঘটল। একদিন ভোর রাতে ঘুম ভেঙে গেল সিন্ধেশ্বরের। তারপর যা দেখলেন, তাতে তো তাঁর চক্ষুস্থির একেবারে। আলমারি খোলা, ঘরের দরজাও তাই। কী ব্যাপার? সিন্ধেশ্বর আলমারির ভেতরে উঁকি মারেন। নাই কিছুই নেই। গয়না, টাকা-পয়সা, জামা-কাপড় সবই উধাও!

সিন্ধেশ্বর মনে মনে নিজেকেই ঝিকার দেন। ইস, মরতে চোরকে কাজে রেখেছিলাম। নিমাই সব চুরি করে ভেগেছে নির্ধাৎ। স্বভাব

আর যাবে কোথায়। সিদ্ধেশ্বর বাগানে গিয়ে দেখেন যে, নিমাই নেই। সার্ভেন্টস কোয়ার্টারেও নেই। সিদ্ধেশ্বর ভাবেন, না, আজ নিমাইয়ের নামে থানায় রিপোর্ট লেখাতেই হচ্ছে। এরপর সিদ্ধেশ্বর থানায় যাবার জন্য তৈরি হয়ে যান। কিন্তু বাইরের গেটে হাত রাখতেই দেখেন, বাড়ির বারান্দায় বালিশ পেতে শুয়ে আছে নিমাই। অঘোরে ঘুমোচ্ছে!

সিদ্ধেশ্বর চিৎকার করে ডাকেন, এই নিমে ওঠ শিগগির..। কয়েকবার ডাকাডাকির পর নিমাই ধড়মড় করে উঠে বসে। সিদ্ধেশ্বর বলেন, এই তুই এখানে কি করছিস?

নিমাই বলে, এজ্ঞে, পাহারা দিচ্ছিলাম। সিদ্ধেশ্বর ব্যঙ্গ করে বলেন, পাহারা দিচ্ছিলি? ঘুমিয়ে ঘুমিয়ে? তোকে না বাড়ির ভেতরে ঢুকতে আমি নিষেধ করে দিয়েছি? ওখানে গেলি কি করে তুই?

নিমাই করুণভাবে বলল, এজ্ঞে, কাল রাতে চোর সঁধিয়েছিল আপনার ঘরে। আমি আমার ঘর থেকে ওরে পষ্ট দেখলাম। ওর হাতে ডোজালি ছিল। তাই আর কাছে যেতে সাহস হয়নি। কিন্তু যেই বাছানন গেট খুলে বেরুতে গেছে অমনি ওর ব্যাগ থেকে পুটলিটা হাত সাফাই করে নিয়েছি। লোকটা অন্ধকারে আমারে ঠিক ঠাহর করতে পারেনি।

সিদ্ধেশ্বর অবাক। বলেন, পুটলি? কিসের পুটলি?

নিমাই হেসে বলে, এজ্ঞে, ওই যে আমি জানলা দিয়ে উঁকি মেরে দেখলাম, ঐ ব্যাটা সব গয়নাগাঁটি আর টাকাকড়ি একটা কাপড়ে রেখে, পুটলি বাঁধছে।

নিমাই এবার ওর বালিশের তলা থেকে পুটলিটা বের করে সিদ্ধেশ্বরের হাতে দেয়। সিদ্ধেশ্বর পুটলিটা খুলে দেখেন, গয়নাগাঁটি আর টাকাপয়সা সব ঠিকই আছে। সিদ্ধেশ্বর বলেন, কিন্তু তুই তো আমার দুটো শর্তই ভেঙেছিস?

নিমাইয়ের মুখ কাঁচুমাচু। বলে, এজ্ঞে? সিদ্ধেশ্বর বলেন, প্রথমত, বাড়ির ভেতরে ঢুকেছিস তুই। দ্বিতীয়ত, আবার চুরি করেছিস। নিমাই আমতা আমতা করে বলে, একে কি চুরি করা বলে বাবু?

সিদ্ধেশ্বর গুরুগভীর কণ্ঠে বলেন, নিশ্চয়ই বলে।

নিমাই বলে, কিন্তু বাবু, ওগুলো তো আমাদের নিজেদের দব্য এজ্ঞে। এটাও কি চুরি?

সিদ্ধেশ্বর ভাবেন, এগুলো তো সব



লোকটা গোপ্রাসে ওসব গিলছিল এতক্ষণ।

তাঁরই জিনিস! চোরের কাছ থেকে ফেরৎ নেওয়া হয়েছে কেবল। তাহলে নিমাইকে এখন কি বলা যায়? সিদ্ধেশ্বর মনে মনে চিন্তা করেন।

নিমাই সার্ভেন্টস কোয়ার্টারের দিকে এগোল এবার। সিদ্ধেশ্বর বলেন, ওদিকে কোথায় যাচ্ছিস?

নিমাই নিরীহভাবে বলে, এজ্ঞে, আমার জামা-কাপড়গুলো নেব।

সিদ্ধেশ্বর হা হা করে হঠাৎ আকাশ কাঁপিয়ে হেসে ওঠেন। তারপর বলেন, থাক,

ওগুলো ওখানেই থাক। এবারের মতো তোকে ক্ষমা করে দিলাম, যা। ভবিষ্যতে আর কোনো বেচাল করবি না কিন্তু। সকাল হয়ে গেছে, বাগানের কাজে লেগে পড়।

সিদ্ধেশ্বর নিমাইয়ের সঙ্গে বাগানের কাজে ব্যস্ত হয়ে পড়েন রোজকার মতো। কিন্তু কাজ করতে করতে কেন যেন অন্যমনস্ক হয়ে যান মাঝে-মাঝে। ভাবেন, তাঁর আত্মজীবনীতে একটা পুরো অধ্যায় বোধহয় নিমুর জন্য রাখতে হবে। লোকটা সত্যিই বেশ ইন্টারেস্টিং! ছবি : অরূপ ব্যানার্জী



গল্প হলেও সত্যি

তড়িৎ কুমার বন্দ্যোপাধ্যায়

ফুনির দ্বীপের গল্পকথক

এই গল্পকথকের নাম হ্যানস। তার বাড়ি ছিল ফুনির দ্বীপের এক ছোট্ট শহরে। শহরটির নাম ওডেস। হ্যানসরা ছিল খুব গরীব। তার বাবা জুতো তৈরি করে বাজারে বিক্রি করতেন। জুতো বিক্রির আয় থেকেই চলত তাদের সংসার। হ্যানসের যখন আট বছর বয়স তার বাবা হঠাৎ মারা গেলেন। সংসার অচল হয়ে উঠল। দিন আর চলে না। হ্যানসের মা মেরী সংসারের অবস্থা দেখে দ্বিতীয়বার বিয়ে করলেন। কিন্তু তাতেও অভাবের কোনো সুরাহা হলো না। গ্রাসাচ্ছাদনের জন্য তখন তিনি প্রতিবেশীদের বাড়িতে কাপড় কাচার কাজ নিলেন। খুব কষ্টে দিন কাটাতে হতো হ্যানসদের। অভাব-অনটনের মধ্যেও পয়সা বাঁচিয়ে মেরী হ্যানসকে ওডেসের এক অবৈতনিক স্কুলে ভর্তি করে দিলেন। কিছুদিন হ্যানস সেখানে গিয়েছিল কিন্তু পঠন-পাঠন করতে পারেনি। কারণ হ্যানস দেখতে ছিল খুব কুৎসিত। একে গরীব তায় কুৎসিত। সব মিলিয়ে হ্যানসের ভাগ্যদেবী যেন তার ওপর খুবই অপ্রসন্ন।

হ্যানস কল্পনা করতে—স্বপ্ন দেখতে খুব ভালবাসে। ছোটবেলায় রোজ তার ঠাকুরার কাছে নানা রূপকথার গল্প শুনত। ঠাকুরা মারা গেলে হ্যানসের বাবা তাকে নানা দেশের রূপকথার গল্প শোনাতেন। এভাবে রূপকথার গল্প শুনতে শুনতে তার

মন সর্বদাই রূপকথার রাজ্যে ঘুরে বেড়াত। বয়স আস্তে আস্তে বাড়লেও সেই অভ্যাসের মায়াজাল থেকে হ্যানস বেরিয়ে আসতে পারেনি। তার বাবা জুতো তৈরির অবসর সময় হরেক বকম পুতুল বানাতে। সেগুলো বিক্রি করেও কিছু আয় হতো। ছোটবেলায় হ্যানস অন্যান্য ছেলেদের মতো খেলাধুলা না করে ঘরের পুতুলগুলোকে রূপকথার নায়ক-নায়িকা সাজিয়ে অভিনয় করে সময় কাটাত।

ওডেস শহরে জিপসিদের যাত্রা ছিল খুব জনপ্রিয়। তারা বলমলে পোশাক পরে গায়ে-গঞ্জে অভিনয় করত। হ্যানস খুব উৎসাহ নিয়ে সেই সমস্ত যাত্রাপালা শুনত। যাত্রা শুনতে শুনতে তার মনে হতো সেও বড় হয়ে এমন দক্ষ অভিনেতা হবে। আরও একটু বয়স বাড়লে সে ভাবতে শুরু করল, শুধু অভিনেতাই নয় সে যাত্রাপালাও রচনা করবে। সে হবে নাট্যকার। লোকে তাকে বলবে ডেনমার্কের শেক্সপিয়ার।

যতই দিন যেতে থাকে হ্যানসের মনে ঐ কল্পনা ততই শাখা-প্রশাখা মেলে পল্লবিত হয়। কল্পনার রাজ্যে ভাসতে ভাসতে একদিন মাকে না জানিয়ে হ্যানস ওডেস ছেড়ে পাড়ি দিল রাজধানী শহর কোপেনহেগেনের দিকে। তাদের বাড়ি থেকে কোপেনহেগেনের পথ অনেকটা। তখন হ্যানসের বয়স চোদ্দ। হাতে একটা কানাকড়িও নেই। অগত্যা হ্যানসকে

ইলিশবেই যেতে হলো। প্রায় দুদিন লাগল তার কোপেনহেগেন পৌঁছাতে।

কোপেনহেগেনে সেসময় রয়্যাল সোসাইটির খুব নামডাক। তাদের অভিনয়ের খ্যাতি সারা শহরময়। নাটকে একটা ছোটখাট অভিনয়ের সুযোগের প্রত্যাশায় হ্যানস দেখা করল কর্তৃপক্ষের সঙ্গে। কর্তৃপক্ষ হ্যানসকে দেখে বিম্বপই করলেন। হ্যানস প্রত্যাখ্যাত হলো, কিন্তু দমল না এতটুকু। এরপর সে গেল রয়্যাল আকাদেমির মিউজিক কন্ট্রাক্টরের সঙ্গে দেখা করতে। তিনিও তার চেহারার অজুহাত দিয়ে তাকে বিদায় দিলেন। সবদিক থেকে হ্যানস ব্যর্থ হলো। অথচ থাকা ও খাওয়ার অর্থ সংগ্রহ করতেই হবে।

নিরুপায় হ্যানস তার বাবা ও ঠাকুরাকে স্মরণ করে ঐ অঞ্চলের সম্ভ্রান্ত পরিবারের ছেলেদের নানা রূপকথার গল্প বলতে শুরু করল। গল্প বলার মাঝে মাঝে সে ঘটনার অংশবিশেষ অভিনয় করে দেখায়। শিশুরা মুগ্ধ হয় তার গল্পকথায়। এর ফলে তার কিছু আয় হতে লাগল। সে এই ব্যবসাটা জাঁকিয়ে করতে শুরু করল।

লোকের কানে ভাসতে ভাসতে হ্যানসের গুণের কথা একদিন ডেনমার্কের রাজকুমারীর কানে পৌঁছল। তিনি হ্যানসকে ডেকে পাঠালেন। হ্যানসের গল্প বলার ধরন ও অভিনয় দেখে মুগ্ধ হলেন রাজকুমারী। তাকে পুরস্কৃত করার সঙ্গে সঙ্গে তিনি হ্যানসকে অনুরোধ জানালেন আরো গল্প ও নাটক লিখতে। হ্যানসও ভীষণ উৎসাহে রূপকথার গল্প ও নাটক লিখতে আরম্ভ করল। রাজকুমারীর সুপারিশে হ্যানসের নাটক রয়্যাল সোসাইটিতে অভিনীত হলো। রয়্যাল সোসাইটির সহায়তায় হ্যানস লেখাপড়া শুরু করল, সেই সঙ্গে সাহিত্যচর্চা। একে একে প্রকাশ পেতে লাগল তার লেখা গল্প, নাটক, উপন্যাস। পৃথিবী আবিষ্কার করল এক রূপকথার গল্পকারকে। হ্যানস তার সাফল্যের সংবাদ জানাতে যখন ওডেসে ছুটে এসেছিল তখন তার মা মেরী আর ইহজগতে নেই। এই হ্যানস হলেন সাহিত্যিক হ্যানস জিন্টিয়ান অ্যান্ডারসন।

তথ্যসূত্র : নির্বাচিত জীবনী সমগ্র : পৃঃ ১১২-

১১৫



ছবি : জুরান নাথ

দাদুমণির চিঠি

শুকতারার বন্ধুরা,

ভালো আছো তো সকলে?

বৃষ্টি পড়ে টাপুর-টুপুর নদে এল বান.....

তা বান আসার সময়ই বটে এখন। গোটা আকাশ দাপিয়ে বেড়াচ্ছে কালো কালো জলভরা মেঘের দল। কখনো বিমনিম, কখনো ঝমঝম, আবার কখনো টাপুর-টুপুর। তারই মাঝে হঠাৎ হঠাৎ এসে যায় এক একটা রোদ-ঝলমলে দিন। ঘামে নাইতে নাইতে তখন মনে হয় এর চেয়ে বৃষ্টিভেজা দিনই ভালো। বৃষ্টিতে চান-টান করে গাছ-গাছালি, লতা-পাতা, ঝোপ-ঝাড় সব এখন সবুজে সবুজ। যতদূর চোখ যায়, দেখা যাবে সবুজের সমারোহ। সেই সবুজের রাজ্যে আলো করে ফুটে আছে নানা রঙের দোপাটি। ফুটেছে জিনিয়া, রজনীগন্ধা ফুলের ভারে নুইয়ে পড়ছে, হাসনুহানার গন্ধে চারদিক ম ম করে। জুই-কামিনীর গন্ধ তার সঙ্গে মিলে-মিশে একাকার হয়ে যায়। বকুল ফুল আলপনা ঐক্যে রাখে গাছতলায়। প্রথম কদম ফুল ফুটেছে সেই আষাঢ় মাসে। অনেক গাছে এখনো ফুটেছে। এরই মধ্যে এসে যাবে ঝুলন। বেশ লাগে তাই না? শুধু ঐ ভ্যাপসা গরমটুকু ছাড়া।

যদি কোনোদিন সন্ধ্যার পর আকাশ পরিষ্কার পাও তাহলে মাঝ আকাশে দেখতে পাবে শ্রবণা নক্ষত্রকে। এ মাসের নাম এসেছে ঐ নক্ষত্র থেকে। ওদিকে মকর রাশি উঁকি মারছে পূব আকাশে। পশ্চিম আকাশ থেকে অদৃশ্য হয়ে গেছে কর্কট আর মিথুন রাশি। ছায়াপথ চলে এসেছে আকাশের মাঝামাঝি। আজকাল সূর্যদেবের ঘুম ভেঙে যায় ৫টা বেজে ৩ মিনিট ৪২ সেকেন্ডে আর অস্ত যায় ৬টা ২১ মিনিট ৭ সেকেন্ডে। উত্তর গোলার্ধে এখনো রাতের চেয়ে দিন বড়। এ সব খেয়াল করছো তো? নাকি শুধু কোন রাস্তায় কতটা জল জমল কিংবা কবে ভিজে ভিজে স্থলে গেলে বা ফুটবল খেললে তাই নিয়েই মেতে আছো! বিশ্বকাপের খেলা তো শেষ হয়ে গেছে। ফুটবল জুর ছেড়ে গেলেও তার জের এখনো কাটেনি, তাই না। এখনো জিদান, রোনাল্ডো, রিভাল্ডো, ফিগো, বেকহ্যাম, ক্রিনসম্যানরা তোমাদের মন জুড়ে আছে। চোখ বুজলে তাদের খেলা দেখতে পাও। তাই দেখো, সেই ফাঁকে আমি বরং তোমাদের চিঠির ঝাঁপি খুলে বসি।

অনুপমা দে চাকলাদার (প্রযত্নে—অরুণ দে চাকলাদার, এম. ই. এস. এ ৪ ই বি আর (III)), কোর্টার নং-১১৮/এ, বিবেকানন্দ স্ট্রিট, কোচবিহার-৭৩৬ ১০১)

উত্তর : তুমি একেবারে একলা কী করে শুনি। তোমার একজন দাদুমণি আছে, শুকতারার বন্ধুরা আছে আর তুমি বলছ কিনা একা। দেখো শুকতারার বন্ধুরা তোমায় ঠিক চিঠি দেবে। তুমিও দিও।

শুভ্রাংশু বাগ (প্রযত্নে—বিমান বিহারী বাগ, গ্রাম-গড়কমলপুর, পোঃ-মহিষাপুর, মেদিনীপুর)

উত্তর : অনীশ দেবের 'দুখী রাজকুমার' ভীষণ ভালো লেগেছে। আরতি বসুর 'ভারতেই কি ছিল পৃথিবীর প্রাচীনতম সভ্যতা', নান্টু গঙ্গোপাধ্যায়ের 'রূপকথার দেশ ভূটান' ভালো লেগেছে জেনে আমাদেরও খুব ভালো লাগছে। কুপন কাটতে যাতে অসুবিধে না হয় তা আমরা দেখবো। তুমি নিশ্চয় লেখা পাঠাতে পারো। অংশ নিতে পারো প্রতিযোগিতায়।

শুভঙ্কর চক্রবর্তী (গ্রাম-তামালতলা, পোঃ-আজিমগঞ্জ, জেলা-মুর্শিদাবাদ-৭৪২ ১২২)

উত্তর : তোমার এক কাকা হঠাৎ মারা গেছেন জেনে আমার খুব কষ্ট হচ্ছে। মন খারাপ, কষ্ট তো হবেই। মেনে নেওয়া ছাড়া তো উপায় নেই। ভালো বই পড়ো, মন ভালো হয়ে যাবে। শুকতারার বন্ধুরা তোমায় নিশ্চয়ই চিঠি দেবে।

সুমন রাহা (প্রযত্নে—সুকেশ রাহা, পোঃ-রায়গঞ্জ, গ্রাম-কলেজপাড়া, উত্তর দিনাজপুর)

উত্তর : শুকতারার নিশ্চয়ই তোমার প্রিয় বন্ধু। শুকতারার বন্ধুরাও তো আছে। ওদের চিঠি দাও। দেখবে ওরাও তোমাকে চিঠি লিখবে। দাদুমণি তো দাদুমণি। আলাদা আবার নাম হয় নাকি?

মীনাঙ্কী সিনহা (১০, নাগেরবাজার রোড, দমদম, কলকাতা-৭০০ ০৭৪)

উত্তর : বিশ্বাস হলো তো তোমার চিঠি পড়েছি। তোমার নববর্ষের ওপর লেখা চার লাইনের ছড়াটা খুব ভালো হয়েছে। নারায়ণ গঙ্গোপাধ্যায়ের 'হালখাতার খাওয়া-দাওয়া' ভালো লেগেছে জেনে খুশি হয়েছি।

অভিনন্দিতা সরকার (প্রযত্নে—বিমল কুমার সরকার, গ্রাম-জয়নগর মতিলালপাড়া, পোঃ-জয়নগর মঞ্জিলপুর, দঃ ২৪ পরগনা)

উত্তর : তোমাদের পাতার জন্যে তোমার আঁকা ছবি নিশ্চয়ই পাঠাতে পারো। একটু ভালো কাগজে সাদা-কালোয় আঁকা ছবি পাঠিয়ে। পেনসিলে একো না। ছাপা ভালো হয় না। শুকতারার বন্ধুদের তোমার ভালোবাসা জানিয়ে দেওয়া হলো।

অমিয় কুমার সেন (গ্রাম-হাতিয়াড়ী, পোঃ-বলাগেড়িয়া, থানা-মারিশদা, জেলা-পূর্ব মেদিনীপুর-৭২১ ৪২২)

উত্তর : তুমি তো শুকতারার বন্ধুই। শুকতারার যারা নিয়মিত পড়ে তারাই শুকতারার বন্ধু। চিঠি দাও না শুকতারার অন্য বন্ধুদের। সাবির আমেদ (প্রযত্নে—কাওসর আমেদ, গ্রাম-আটিঘরা, পোঃ-হারোয়া, উঃ ২৪ পরগনা-৭৪৩ ৪২৫)

উত্তর : পরীক্ষার রেজাল্ট তো বেরিয়ে গেছে। কেমন হলো? দেখছো তো তোমার দাদুমণি আছে। দাদুর স্নেহ, ভালোবাসা দাদুমণির কাছ থেকেই পাবে। পরীক্ষার ফল জানাতে ভুলে যেও না যেন।

আজ তাহলে এই পর্যন্তই। ভালো থেকে সকলে। অনেক আদর আর ভালোবাসা নাও। জয়হিন্দ।

—তোমাদের দাদুমণি

তোমাদের পাতা



রাজদীপ হাজারা, বয়স পনেরো, একাদশ শ্রেণী, কুলটি উচ্চ মাধ্যমিক বিদ্যালয়, বর্ধমান

জীবনযুদ্ধে জিততে গেলে

জীবনযুদ্ধে জিততে গেলে
চাই আত্মবিশ্বাস,
আর চাই সুস্থ সবল
দৃঢ় মনের আত্মস।
এ ছাড়াও দরকার হবে
কঠিন পরিশ্রম,
দূরে সরিয়ে রাখতে হবে
মনের নানা ভ্রম।
কল্পনা আর দিবাস্বপ্ন
দিয়ে বিসর্জন,
থাকবে সদা শ্রমের প্রতি
মনের আকর্ষণ।
চলার পথে মানতে হবে
দৃঢ় অধ্যবসায়,
তবেই হবে, হবেই হবে
জীবনযুদ্ধে জয়।

এনাঙ্কী চৌধুরী,
বয়স পনেরো, দশম শ্রেণী,
বিন্দোল উচ্চ বিদ্যালয় (উঃ মাঃ),
উত্তর দিনাজপুর



খুকুমণির জেদ

জেদ ধরেছে খুকুমণি
চাঁদটা যে তার চাই,
হাজার লিটার পুড়ুক গে তেল
রকেট হোক না ছাই।
বাবা বলেন, পাবি নাকো—
চাঁদ যে অনেক দূরে,
শুনে খুকি কাদতে থাকে
বেদম নাকী সুরে।
রেগে-মেগে বাবা বলেন,
হও না আগে বড়,
তারপরেতে রকেটে চড়ে
—চাঁদকে তুমি ধোরো।।

অয়ন বসু,

বয়স ষোল, একাদশ শ্রেণী,
সেন্ট টমাস বয়েজ স্কুল, কলকাতা



তমোজিৎ চৌধুরী, বয়স দশ, চতুর্থ শ্রেণী, হ্যাপি হোম স্কুল, চাকদহ, নদীয়া

'শুকতারা' তুমি

বহু দুর্গম পথ পার হয়ে তুমি
আজ পঞ্চম বর্ষ
বেদনার পথে জাগিয়েছ আশা
এক সীমাহীন হর্ষ।
সব ভেদাভেদ ভুলিয়েছ তুমি
তোমার জয়ের পথে
পথভোলা কত পথিক চড়েছে,
তোমার স্বর্ণরথে!
অবোলা যে জন পায়নি কখনো
সৃষ্টিশীলের ভাষা
কল্পলোকের হাতছানি দিয়ে,
যুগিয়েছ মনে আশা।
ভালোবাসাহীন সমাজ যখনই
দেখেছে দু'চোখে ধাঁধা
গোলকর্ধাধার পথটি পেরিয়ে,
দূর করেছ যত বাধা!
সব ভীতি-ভয় দূরে হুঁড়ে ফেলে
শুধুই করেছ সৃষ্টি
তোমার পরশে প্রাণ ফিরে পেল,
দৃষ্টিহীনের দৃষ্টি।

'শুকতারা' তুমি এগিয়েই চলে
স্বর্ণ সুখের হাসি
তোমাকে হারাতে চাই না তো মোরা
তোমাকেই ভালোবাসি!!

কমলেশ কুমার,

বয়স ষোল, একাদশ শ্রেণী,
বেদাপুর রামকৃষ্ণ বিদ্যাপীঠ, বর্ধমান

ভবিষ্যতে আমরা

আমরা হব নতুন মানুষ
নতুন যুগে থেকে,
নতুন সব ব্যাপার দেখে
নতুন জিনিস শিখে।
থাকব না আর 'ব্যাকডেটেড'
থাকব না আর বাসি,
ফুটবে তখন সবার মুখে

নতুন যুগের হাসি।
পড়াশোনা করবে সবাই
সাইবার ইন্সকুলে
'কম্পিউটার' শিখতে যাবো
খেলাধুলো ফেলে।
তখন তো হবে না আর
রামার দরকার
গাছই তখন করবে তৈরি
তন্দুরী খাবার।
চড়তে হবে নাকো প্লেনে
যেতে বিদেশে

'Internet'-এ ঘুরব তখন
এদেশে ওদেশে।
তবু আছে চিন্তা
তবুও আছে ভয়
যদি সব দুর্ঘটনা
ঐ সময়-ই হয়?
তখন হয়তো মানব আর
থাকবে না মানব
নতুন যুগের হোঁয়ায় হবে
'Internet' দানব।
থাকবে না আর আনন্দ
থাকবে নাকো স্বস্তি,
অতি মাত্রায় শিক্ষিতদের
এই কি 'চরম-শাস্তি'?

পার্থ মুখার্জী,
বয়স চোদ্দ, নবম শ্রেণী,
মেঘমালা রায় এডুকেশন সেন্টার, বেহালা



প্রীতম চক্রবর্তী, বয়স তেরো, অষ্টম শ্রেণী, জয়নগর ইনস্টিটিউশন, দঃ ২৪ পরগনা

আজব প্রশ্নাম

আরে আরে! থাক থাক থাক! করছ তুমি একি!
জানলা দিয়ে গলির মোড়ে রোজ তোমাকে দেখি।
তা বলে কি লুটিয়ে পড়ে প্রশ্নাম করতে আছে?
বয়স আমার নয় যে বেশি, প্রায় একশোর কাছে।
আচ্ছা আচ্ছা, খুব হয়েছে, যাও তো তুমি বাছা,
অতো জোরে দৌড়িও না, আলগা হবে কাছা।
অমন করে ছুট লাগাল। ব্যাপারটা কি তবে?
এই না ভেবে পায়ের দিকে নজর দিলাম যবে,
দেখি চেয়ে জুতোজোড়া ভ্যানিশ হয়ে গেছে!
চুরি করে পালিয়ে সেজন লুকিয়ে কোথায় আছে?
ছি ছি ছি! এই কি তোমার শ্রদ্ধা ভক্তি করা?
প্রণাম ছলে খসিয়ে নিলে পায়ের জুতো জোড়া!



মধুবতী গুপ্ত,
বয়স তেরো, অষ্টম শ্রেণী,
পাঠভবন, শান্তিনিকেতন

আমার মা

সবার থেকে বাসি ভালো
আমার সোনা মাকে,
সকল কাজের মধ্যে আমি
খুঁজি শুধুই তাঁকে।
সবাই বলে ঠাকুর বড়
আমি বলি, না
সবার থেকে বড় যিনি
তিনি আমার মা।



নমিতা সরকার,
বয়স বারো, ষষ্ঠ শ্রেণী,
কোমলগর গার্লস হাই স্কুল

সকালবেলায়

তিড়িং বিড়িং ছাগলছানা
ফুড়ুং ফুড়ুং চড়াই,
কিচির মিচির শালিখ পাখির
টালির চালে বড়াই।

রামধনু রঙ গায়ে মেখে
প্রজাপতির রঙ্গ,
সবুজ বনের সবুজ টিয়া
দিচ্ছে তারই সঙ্গ।

এসব দেখে সূর্যামামার
মিষ্টি হাসি ঐ-যে,
মন বসে না পড়াশুনায়
তুলে ফেলি বই-যে।

সব্যাসাচী বন্দ্যোপাধ্যায়,
বয়স কুড়ি, দ্বিতীয় বর্ষ,
কালনা কলেজ, বর্ধমান



বিষয়—টেলিভিশন ও আমরা : বারাসত প্যারীচরণ সরকার রাষ্ট্রীয় উচ্চ বিদ্যালয়

আমরা বলছি

। বিদ্যালয়-পরিচিতি : বারাসত প্যারীচরণ সরকার রাষ্ট্রীয় উচ্চ বিদ্যালয় প্রতিষ্ঠা হয় ১৮৪৬ খ্রিস্টাব্দে। বিশিষ্ট সমাজসংস্কারক মনীষী ঈশ্বরচন্দ্র বিদ্যাসাগর ও 'আর্নল্ড অব দি ইস্ট' নামে পরিচিত প্যারীচরণ সরকার বিদ্যালয়ের প্রতিষ্ঠাতা। দীর্ঘ প্রায় দেড়শত বছর ধরে বিদ্যালয়টি উত্তর ২৪ পরগনার এক বিশিষ্ট শিক্ষাকেন্দ্র রূপে পরিচিত হয়ে এসেছে। বিভিন্ন প্রতিযোগিতামূলক পরীক্ষায় এর ধারাবাহিক সাফল্য অব্যাহত। বিদ্যালয়ের বহু প্রাক্তন ছাত্র পরবর্তীকালে সমাজকল্যাণে উল্লেখযোগ্য অবদান রেখেছেন। পূর্বনাম বারাসত রাষ্ট্রীয় উচ্চ বিদ্যালয়। প্রথম প্রধান শিক্ষকের নামানুসারে বিদ্যালয়ের নাম পরিবর্তন করা হয় ১৯৯৭ সালে।

প্রথম

বিংশ শতাব্দীতে দূরসম্প্রচার তথা যোগাযোগ ব্যবস্থার জগতে যে কয়টি গুরুত্বপূর্ণ আবিষ্কার ঘটেছে তাদের মধ্যে অন্যতম হলো টেলিভিশন বা দূরদর্শনের আবিষ্কার। ত্রিশের দশকের মাঝামাঝি পর্যন্ত দেশবিদেশের খবর শোনার জন্য মানুষ নির্ভর করতেন বেতারের উপর। দূরদর্শন এবার শব্দের সঙ্গে যোগ করল দৃশ্যের ব্যঞ্জনা। সত্তরের দশকে ভারতে টেলিভিশনের আবির্ভাব ঘটে। তারপর সবই ইতিহাস। এই ত্রিশ বছরে ভারতীয়দের কাছে দূরদর্শন হয়ে উঠেছে বিনোদনের প্রধানতম উপাদান। নব্বইয়ের দশকে ঘরে ঘরে উপগ্রহ চ্যানেলগুলির আগমনে জনপ্রিয়তার মাত্রা বহুলাংশে বৃদ্ধি পেয়েছে।

বর্তমান সমাজে দূরদর্শনের সঙ্গে আমাদের সম্পর্কটা ভীষণই গভীর। যখনই আমরা মানসিক ভাবে ক্লাস্ত হয়ে পড়ি, তখনই আমাদের হাত খুঁজে নেয় পরিচিত রিমোট আর বোতাম টিপে আমরা হারিয়ে যাই ঐ ছোট্ট টোকা বাক্সের ভিতরের কাল্পনিক জগৎটাতে। মনোবিজ্ঞানীরা বলেন, রাজকার জীবনে যে হতাশা আর অপ্রাপ্তিগুলো আমাদের পীড়া দেয় সেগুলো ঐ কল্পনার জগতে আমাদের তাড়া করে না। ছোটপর্দায় ঐ না-পাওয়াগুলো প্রাপ্তিতে পরিবর্তিত হয়। তবে দূরদর্শন শুধুই বিনোদনের মাধ্যম নয়—বিভিন্ন জ্ঞানবিষয়ক অনুষ্ঠান আমাদের সমাজ, জীবন, ইতিহাস, ভৌগোলিক বৈচিত্র্য সম্পর্কে এতটাই স্বচ্ছ ধারণা দিতে পারে, যা অন্য কোনো গণমাধ্যম দিতে সক্ষম নয়।

এত গুণ থাকা সত্ত্বেও টেলিভিশনকে অনেকে বলেন 'বোকা বাক্স', অনেকে বলেন 'টেলিভীষণ'—এটা কেন? এর হয়তো একটাই কারণ যে, দূরদর্শন আমাদের মগজকে হেঁতা করে দেয়। ছোটপর্দা যা আমাদের দেখায়, আমাদের তাই মনে নিতে হয়, স্বাধীন চিন্তার কোনো সুযোগ সেখানে নেই। আগেকার দিনে শিশুরা রূপকথার গল্প শুনে বা বইয়ে পড়ে মনে মনে কল্পনা করত তেপান্তরের মাঠ, পক্ষীরাজ ঘোড়া, রাক্ষস-দৈত্য, রাজপুত্র-রাজকন্যা ইত্যাদি সবকিছুই। কিন্তু বর্তমানে ঐ একই গল্প ছোটপর্দায় দেখালে, তা আর ছোটদের কল্পনাকে উসকে দেয় না। কারণ সেখানে চরিত্রগুলিকে যেভাবে দেখানো হয়, সেভাবে শিশুরা দেখতে বাধ্য হয়। কল্পনার পাখা মেলবার সুযোগ সেখানে কোথায়? সেভাবেই, বিভিন্ন কুরুচিকর অনুষ্ঠান কিশোরদের মধ্যে ভ্রান্ত জীবনবোধ গড়ে তোলে যা শেষ পর্যন্ত হিংসা, হত্যা, আত্মহত্যা, দুর্ঘটনাতে গিয়েই শেষ হয়।

তবে কি দূরদর্শনকে বয়কট করা উচিত? কখনোই নয়। বর্তমান গতিময়তার যুগে বিনোদনের মাধ্যম হিসাবে কখনোই দূরদর্শনকে অস্বীকার করা সম্ভব নয়। তাই প্রয়োজন সংযম এবং অনুষ্ঠান দেখার বিষয়ে সুরুচিকর নির্বাচনী মনোভাব। অপসংস্কৃতির অজুহাতে কোনো বিশেষ চ্যানেলের সম্প্রচার বন্ধ করা বাঞ্ছনীয় নয়। বরং দর্শকের স্বাধীনতা এবং রুচিবোধকেই মেনে নেওয়া উচিত। কারণ বিচারের শেষ বাণী তাঁরাই শোনাবেন।

নির্মাল্য বিশ্বাস

দ্বাদশ শ্রেণী

দ্বিতীয়

মহাভারতের সঞ্জয় হস্তিনাপুরে বসে কুরুক্ষেত্র যুদ্ধের ঘটনাবলী প্রত্যক্ষ করতে পেরেছিলেন। মানুষ আজ বিজ্ঞানের অবদানে দূরের কোনো ঘটনাকে বা তার বাণীকে একসঙ্গে প্রত্যক্ষ ও শ্রবণ করতে পারে। বিজ্ঞানের এই বিশ্বয়কর অবদানের নাম টেলিভিশন। 'টেলি' একটি গ্রীক শব্দ—এর অর্থ 'দূর'; 'ভিসিও' একটি ল্যাটিন শব্দ—এর অর্থ 'দৃশ্য'। এই দুই-এর সংমিশ্রণে 'টেলিভিশন' শব্দের উদ্ভব।

১৯২৬ সালে এই বিশ্বয়কর যন্ত্রটি আবিষ্কার করেন জন বের্ডার্ড। ডিডিও, রেডিও ও শ্রুতি কম্পাস্কের মিলিত তরঙ্গ-প্রেরক যন্ত্রের সাহায্যে ঈথার সমুদ্রে নিষ্কিপ্ত হয় এবং তা গ্রাহক যন্ত্রের অ্যান্টেনায় প্রতিহত হয়ে বিস্ত্রিত ও ভিন্ন ভিন্ন পথে সম্প্রসারিত হলে তার চিত্ররশ্মিওচ্ছ অতিপ্রভ পর্দায় প্রতিফলিত হয় এবং শব্দতরঙ্গ তার বহুধনা যন্ত্রে ধ্বনিত হয়।

টেলিভিশন মানুষের আমোদ-প্রমোদ এবং অবসর বিনোদনের মূল্যবান উপকরণ। বিশ্বের সুদূর প্রান্তের ঘটনার সংবাদ আমরা এর মাধ্যমে প্রত্যক্ষ করতে পারি। আধুনিক শিক্ষার সফলতা সাধনে এবং সম্প্রসারণে দূরদর্শনের ভূমিকা অনবদ্য। এছাড়া কৃষি ও শিল্পের উন্নয়নে টেলিভিশন তার সর্বজনীন আবেদনের দ্বারা নিরক্ষর কৃষক-শ্রমিকদের নৈপুণ্য সম্পাদনে খুবই সহায়ক। জাতীয় সংহতি রক্ষার ক্ষেত্রেও দূরদর্শনের ভূমিকা আছে। ফলে দেখা যাচ্ছে যে এই টেলিভিশন মানবজীবনের সঙ্গে অঙ্গাঙ্গীভাবে যুক্ত।

টেলিভিশন যে কেবল মানবজাতিকো অগ্রগতির পথেই ঠেলে দিয়েছে তা নয়, এর কিছু কুফলও রয়েছে। বহুক্ষণ একটানা

টেলিভিশন দেখা যেমন চোখের পক্ষে ক্ষতিকারক তেমনই টেলিভিশনে সম্প্রচারিত বেশ কিছু অনুষ্ঠান অত্যন্ত কুরুচিকর ও ক্ষতিকর। এছাড়া টেলিভিশনে বিজ্ঞাপনের মান, রুচি ও পরিমাণজনিত কারণে টেলিভিশন দেখা আজকের দিনে অত্যন্ত বিরক্তিকর।

এতদসত্ত্বেও বলা যায় যে টেলিভিশনের আবিষ্কার মানবজাতির কাছে আশীর্বাদস্বরূপ। টেলিভিশন যদি সঠিকভাবে মানুষ ব্যবহার করে তবে তাকে আর 'বোকা বাস্ক' আখ্যা দেওয়া যাবে না— অচিরেই সে হয়ে উঠবে মানবসম্প্রদায়ের কাছে 'চালাক বাস্ক'।

অনিন্দ্য মৈত্র

দ্বাদশ শ্রেণী

তৃতীয়

'দূরকে করিলে নিকট বন্ধু, পরকে করিলে ভাই'—বিজ্ঞানের বিশ্বয়কর সৃষ্টি সম্পর্কে কবির একথা সম্পূর্ণ প্রযোজ্য। এর দুর্বীর গতির সাফল্য মানুষকে আজ কৃতজ্ঞতা পাশে আবদ্ধ করে রেখেছে। বিজ্ঞানেরই সৃষ্টি বোকা বাস্ক বর্তমান পৃথিবীতে ফুঁদ পেতেছে— সারা বিশ্বের বার্তাকে এনেছে চোখের সামনে। আমাদের প্রাত্যহিক জীবনের সঙ্গে অবিচ্ছেদ্যভাবে জড়িয়ে রয়েছে টেলিভিশন।

স্কুল-কলেজের গণ্ডিবদ্ধ শিক্ষার বাইরে জনশিক্ষা প্রসারে অন্যান্য প্রচার মাধ্যমগুলির মতো টেলিভিশনও আমাদের কাছে গুরুত্বপূর্ণ হয়ে দাঁড়িয়েছে। পৃথিবীর বিভিন্ন প্রান্তের সংবাদ এবং নানা রকম বিনোদন ছাড়াও শিক্ষা-উপযোগী নানা অনুষ্ঠান প্রচারের মাধ্যমে টেলিভিশন মানুষ গড়ার কারিগর হয়ে উঠেছে।

দুঃসাহসী অভিযাত্রীর দল বার বার বন্ধঘর ছেড়ে পাড়ি দিয়েছে দূর-দূরান্তে জগৎ দেখার আকাঙ্ক্ষাকে তৃপ্তি দিতে। টেলিভিশন যেন নিজেই এক অভিযাত্রী। যারা ইচ্ছে থাকলেও গৃহকোণ ছেড়ে দুনিয়াটাকে দেখতে যেতে পারে না তাদের জন্য টেলিভিশন সমস্ত দুনিয়াটাকেই এনে হাজির করেছে চোখের সামনে।

এই গণমাধ্যমটি নানাভাবে মানবজাতির সেবাও করে চলেছে। বিভিন্ন প্রকার কর্মযজ্ঞের মধ্যে একটি হলো আনন্দদানের সূচী— যার মধ্যে শিল্পচর্চা, নাটক, বিতর্ক, কুইজ, গান, খেলা, ভ্রমণ, চলচ্চিত্র ইত্যাদি অন্তর্ভুক্ত হয়। টেলিভিশন এইসব অনুষ্ঠানের মধ্যে দিয়ে আমাদের যেমন আনন্দদান করে, তেমন জনশিক্ষা বিস্তারেও সাহায্য করে। জনশিক্ষা কথাটিকে কেবলমাত্র অক্ষরজ্ঞানসম্পন্ন মানুষ ও সাক্ষরের মধ্যে সীমাবদ্ধ রাখা সংগত নয়। জনশিক্ষার আসল উদ্দেশ্য হলো মনুষ্যত্বের শিক্ষা, সুনাগরিকত্বের শিক্ষা। সরকারী প্রতিটি যোজনা, উদ্যোগ ও উদ্যমের অন্তর্নিহিত তাৎপর্য, কার্যক্রম ও অগ্রগতির সম্বন্ধে সমাজের সকলকে সর্বদা ওয়াকিবহাল রাখা, দেশের কোথাও সাম্প্রদায়িক বিশৃঙ্খলা বা জাতীয় বিচ্ছিন্নতাবাদ মাথা চাড়া দিয়ে উঠলে টেলিভিশনের মাধ্যমে অনতিবিলম্বে প্রতিকার গ্রহণ করা সম্ভবপর হয়।

তবে টেলিভিশনের যথেষ্ট কুফলও আছে। আজকাল অহোরাত্র টেলিভিশনের বিভিন্ন চ্যানেলে অনুষ্ঠান হয়। তারমধ্যে অনেকগুলি অত্যন্ত কুরুচিপূর্ণ এবং ছাত্রদের মধ্যে এর প্রভাব পড়ে। এছাড়া ছাত্র-ছাত্রীদের পড়াশোনার যথেষ্ট ব্যাঘাত ঘটে।

অতলাভ নারায়ণ চৌধুরী

দ্বাদশ শ্রেণী

প্রকাশিত হল

অরুপরতন ভট্টাচার্য সম্পাদিত

বিজ্ঞান জিজ্ঞাসার একটি প্রামাণ্য বই

বিজ্ঞান যখন ভাবায় ২৬৫

পরিমার্জিত চারটি নতুন অধ্যায় সম্বলিত সংশোধিত সংস্করণ

লুচি কেন ফোলে? রক্তের রঙ লাল কেন? লাল মরিচ লাল কেন? তেঁতুল কেন বেশী টক? নারকেলের তিনটি মাত্র চোখ কেন? উষ্কার কি নিজস্ব আলো আছে? গাছের পাতা ঝরে পড়ে কেন? ছাতার রং কালো কিন্তু ট্রাফিক পুলিশের ছাতার রঙ সাদা কেন? এই ধরণের অনেক প্রশ্ন আর কৌতূহলের খোরাক আছে এই বই-এর পাতায় পাতায়। অনেক ছবিতে সমৃদ্ধ বাংলা বিজ্ঞান সাহিত্যের ক্ষেত্রে এই গ্রন্থটি এক ঐতিহাসিক প্রকাশন।

* * *

অরুপরতন ভট্টাচার্য ও শান্তনু বন্দ্যোপাধ্যায়
সম্পাদিত

স্বাস্থ্য যখন ভাবায় ১০০

খেতে বসে কথা বলা কি খারাপ? হোমিওপ্যাথি ও অ্যালাপ্যাথি ওষুধ কি এক সঙ্গে খাওয়া চলবে? কানে পোকা ঢুকলে কি করবো? বাড়িতে মানিগ্র্যান্ট থাকলে কি ক্যানসারের আশঙ্কা বাড়ে? কোল্ড ড্রিঙ্কস খাওয়া কি দাঁতের পক্ষে ক্ষতিকর? নিম দাঁতন না টুথব্রাশ কোনটা বেশী উপকারী? চোখে গগলস সারাক্ষণ ব্যবহার করা কি চোখের পক্ষে ক্ষতিকর? দেশী ডিম বা পোলট্রি ডিম কোনটা বেশী উপকারী? একটি নবজাত শিশু বধির কিনা তা কি করে জানা যায়? চুলে মেহেন্দি লাগানো কি উচিত?

চিকিৎসা শাস্ত্রের কৌতূহলকর এই ধরণের হাজারো প্রশ্নের উত্তর পাওয়া যাবে এই বইটিতে যাতে কেটে যাবে অনেক ভ্রান্ত বিশ্বাস, সংশয় ও অবৈজ্ঞানিক ধ্যান-ধারণা।



নিউ বেঙ্গল প্রেস (প্রা.) লিমিটেড

৬৮, কলেজ স্ট্রীট, কলিকাতা-৭০০ ০৭৩

হাঁদা- ভোঁদার





কেরিয়ার গাইড

ডি. এ. চন্দ্রণ

এন ডি এ পরীক্ষা ও অন্যান্য

মাধ্যমিক/উচ্চমাধ্যমিক পরীক্ষার্থী/পাশ অনেক পাঠক/পাঠিকার কাছ থেকে চিঠি পেয়েছি এন ডি এ পরীক্ষা সম্পর্কে। এই আগ্রহ অত্যন্ত স্বাভাবিক এবং সময়োপযোগী। তরুণ প্রজন্মের কাছে ন্যাশনাল ডিফেন্স একাডেমি পরীক্ষার হাতছানি এড়ানো শক্ত। একই সঙ্গে পড়াশোনা এবং ভাবী জীবনে প্রতিষ্ঠা পাবার স্বপ্ন দুই-ই সফল হতে পারে এই পরীক্ষার মাধ্যমে। এবার তাদের জিজ্ঞাস্য নানা প্রশ্নের উত্তর দিচ্ছি। এই উত্তর থেকে শুকতারার অন্যান্য পাঠক বন্ধুরাও দারুণভাবে উপকৃত হবে সন্দেহ নেই।

বয়স সম্পর্কে অনেকেই প্রশ্ন করেছে। মোটামুটিভাবে বলা যায়, এই পরীক্ষায় বসতে হলে প্রার্থীকে ১৬ বছর ৬ মাস থেকে ১৯ বছরের মধ্যে বয়স থাকতে হবে। প্রার্থীর বিবাহিত হওয়া চলবে না।

দ্বিতীয় প্রশ্নও অত্যন্ত স্বাভাবিক। এটি হলো শিক্ষাগত যোগ্যতা বিষয়ে। এবার আসি সেই প্রসঙ্গে। ন্যাশনাল ডিফেন্স একাডেমির 'আর্মি' শাখায় ভর্তি হতে হলে প্রার্থীকে ১০+২ পরীক্ষায় যেকোনো শাখায় পাশ করতে হবে। কিন্তু এয়ার ফোর্স কিংবা ন্যাভাল শাখায় ভর্তি হতে হলে প্রার্থীকে অবশ্যই ফিজিক্স, ম্যাথমেটিক্স সহ ১০+২ পরীক্ষায় পাশ করতে হবে।

অনেকে প্রশ্ন করেছে পরীক্ষাকেন্দ্র কোথায়? কলকাতায় বসে পরীক্ষা দেওয়া যাবে কিনা? হ্যাঁ, সারাদেশের বিভিন্ন গুরুত্বপূর্ণ শহরেই পরীক্ষাকেন্দ্র থাকছে। যেমন আগরতলা, আমেদাবাদ, এলাহাবাদ, ব্যাঙ্গালোর, বেরিলি, ভোপাল, চণ্ডীগড়, চেন্নাই, কটক, দিল্লি, ধারওয়াড়, দিসপুর (গুয়াহাটি), গ্যাংটক, হায়দরাবাদ, ইক্ষল, ইটানগর, জয়পুর, জম্মু, জোড়হাট, কোচী, কোহিমা, কলকাতা, লখনউ, মাদুরাই, মুম্বাই, নাগপুর, পানাজী, পাটন্যা, পোর্টব্লোয়ার, রায়পুর, সম্বলপুর, শিলঙ, সিমলা, শ্রীনগর, ত্রিবান্দ্রম, তিরুপতি, উদয়পুর, বিশাখাপত্তনম ইত্যাদি।

পরীক্ষার ফি বিষয়ে প্রশ্ন জিজ্ঞাসা করেছে অনেকেই। সেজন্য জানিয়ে রাখি পরীক্ষার ফি ধার্য হয়েছে ৫০ টাকা। এটি জমা দিতে হবে সেন্ট্রাল রিড্রুটমেন্ট ফি স্ট্যাম্পে।

পরীক্ষার লিখিত বিষয় সম্পর্কে প্রশ্ন এসেছে। মোট ৯০০ নম্বরের মধ্যে লিখিত পরীক্ষায় বসতে হবে। ম্যাথমেটিক্স বিষয়ে ৩০০ নম্বর। সময় আড়াই ঘণ্টা। এরপর জেনারেল এবিলিটি টেস্টে আড়াই ঘণ্টার প্রশ্নে পরীক্ষায় বসতে হবে ৬০০ নম্বরের মধ্যে।

'ম্যাথমেটিক্স' বিষয়ে কী কী থাকছে? প্রশ্নের উত্তরে জানাই এখানে অ্যালজেবরা, ট্রিগনোমেট্রি, অ্যানালিটিক্যাল জিওমেট্রি, ডিফারেনসিয়াল ক্যালকুলাস, ইনটিগ্র্যাল ক্যালকুলাস, ভেক্টর অ্যালজেবরা, স্ট্যাটিসটিক্স, প্রোবাবিলিটি ইত্যাদি বিষয়ে প্রশ্ন করা হয়।

দ্বিতীয় পেপার অর্থাৎ জেনারেল এবিলিটি টেস্ট পেপারে প্রশ্ন করা হয় ইংলিশ এবং জেনারেল নলেজ বিষয়ে। ইংলিশে থাকে ২০০ নম্বর। তারমধ্যে গ্রামার, ইউসেজ, ভোকাবুলারি, কমপ্রিহেনশন, কোটেশন, সবকিছুর ওপরই প্রশ্ন করা হয়।

জেনারেল নলেজ বিষয়ে প্রশ্ন থাকে ৪০০ নম্বরের। প্রশ্ন করা হয় ফিজিক্স, কেমিস্ট্রি, জেনারেল সায়েন্স, সোস্যাল স্টাডিজ, জিওগ্রাফি, কারেন্ট ইভেন্টস বিষয়ে। ফিজিক্স, কেমিস্ট্রি ইত্যাদি বিষয়ের সিলেবাস মোটামুটি উচ্চমাধ্যমিকেরই সিলেবাস। জেনারেল সায়েন্স বিষয় হলো লাইফ সায়েন্স বিষয়ে। এছাড়া ইতিহাস, ভারতের স্বাধীনতা সংগ্রাম ইত্যাদি বিষয়ও প্রশ্ন করা হয়।

সবশেষে প্রশ্ন হলো আবেদন করব কীভাবে? এ প্রসঙ্গে জানাই পরীক্ষা সংক্রান্ত বিজ্ঞপ্তি প্রকাশ করা হয় এমপ্লয়মেন্ট নিউজ পত্রিকায়। এটি ভারত সরকারের সাপ্তাহিক কাগজ, সাধারণত এমপ্লয়মেন্ট সংক্রান্ত। আবেদনপত্র সংগ্রহ করতে হয় ২০ টাকার বিনিময়ে জি পি ও কিংবা হেড পোস্ট অফিস থেকে।

মাধ্যমিক পরীক্ষা দিয়েছে এমন অনেকে চিঠি পাঠিয়েছে বিষয় নির্বাচন নিয়ে আলোচনার জন্য। যেমন সৌমী দত্ত চিঠি লিখেছে—সে অঙ্ক নিয়ে পড়তে চায় না। তার পক্ষে কোন বিষয় নিয়ে পড়াশোনা করলে ভাল হবে। হ্যাঁ ভাই, অনেক বিষয় নিয়েই পড়ার আছে। তুমি ভূগোল, এডুকেশন, নিউট্রিশন, বায়োলজি, সোসিওলজি, পলিটিক্যাল সায়েন্স, হিস্টরি ইত্যাদি কন্সিডারেশনের মধ্য থেকে বেছে নাও। তাহলে বিজ্ঞান শাখার মতো গণিতের ভীতি থেকে দূরে থাকতে পারবে। আর এইসব বিষয় নিয়ে ভবিষ্যতে কেরিয়ার গড়ার পক্ষে তোমার কোনো সমস্যা হবে না। যেমন স্কুল সার্ভিস কমিশন পরীক্ষায় বসতে পারবে। তাছাড়া, ভবিষ্যতে পশ্চিমবঙ্গ সিভিল সার্ভিস পরীক্ষায় বসতে পারবে। তাছাড়া উচ্চমাধ্যমিকের পর ল কোর্সে ভর্তি হয়ে পড়াশোনা চালিয়ে যেতে পারবে। এমনকি গ্র্যাজুয়েশনে অনার্স নিয়ে পড়লে নিউট্রিশন, এডুকেশনের মতো বিষয়ও তোমাকে যথেষ্ট সাহায্য করবে। নিউট্রিশিয়ানিস্টদের এখন অনেক চাহিদা। তাছাড়া এসব বিষয় নিয়ে পড়লে উচ্চমাধ্যমিকে বেশি নম্বর পেয়ে পাশ করার সুযোগও থাকছে।

নবনীতা চিঠি লিখেছে হালিশহর থেকে। তার ইচ্ছা রাশিবিজ্ঞান নিয়ে পড়াশোনার। রাশিবিজ্ঞান নিয়ে অনার্স পড়ার সুযোগ আছে প্রেসিডেন্সি কলেজ, আশুতোষ কলেজ, মৌলানা আজাদ কলেজ, সেন্ট জেভিয়ার্স ইত্যাদি কলেজে। কল্যাণী, বর্ধমান বিশ্ববিদ্যালয়েও এখন রাশিবিজ্ঞান নিয়ে পড়ার সুযোগ হয়েছে। তাছাড়া বি. টি. রোডের ইন্ডিয়ান স্ট্যাটিসটিক্যাল ইনস্টিটিউট তো আছেই। রাশিবিজ্ঞান পঠন-পাঠনের এমন পীঠস্থান ভূভারতে কেন তৃতীয় বিশ্বে দ্বিতীয়টি মেলা ভার। এখানে ভর্তির জন্য প্রবেশিকা পরীক্ষায় বসতে হয়। তবে মনোনীত হলে পড়া চালানোর জন্য স্টাইপেন্ড পাওয়া যায়। আর ভবিষ্যতে নিয়োগ বা বিদেশের হাতছানি তো আছেই।



নীলাম্বি ভট্টাচার্য স্মৃতি-সাহিত্য প্রতিযোগিতার
প্রথম পুরস্কৃত গল্প

গবেষণা

রথীন্দ্রনাথ ঠাকুর

কৌ

শিকের জ্যাঠামশাই কানাডায় থাকেন। ওখানকার নাগরিকত্ব গ্রহণ করে ওখানেই আছেন। জ্যাঠাইমা শিক্ষিতা বিদেশিনী। বছর পাঁচেক অন্তর এদেশে আসেন। সেই জ্যাঠামশাই চিঠি লিখেছেন। জ্যাঠাইমার চেনা একটি ছেলে, নাম শ্যেন, ওখানকার বিশ্ববিদ্যালয়ে পাখি নিয়ে গবেষণা করছে, সে ভারতে আসছে। অন্যান্য রাজ্য ঘুরে বাকি দু'মাস কলকাতায় থাকবে। কৌশিক আনন্দে লাফিয়ে উঠল। বাংলায় এম. এ. পরীক্ষা দিয়েছে ও, ফল বেরোলে গবেষণা করবে। এখন হাতে সময় আছে। শ্যেনকে নিয়ে খুব খোঁরা যাবে।

যথাসময়ে শ্যেন এল। বিশ্রাম, আহ্বারের পর কৌশিক স্পষ্ট জানিয়ে দিল, তোমাকে নিয়ে গ্রামে গ্রামে ঘুরে অনেক পাখি দেখাও, আর বাংলা ভাষা আমি তোমায় শিখিয়ে ছাড়ব।

শ্যেন আনন্দে গ্রহণ করল কৌশিকের প্রস্তাব।

রাতে খেতে বসে কৌশিক বলে, বলো, 'আমি মাংস খাব', 'আমি আলুভাজা খাব', 'আমি রুটি খাব', 'আমি ভাত খাব না'।

শ্যেন কাটা কাটা উচ্চারণে সব বলে, কৌশিক ইংরাজীতে মানে বুঝিয়ে দেয়। যত কথা, যত গল্প সব প্রথমে বাংলায় ওকে দিয়ে বলায়, তারপর মানে বুঝিয়ে দেয় ইংরাজীতে। খেতে খেতে শ্যেনের জলতেষ্টা পেলে ও জিজ্ঞাসা করে, বাংলায় কী বলে ও জল চাইবে।

—আমি জল খাব।

শুনে শ্যেন প্রতিবাদ করে। বলে, ভাষা সম্বন্ধে তোমার কোনো জ্ঞান নেই। জল তো তরল পদার্থ! সেটা কেউ 'খায়' নাকি? জল কি চিবানো যায়? তুমি ঠিক করে শেখাও, ভুল শিখিও না।

কৌশিক হাসে, আর বুঝিয়ে দেয় যে শুদ্ধ বাংলায় আমরা বলি 'জল পান করব'। কিন্তু চলতি বাংলায় বলি 'জল খাব'।

এবার শ্যেন হাসে, প্রকৃতপক্ষে আমাদের উচিত বলা জল 'খাব'। কারণ আমাদের দেশ কানাডার উত্তর দিকে। সেখানে বরফ আর বরফ। তাই আমরা চিবিয়ে চিবিয়ে বরফ খেয়ে অনেক সময় তৃষ্ণা মেটাই। তোমাদের দেশে এত নদী-নালা-পুকুর, এত জল, তবু তোমরা বল জল 'খাব'?

এভাবেই চলল দিন। প্রত্যেকদিন সকালে দুজনে বেরিয়ে যায়, গ্রামে গিয়ে বনেবাদাড়ে ঘোরে। শ্যেন পাখি পর্যবেক্ষণ করে, ফটো তোলে, আর কৌশিক তাকে পরিবেশ অবস্থান ইত্যাদি সম্বন্ধে বুঝিয়ে দেয়। রাতে বাড়ি ফিরে শ্যেন তার রিপোর্ট লিখতে বসে। তারপর গল্প করা আর খাওয়া-দাওয়া। এই সময় কৌশিক ছিনে জোঁকের মতো লেগে থাকে তাকে বাংলা শেখাতে।

কিছুদিনেই শ্যেন চলতি বাংলা কিছুটা আয়ত্ত করেছে। এবার কৌশিক একটা ছবি দেওয়া আ, আ, ক, খ শেখার বই নিয়ে এল। রাতে বসল অক্ষর চেনাতে। অ-অজগর-এর পর আ-আমগাছ পড়তে গিয়েই, আমগাছের ছবিতে একটা পাখির ছবি দেখে গবেষণা করতে বসল, ওটা কী পাখি। চলল শ্যেনের বক্তব্য। কী গভীর জ্ঞান ছেলেটার! কথার পিঠে কথা, একের পর এক পাখির নাম, বিবরণ চলছে তো চলছেই। শোবার সময় এসে গেল।

পরের দিন কৌশিকের মামাতো বোন বেড়াতে এল। ক্লাস ফাইনে পড়ে জয়িতা। তার সঙ্গে গল্প অনেক রাত অবধি। নানারকম পাখির গল্প, শ্যেনদের দেশের গল্প ইত্যাদি। কৌশিক দোভাষীর কাজ করে আর ওকে বাংলা শিখিয়ে চলে।

পরের দিন বিকালে ঘটল এক মজা। ওরা পাখি পর্যবেক্ষণ করে ফিরেছে। জয়িতা আজ বাড়ি ফিরে গেছে। কাল বেশি রাত অবধি জেগে অসুস্থ হয়ে পড়েছে মেয়েটা। কৌশিক শ্যেনকে বলে, আমার

বোন অসুস্থ হয়ে পড়েছে। শ্যেন অমনি তড়াক করে লাফিয়ে উঠল। ও 'বোন' শব্দে হাড় (bone) বুঝল আর ভাবল তার সঙ্গে রোদে ঘুরে ঘুরে কৌশিকের হাড় দুর্বল হয়ে গেছে। পরে মানে বুঝতে পেরে দুজনের কী হাসি! সে রাতে চলল পাখিদের হাড় নিয়ে গল্প। কোন পাখির কটা হাড়, কটা ছোট, কটা বড়, কোন হাড়টা কী কাজে লাগে ইত্যাদি।

তারপর কয়েকদিন বিকালে অক্ষর পরিচয় খানিকটা হলো। একদিন বিকালে জলখাবার খাওয়ার সময় কৌশিক বলল, 'শ্যেন' মানে, জানো? 'শ্যেন' মানে বাজ পাখি। খুব নিষ্ঠুর।

শ্যেন বলল, বাজ পাখির দৃষ্টি খুব তীক্ষ্ণ। অনেক দূর থেকে দেখতে পায়। আমিও তেমনি দেখতে পেয়েছি যে তুমি আমাকে ঠকাবার জন্য আমার বাটিতে রসগোল্লা বদলে দুটো একই মাপের সিদ্ধ করা গোল আলু দিয়েছ।

দুজনের অটুহাসি দিয়ে গুরু হলো বাজপাখি আর আকাশের উঁচুতে ওড়া পাখিদের গল্প। সে রাতে আর অক্ষর পরিচয় অভ্যাস হলো না।

পরের সাতদিন সুন্দরবন আর সাতদিন উত্তরবাংলা ঘুরতে গেল দুজনে। পাখি সম্বন্ধে কৌশিকের অভিজ্ঞতা হলো প্রচুর। মুখে মুখে শ্যেনকে অনেক বাংলাও শেখানো হলো। শ্যেন মাঝে মাঝে ভুল করে আর কৌশিক শুধরে দেয়। একদিন দুপুরে কৌশিক জিজ্ঞাসা করল, ডাব খাবে? শ্যেন বলল, না। ডাব (Dove—ঘুঘুপাখি) খাব না। তবে ডাব পেলে কেটে দেখব ওর ভিতরের সবকিছু। সুন্দরবন কথার মানে ও প্রথমে ভেবেছিল সুন্দরী ভগিনী—beautiful sister। পরে কৌশিক যখন বুঝিয়ে দিল যে আসলে উচ্চারণে 'বোন' বললেও শব্দটা 'বন' মানে জঙ্গল তখন ও বুঝল। উচ্চারণ আর লেখা শব্দের বানানের এই পার্থক্য পৃথিবীর প্রায় সব ভাষাতেই আছে—শ্যেন মানল।

মাঝে মাঝে কলকাতা বিশ্ববিদ্যালয়ের কিছু জীববিজ্ঞানের অধ্যাপকদের কাছেও যায় নানা প্রশ্ন আর আলোচনার জন্য।

দেশে ফেরার আর মাত্র সাত দিন বাকি। শ্যেন বাংলা ভাষা মোটামুটি বুঝতে পারে। অল্প কেটে কেটে বলতেও পারে, কিন্তু অক্ষর পরিচয় এখনও সম্পূর্ণ হলো না সময়ের অভাবে। শ্যেন ওর কর্তৃপক্ষের কাছে চিঠি দিয়েছিল সময়টা একটু বাড়ানোর জন্য, কিন্তু উত্তর এসেছে অন্যরকম। দেশে ফিরেই ওকে যেতে হবে দক্ষিণ আমেরিকায় একদল নামকরা বৈজ্ঞানিকের সঙ্গে। দলে ও বয়সে সবার ছোট। কিন্তু ওর অধ্যবসায় আর মেধার গুণে ওকে দলে নেওয়া হয়েছে। এ গৌরব শ্যেন যেন হাতছাড়া না করে। কৌশিক জ্বরে হ্যান্ডশেক করে এটাও শুনিয়ে দিল যে এই সাত দিনে ওর বাংলা অক্ষর পরিচয় শেষ করতেই হবে।

পরদিন সকালে বেরিয়েছে দুজনে। গ্রামের একটা গাছতলায় বসে পাখি পর্যবেক্ষণ করছে আর সিঙাড়া জিলিপি খাচ্ছে। হঠাৎ একটা হনুমান লাফিয়ে সামনে এসে শ্যেনের মাথায় ঠেসে এক চড় মেরে সিঙাড়া জিলিপির ঠোঙা নিয়ে চম্পট। হনুমানের চড়! বেশ লেগেছে, যদিও রক্ত বেরোয়নি। বাড়ি ফিরে ডাক্তারের ওষুধ খেল শ্যেন। ঐ দিন আর কোনো কাজ বা গল্প কিছু হলো না, শুধুই বিশ্রাম। পরদিন বিকালে ব্যথা একটু কমল। কৌশিক শ্যেনকে নিয়ে শহরতলির গ্রাম কোলগরে মামাবাড়ি গেল, হাঙ্কা মেজাজে গল্প করার জন্য। বাড়ির পাশেই একটা গানের অনুষ্ঠান হচ্ছিল। মামাতো বোন, ভাই সবাই সেখানে রয়েছে। মাঠে চেয়ার পেতে বসার জায়গা। একটি মেয়ে সুন্দর রবীন্দ্রসংগীত গাইছে। হঠাৎ একটা পেঁচা ওদের কাছাকাছি মাটিতে নেমে এসে ডাকতেই শ্যেন একলাফে উঠে আউল-আউল (পেঁচা-পেঁচা) বলে চেষ্টাতে চেষ্টাতে ছুটল পেঁচটার পিছনে। বাস, পেঁচার গতিবিধি পর্যবেক্ষণের জন্য সারারাত জাগতে হলো কৌশিককে। পূর্ণিমার রাত, শ্যেনের লোভ লেগে গেল। ওর দেশে এত সুন্দর আকাশ দেখতে পায় না। তাই চাঁদ, আকাশ, পেঁচা দেখে আর পাখির পাশাপাশি অন্যান্য নিশাচর প্রাণীদেরও গতিবিধি পর্যবেক্ষণ করে কাটল দুটো রাত।

আর মাত্র তিনদিন বাকি। কৌশিকের অধ্যাপকের কাছ থেকে

জানো কী!

- টেলিফোনটা তুলে নিয়ে সাড়া দিতেই সুনয়নী দেবীর কানে এলো অচেনা ভারী গলার হুমকি.....ভয়ে, আতঙ্কে হাত-পা ঠাণ্ডা হয়ে যায় তাঁর.....
- ভয়ে লোকটা কাঁপছে, চোখ দুটো বিস্ফারিত। হাউমাউ করে লোকটা বলে উঠল, স্যার জলদি চলিয়ে হামারা সাথ.....উধার.....
- হালদারমশাই-এর কাছে খবরটা পেয়েই তৈরি হয়ে নিলেন কর্নেল। জয়ন্তুও রেডি। দু-এক মিনিটের মধ্যেই বেরিয়ে পড়লেন তাঁরা। কিন্তু ততক্ষণে.....
- দশ বাই দশ—ছোট্ট খুপড়ি। জানলা নেই, আছে শুধু ঘুলঘুলি। বাইরের কোনো শব্দই ঢোকে না এ ঘরে। এমন একটা ঘরে বন্ধ হয়ে আছেন কমলেশ। তা কী করে হবে! ঘটনার শুরু তো আজই, অথচ মনে হচ্ছে, তিনি যেন এই ঘরে বন্দী হয়ে আছেন বেশ কয়েকদিন.....

এই সব সমস্যার সমাধান হয়ে যাবে শুকতারার ভাদ্র সংখ্যায়। সেই সঙ্গে তোমাদের ভালো লাগার মতো আরও অনেক, অ.....নে.....ক কিছু।

একটা ফোন এল। উত্তরবঙ্গ বিশ্ববিদ্যালয়ে একটা গুরুত্বপূর্ণ কর্মশালা হচ্ছে। বাংলা ভাষার ইতিহাসের উপর এই কর্মশালায় কৌশিককে যেতেই হবে। আজ রাতেই রওনা হতে হবে। শ্যোনেরও দুটো টেলিফোন এল। ডঃ ব্যানার্জি আর ডঃ সরকার দুজনে আলাদাভাবে তাঁদের বাড়িতে ষাওয়ার নিমন্ত্রণ জানিয়েছেন। সেই সঙ্গে শ্যোনের গবেষণার বিষয়ে জরুরি আলোচনা করবেন।

রওনা হবার আগে কৌশিক বলল, ভাই শ্যোন, দিখিজয়ী বীরের মতো তুমি এগিয়ে যাও। সারা পৃথিবী ঘুরে বেড়াও আর অজানা কানো। আবার আমাদের দেখা হবে কিনা জানি না। তোমার সাফল্য কামনা করি।

শ্যোন উত্তর দেয়, আমিও কামনা করি তুমি তোমার বাংলা ভাষায় গবেষণা করে শ্রেষ্ঠ সম্মান পাও।

কৌশিক উত্তর দেয়, কিন্তু আমার প্রথম গবেষণাই যে বিফল হয়ে গেল। আমি ঠিক করেছিলাম তোমাকে বাংলা লেখা পর্যন্ত শেখাব। এই অল্প সময়ে কাজটা শেষ করতে পারি কিনা, মনে মনে সেটাই ছিল আমার গবেষণার প্রথম পরীক্ষা। কিন্তু সেটা তো আর হলো না। যাই হোক, যতটুকু পেরেছি, তাতেই আমার আনন্দ। সেই স্মৃতিটুকু থাক।

শ্যোন ওকে জড়িয়ে ধরে বিদায় জানাল। কৌশিক যেদিন ফিরল তার তিন ঘণ্টা আগে শ্যোন চলে গেছে। বাবা-মাকে জিজ্ঞাসা করে জানল যে, শেষ তিন দিন ও কোথাও যায়নি। ডঃ ব্যানার্জি, ডঃ সরকার কতবার ডেকেছেন আদর করে, কিন্তু ও যায়নি। বাড়িতে লোক পাঠিয়েছেন তাও যায়নি। পড়ার ঘরে বসে বাংলা অভিধান, বর্ণমালার বই নাড়াঘাটা করেছে, আর দিস্তে দিস্তে কাগজে কী সব একের পর এক হিজিবিজি লিখেছে আর ছিড়ে ফেলে দিয়েছে।

—আর এটা তোকে দিয়ে গেছে, মা বললেন।

কৌশিক দেখল একটা নতুন ডায়েরি। তার প্রথম পৃষ্ঠায় কাঁচা হাতে গোটা গোটা করে লেখা :

'তোমার গবেষণা সফল। সেই স্মৃতিটুকু থাক।'



নীলামিত্রি ভট্টাচার্য স্মৃতি-সাহিত্য প্রতিযোগিতার
দ্বিতীয় পুরস্কৃত গল্প

স্মৃতিটুকু থাক

সৌভিক সেন

ঘো

ষ পরিবারের একমাত্র সন্তান মৌ-এর নতুন আকবার হলো একটি কুকুরবাচ্চা পোষার। ঘোষ পরিবারে সদস্যসংখ্যা মাত্র তিন। ঘোষকর্তা, ঘোষগিন্নি এবং তাঁদের একমাত্র মেয়ে মৌ। মৌ-এর ভাল নাম পারমিতা। লেখাপড়ায় সে খুব ভাল। প্রতিবছর প্রথম স্থান অধিকার করে। এছাড়া মৌ ভাল গান গায়। ঘোষকর্তা তাঁর একমাত্র সন্তানকে খুবই স্নেহ করেন। তার সব আকবার তিনি মেটান। তার এই নতুন আকবারটিও মেটানো হলো। ঘোষকর্তা মৌ-এর দশম বছর পূর্তি উপলক্ষে একটি অনুষ্ঠানে মৌ-কে একটি কুকুরছানা উপহার দিলেন। ঘোষগিন্নি বাড়িতে কুকুর ঢোলকানোর বিরোধী ছিলেন। তিনি কুকুরছানাটিকে ঘৃণার চোখে দেখতেন। মৌ কুকুরছানাটির নাম



দিয়েছিল জিমি। জিমি সারাদিন মৌ-এর সঙ্গে থাকে, রাতে তার ঘরেই শোয়।

এইভাবে কেটে গেল আট বছর। জিমি এখন বড় হয়েছে। একদিন সন্ধ্যাবেলা মৌ যখন পড়ছে তখন জিমি প্রচণ্ড জ্বোরে চিংকার করে উঠল। মৌ ঘাড় ফেরাল জিমিকে দেখবার জন্য, কিন্তু টেবিলের উপর চোখ পড়তেই সে চমকে উঠল। একটি বিষধর কেউটে মৌ-কে ছোবল মারবার জন্য ফণা তুলেছে।

সাপটি মৌ-কে ছোবল মারবার আগেই, জিমি সাপটির উপর ঝাঁপিয়ে পড়ে তাকে আক্রমণ করল। সাপটিও জিমিকে ছোবল মারবার চেষ্টা করতে লাগল। কিন্তু জিমি সেইসব ছোবল অত্যন্ত ক্ষিপ্ততার সঙ্গে এড়িয়ে গেল। জিমি সর্বক্ষণ আক্রমণ চালিয়ে যাচ্ছিল, ফলে কিছুক্ষণের মধ্যেই সাপটির জীবনদশা অস্তিমপর্বে পৌঁছাল। সাপটি তার জীবনের শেষ ছোবলটি মারল জিমির পেটে। এই ছোবলটি জিমি এড়িয়ে যেতে পারল না। সেও ঢলে পড়ল মৃত্যুর কোলে। ততক্ষণে সাপটিরও ভাবলীলা সাজ হয়েছে। জিমিকে এরকম লাড়াই করতে দেখে মৌ হতভম্ব হয়ে গেছিল। জিমি যন্ত্রণায় চিংকার করে উঠতেই তার ঝাঁ ফিরে এলো। সে চিংকার করে দৌড়ে গেল জিমির কাছে। ঘোষকর্তা ও গিন্নি মেয়ের চিংকার শুনে দৌড়ে এলেন। কিন্তু তখন অনেক দেরি হয়ে গেছে, জিমি তখন সকলের ধরাছোঁয়ার বাইরে। যে ঘোষগিন্নি জিমিকে ঘৃণা করতেন, তাঁর চোখেও দেখা গেল জ্বল।

পরদিন সকালে উঠে মৌ অবাক হয়ে গেল এই দেখে যে তার ঘরে জিমির একটি ছবি রয়েছে। সে ভাবল যে কাল রাত পর্যন্ত ছবিটা ঘরে ছিল না, তাহলে সকালে ছবিটা ঘরে টাঙানো হয়েছে। কিন্তু এত সকালে মা ছাড়া তো কেউ ওঠে না। তাহলে মাই ছবিটা টাঙিয়েছেন। যেখানে জিমির মৃত্যুর জন্য মৌ-এর মন বিষাদপূর্ণ হয়ে থাকার কথা সেখানে মৌ-এর মন এই ভেবে আনন্দে পূর্ণ হয়ে উঠল যে, তার মা সকলের সামনে জিমিকে অপছন্দ করলেও মনে মনে তাকে ঠিকই ভালবাসতেন।

কিছুক্ষণ পরে ঘোষগিন্নি মৌ-এর ঘরে এলেন মৌকে ডাকতে। তিনি এসে দেখেন মৌ তার ঘর গোছাচ্ছে। মাকে দেখতে পেয়েই মৌ ত্রন্দনরূপ কণ্ঠে বলে উঠল, মা, ছবিটা তুমি টাঙিয়েছ?

ঘোষগিনি সজল চোখে বললেন, মৌ, ছবিটা আমিই টাঙিয়েছি। একজন বিশ্বাসী বন্ধুর সজলাভ যেমন আনন্দের ঘটনা, তেমন সজছাড়া হওয়াও দুঃখের। আমরা যদি তার কথা মনে না রাখি তাহলে আমাদের কৃতজ্ঞতা বলে কিছু থাকে না। আমরা যদি তার কথা মনে রেখে তার অনুপস্থিতিকে মানিয়ে নিতে পারি, তাহলে তার প্রতি আমাদের কৃতজ্ঞতাবোধ প্রকাশ পাবে। জিমি নিজের প্রাণ বিসর্জন দিয়ে তোমার প্রাণরক্ষা করে যে মহৎ উপকার করে গেছে, তা ভুলে গেলে আমাদের মনুষ্যত্ব বলে কিছু থাকে না। মনুষ্যত্ব যে কয়টি স্তরের উপর দাঁড়িয়ে তার মধ্যে একটি হলো কৃতজ্ঞতা। মৌ, এই স্তম্ভটি ভেঙে গেলে মনুষ্যত্ব রক্ষা পাবে না। কথাকটি বলেই ঘর থেকে চলে গেলেন ঘোষগিনি। ঝরঝর করে কেঁদে ফেলল মৌ, সে জিমির কথা কোনোদিনও ভুলতে পারবে না। জিমির স্মৃতি চিরজাগরুক হয়ে থাকবে মৌ-এর মনের মণিকোঠায়। জিমিই তো তার প্রাণ বাঁচিয়েছে।

ছবি : জুরান নাথ

এ ছাড়াও যাঁদের লেখা ভালো হয়েছে :
দেবাশিস গোস্বামী (আনন্দপুর, পশ্চিম মেদিনী-
পুর) ॥ সংঘমিত্রা নাগ (শিবপুর, হাওড়া) ॥ সঞ্চিতা দত্ত
(নিমতা, কলকাতা-৪৯) ॥ জুমিলা নিয়োগী (ভবানীপুর,
কলকাতা-২৫) ॥ মন্দিরা চট্টোপাধ্যায় (আসানসোল,

বর্ধমান) ॥ শিববন্ধু বসু (কলমতলা, হাওড়া) ॥ পুরীপ্রসাদ
ব্রহ্মচারী (মধ্যমপ্রাণ, উঃ ২৪ পরগনা) ॥ লক্ষ্মীশ্রী লাই
(সেকটাউন, কলকাতা-৮৯) ॥ সুবোধ কুমার মুখার্জী
(আন্দুল, হাওড়া) ॥ বিশ্বজিৎ কব (সুভাষপল্লী,
খড়াপুর) ॥ বিশ্বজিৎ মণ্ডল (উলুবেড়িয়া, হাওড়া) ॥



বিশেষ পুরস্কার

এখন তোমরা আরো পুরস্কার পাচ্ছে। আমাদের লেখক
ও বৈজ্ঞানিক ডঃ ডি. চন্দ্র তাঁর প্রয়াত পুত্র দেবাশিসের নামে
স্মৃতি-সাহিত্য প্রতিযোগিতার সেরা পাঁচজন লেখককে তাঁর লেখা বই
পুরস্কার হিসেবে দেবেন। এই মাসের পুরস্কার প্রাপকরা : রথীন্দ্রনাথ
ঠাকুর, সৌভিক সেন, দেবাশিস গোস্বামী, সংঘমিত্রা নাগ ও সঞ্চিতা
দত্ত।

ঘোষণা

কলকাতার তালতলা নিবাসী সুনীল চন্দ্র মৈত্র তাঁর প্রয়াত পত্নী কল্যাণী মৈত্রের নামে একটি স্মৃতি-সাহিত্য প্রতিযোগিতার
প্রস্তাব দিয়েছেন। তাঁর প্রস্তাব মতো আমরা শুকতারার পাঠক-পাঠিকাদের কাছ থেকে কল্যাণী মৈত্র স্মৃতি-সাহিত্য প্রতিযোগিতার
জন্য মৌলিক লেখা চাইছি।



কল্যাণী মৈত্র

মৃত্যু : ১৪ জুন ২০০০

বিষয়বস্তু

অকৃতজ্ঞ

পুরস্কৃত লেখা দুটি শুকতারার পৌষ সংখ্যায় ছাপা হবে। লেখা পাঠাবার শেষ দিন ৩০ জ্যৈষ্ঠ।

প্রথম পুরস্কার : ১০০ টাকা ◆ দ্বিতীয় পুরস্কার : ৫০ টাকা

বাঘ-সিংহের কোচিং ক্লাসে

একটা বেড়াল পাওয়া যাবে? খুব আদুরে, গোলগাল এবং মিষ্টি চেহারা হওয়া চাই!

মেনি না হলো?

মেনি হলোই ভাল।

বেশ। হয়ে যাবে। তা বেড়ালের কাজটা

কী?

কি আর এমন কাজ! আমার হিরোর কানে-কানে কিছু কথা বলবে। ব্যস এটুকুই।

দাঁতে সিগারটা চেপে মিঃ ওয়েলস বললেন, কিছু কথা কেন? একটা গোটা গান গেয়ে শোনাতে পারে আমার টিনিয়া।

নির্দিষ্ট দিনে টিনিয়া এল খাঁচায় চেপে হলিউড স্টুডিওতে। ছোটদের ছবির শূটিং হচ্ছে। একটি ছোট ছেলে বাড়ির পোষা বেড়ালটিকে রেগে গিয়ে মেরেছে। সন্ধ্যাবেলায় ছেলেটির বাবা বাড়ি ফিরতেই বেড়ালটি ভদ্রলোকের কোলে লাফিয়ে উঠল। তারপর তাঁর কানে মুখ দিয়ে ফিসফিস করে নালিশ জানাল।

সিনেমার দর্শকরা বস্তুত এমনটাই দেখবেন। কিন্তু আসল গল্পটা জানেন শুধু মিঃ ওয়েলস, সিনেমার হিরো এবং এখন জানছে শুকতারার বন্ধুরা। ক্যামেরা জোনের বাইরে বসেছিলেন বেড়ালটির ট্রেনার। তাঁর কোলেই মহা আরামে বসেছিল টিনিয়া। একটু পরেই ট্রেনারের নির্দেশে একজন একটি ছোট চিংড়ি মাছ নিয়ে গুঁজে দিলেন হিরোর কানে। এরপর রেডি হলো ক্যামেরা। স্টার্ট, সাউন্ড, অ্যাকশন বলার সঙ্গে সঙ্গে ট্রেনারের ইঙ্গিতে টিনিয়া সোজা হেঁটে গেল হিরোর সামনে এবং লাফিয়ে উঠে তাঁর কানে মুখ গুঁজে দিল। ফিসফিস করে কথা নয়, আসলে টিনিয়ার টার্গেট ছিল ঐ চিংড়ি মাছ। এভাবেই ব্রফ খাবারের লোভ দেখিয়ে সিনেমায় অভিনয় করিয়ে নেওয়া হয় ছোট্ট নেংটি ইঁদুর থেকে শুরু করে ভয়ঙ্কর বাঘ কিংবা প্রকাণ্ড আফ্রিকার হাতিকে।

তবে সিনেমায় যখন বাঘ কোনও মানুষকে মারে কিংবা হাতি তার পায়ের চাপে গুঁড়িয়ে দেয় মের্ঠো বাড়িঘর, তা কী করে সম্ভব হয়? পঁচিশটি বুনো মোষ ক্যামেরার সামনে একই সঙ্গে ডান থেকে বাঁয়ে মাথা ঘোরায় কিভাবে? অথবা একদল শিম্পাঞ্জি কি করেই বা অবিকল মানুষের মতো আচরণ করতে থাকে

বামাপ্রসাদ মুখোপাধ্যায়

হলিউড পাড়ায় ঢুকলেই? এর উত্তর জানতে যেতে হবে ওয়েলস সায়েবের কাছে।

সায়েবের পুরো নাম হবার্ট ওয়েলস। হবার্টের এক অদ্ভুত ব্যবসা আছে। সে ব্যবসার নাম Animal Actors of Hollywood। তাঁর পোষা প্রাণীরা বহু ছবিতে অভিনয় করেছে। তার মধ্যে কয়েকটির নাম হচ্ছে Dr. Doolittle, Sheena, Out of

Africa, Never Cry Wolf, Born Free, Quest for Fire, Clan of the Cave Bear এবং Project X. শৈশবে হবার্টের ছিল জীবজন্তু প্রীতি। বড় হয়ে সেটাই হয়ে গেল তাঁর জীবিকার মাধ্যম। অর্থও আসতে লাগল মন্দ নয়।

মিঃ ওয়েলসের জন্তু-জানোয়ার রাখার জায়গা বা র‍্যাঞ্চটি ক্যালিফোর্নিয়ার থাউজেন্ড ওকস-এ। লস অ্যাঞ্জেলেস থেকে যার দূরত্ব ষাট মাইল। এখানে সায়েবের একশ রকমের বন্য ও গৃহপালিত পশুপাখি আছে। এরা সকলেই অভিনেতা। যখন যে চাপ পায় নেমে পড়ে সিনেমায়। যে সব অভিনেতার হরদম ডাক পায় তারা হলো সিংহ, বাঘ, ভালুক, শিম্পাঞ্জি, উট, নেকড়ে, জাগুয়ার, নানা ধরনের



পশু দেখানোর কাজটি সত্যিই আনন্দের।



হিংস্র পশুকে প্রশিক্ষণ দেবার সময় সতর্ক থাকেন ট্রেনার।


সাপ এবং কুকুর ও বেড়াল। এদের সভ্যতা, সহবত আর অভিনয় শেখানোর জন্য ছয়জন স্থায়ী ট্রেনার আছেন। ওঁদের সাহায্য করেন আরো পনেরজন অস্থায়ী কর্মী। এঁরাই ওদের খাওয়ান, পরিষ্কার-পরিচ্ছন্ন করেন, ব্যায়াম করান এবং ট্রেনিং বা প্রশিক্ষণ দেন। বছরদিন ধরে অনেক কসরৎ ও কাণ্ডকারখানা করার পর পশুপাখিরা খেলা দেখাতে এবং ট্রেনারের কথামতো কাজ করতে শেখে। খরচাপাতি কেমন হয়? বছরে প্রায় তিন লক্ষ ডলার বা দেড় কোটি টাকার কাছাকাছি।

শুটিংয়ের সময় ট্রেনারদের খাটুনি বেড়ে যায়। তখন তাঁদের লক্ষ্য রাখতে হয় চারপেয়ে আর ডানাওয়ালা অভিনেতা-অভিনেত্রীরা ঠিক স্ক্রিপ্ট অনুযায়ী অভিনয় করছে কিনা। অনেক সময় ওদের দিয়ে মনমতো অভিনয় করিয়ে নিতে ট্রেনাররাই পরচুলো আর সিনেমার পোশাক পরে ক্যামেরার সামনে দাঁড়িয়ে পড়েন। আসলে যদি দেখা যায় মানুষ অভিনেতা বা অভিনেত্রীকে ওরা মানসিকভাবে মেনে নিতে পারছে না তখনই ট্রেনারদের ডামি সাজতে হয়।

ওয়েলস সায়েবের ট্রেনিং পাওয়া অভিনেতা বা অভিনেত্রীরা মাঝে-মাঝেই বেরিয়ে পড়ে আউটডোর শুটিংয়ে। শহরের রাজপথ বা গ্রামের ঘোপঝাড় হলে কোনও অসুবিধে নেই। কিন্তু যখন ওদের গভীর জঙ্গলে যেতে হয় সেই সময়টায় ট্রেনারদের

খুব সতর্ক থাকতে হয়। কারণ প্রশিক্ষণপ্রাপ্ত জঙ্গল-জানোয়ারদের এভাবে জঙ্গলে হঠাৎ চলে আসাটা একেবারেই পছন্দ করে না ওখানকার স্থায়ী বাসিন্দারা। ওয়েলস সায়েব একটি পত্রিকাতে সাক্ষাৎকার দিতে গিয়ে বলেছিলেন, একবার আফ্রিকার জঙ্গলে অভিনেতা সিংহের হাঁক শুনে ওখানে হাজির হয়ে যায় গভীর জঙ্গলের বন্য সিংহ। জঙ্গলের প্রাণীরা নিজেদের এলাকা সম্বন্ধে অতিমাত্রায় সচেতন। ফলে মুহূর্তের মধ্যে বেধে যায় লড়াই। এমন কিছু হলেই গাড়ি নিয়ে তাড়া করা হয় আক্রমণকারী সিংহ বা অন্য যে কোনও প্রাণীকে।

পঞ্চাশ বছরের ওপর ব্যবসা করছেন ওয়েলস। তাঁর কোম্পানির জীবজন্তুর চরিত্র তিনি ভালই বোঝেন। তবু খাঁচাগাড়ি চড়ে ওরা শুটিংয়ে বেরোলেই ওয়েলস নার্ভাস বোধ করেন। যতক্ষণ না ওরা ফিরে আসছে তাদের ডেরায় তাঁর দুশ্চিন্তা কিছুতেই দূর হতে চায় না। কারণ একটাই। জীবজন্তুরা অভিনয় করতে গিয়ে যদি তার মানুষ সহ-অভিনেতাকে আঘাত করে বসে?




হাতিকে প্রশিক্ষণ দিচ্ছেন এক ট্রেনার।

আপনি নিজে কখনও আহত হননি ওদের আক্রমণে? সাক্ষাতকারী সব শেষে ওয়েলসকে প্রশ্নটি করেছিলেন।

মুচকি হেসে ওয়েলস বলেছিলেন, প্রতিটি বড় বেড়ালই আমাকে দাঁত কিংবা থাবার আঘাতে জর্জরিত করেছে। ব্যতিক্রম শুধু জাওয়ার। তবে আমাকে যাই করুক না কেন আমার চারপেয়ে, সরীসৃপ অথবা ডানাওয়ালা ছাত্র-ছাত্রীরা এই সুদীর্ঘ পঞ্চাশ বছরের ইতিহাসে কখনোই কোনও অভিনেতা বা অভিনেত্রীকে আঘাত করেনি। ওরা আমার মানটা কিন্তু সত্যিই রাখে।

কারা হতে পারেন বাঘ-সিংহের মাস্টারমশাই?

গোড়ার দিকে জীবজন্তুদের ট্রেনিং দিচ্ছেন অবসরপ্রাপ্ত সার্কাসের খেলোয়াড়রা। ট্রেনিংয়ের সময় তাঁরা দুটি জিনিস ব্যবহার করতেন—বন্দুক আর ছপটি। এখন কিন্তু ছবিটা পুরোপুরি বদলে গেছে। হিংস্র পশুদের মেঝে ধরে নয়, ওদের বশ করা হয় স্বেচ্ছা মেহ আর ভালবাসা দিয়ে। ট্রেনী এবং তার ট্রেনার ঘণ্টার পর ঘণ্টা একসঙ্গে কাটায়। সেই সময় ট্রেনার লক্ষ্য রাখেন যাতে তাঁর আচরণ কোনোভাবেই পশুটির আত্মসম্মানবোধে আঘাত না করে। এটা করতে পারলেই আস্তে আস্তে সেই পশু ট্রেনারকে বিশ্বাস করতে শুরু করে। ছাত্র-ছাত্রীর বিশ্বাস জিতে নিতে পারলে তবেই তাকে কোনো বিশেষ খেলা বা কাজ



বন্যপ্রাণী সম্বন্ধে জনসাধারণের সচেতনতা বাড়াতে ক্লাস নিচ্ছেন এক পশু-পরিচর্যাকারী।

শেখানো সম্ভব হয়। কিন্তু শুধু শেখালেই তো হবে না, তাকে লাগাতার উৎসাহ যোগাতে হবে। ছাত্র-ছাত্রী তাঁর কথা ঠিক ঠিক শুনলে তাকে পুরস্কৃত করতে হবে মুখে প্রিয় খাবারটি গুঁজে দিয়ে বা বারে বারে পিঠি চাপড়ে তাকে বাহবা দিতে হবে। তবেই না সে কথা শুনবে। আর তখনই মনিবকে খুশি করতে সে আপ্রাণ

চেষ্টা চালাবে শেখানো কাজটি নিখুঁতভাবে করে দেখাতে।


পৃথিবীর বেশ কিছু দেশের অ্যানিম্যাল ট্রেনাররা কিন্তু এইসব 'মেহ-ভালবাসা' নীতিতে বিশ্বাসী নন। ওঁদের মতে যতই মেহ-ভালবাসা দেখানো হোক না কেন হঠাৎ করে ভয় পেলেই হিংস্র জন্তুরা ঝাঁপিয়ে পড়বে তাদের ট্রেনারের ওপর। জংলী জানোয়ার সব সময়ই আক্রমণাত্মক হয়ে থাকে। কাজেই ট্রেনারকেও সব সময় কর্তৃত্বপূর্ণ আচরণ করতে হবে পশুদের সঙ্গে। প্রতিটি পদক্ষেপে বোঝাতে হবে আমি মনিব তুমি ভৃত্য। আমার আদেশ পালন করতে তুমি বাধ্য। এই ভাবটি ওঁরা যে কোনও পশুকে যথেষ্ট বড় হওয়ার আগেই বুঝিয়ে দিতে চান। এতে পরবর্তীকালে কাজের সুবিধে হয়।

ট্রেনিং দেওয়ার সময়

ঠিক বই পড়ার মতো করেই যেকোনও পশুকে পড়তে হবে ট্রেনিং চলাকালীন। পশুকে পড়া মানে তার Body Language বা প্রেহের ভাষা বোঝা। ট্রেনার মাত্রই জানেন হিংস্র পশুদের নিয়ে কাজ করা মানে মৃত্যুর পাশাপাশি থাকা। ওঁরা পশুদের সহজাত প্রবৃত্তি সম্বন্ধে ভালরকম ওয়াকিবহাল। ওঁরা জানেন ওদের পছন্দ-অপছন্দ। তাই ওদের আচরণে বিপদের আভাস পেলেই ওঁরা সতর্ক হয়ে যান।



কৌতূহলী বাচ্চাদের সামনে আমেরিকান আলিগটর হাতে চিড়িমখানার এক কর্মী।



ট্রেনিং-এর গুণে বাঘটি অবশেষে শিখেছে হাতীর পিঠে চড়তে।

হিংস্র জন্তু-জানোয়ারের সঙ্গে থেকে থেকে ট্রেনারও বুঝে গেছেন সিংহমশাই নিজের মেজাজ-মজির খবর কিভাবে প্রকাশ করে। যেমন কোনও সিংহ যদি ডান থেকে বাঁয়ে কিংবা বাঁ থেকে ডানদিকে ল্যাজটি আন্দোলিত করে, তাহলে বুঝতে হবে সে বেশ উত্তেজিত হয়ে উঠছে। ল্যাজ নাড়াচাড়ার সঙ্গে যদি চাপা গর্জন ওঠে তবে সাবধান, সিংহমশাই লাফ মারল বলে।

হাতি কিংবা ঘোড়াদের রাগ বা ভয় বোঝা যায় ওদের চোখ এবং কান দেখে। ভয় পেলে চোখ দুটি বিরাট বড় হয়ে ওঠে এবং কানজোড়া পিঠে প্রায় আঠার মতো সঁটে থাকে। সেই সঙ্গে ল্যাজটিও একেবারে খাড়া হয়ে যায়।

কোনো জন্তুকে ট্রেনাররা বিশ্বাস করেন না মোটেই। এমন জন্তু কি আছে যে পোষ মেনে দীর্ঘদিন নিরীহ বেড়ালের মতো আচরণ করার পর হঠাৎই ভয়ঙ্কর হয়ে ওঠে? সারা পৃথিবীর বাঘ-সিংহের মাস্টারমশাইরা সমঝেরে উত্তর দেবেন, হ্যাঁ আছে। সে হচ্ছে লেপার্ড বা চিতাবাঘ। হলিউডের এক বিখ্যাত বাঘ-



অসুস্থ টাইগার শার্কের তদারকি হচ্ছে জালের নিচে।

সিংহের আন্টির নাম চেরিল হ্যারিস। তাঁর কাছে প্রশিক্ষণ পাওয়া একটি চিতাবাঘের বয়স তখন মোটে দু' বছর। এই প্রাণীটিকে তিনি কোলে-পিঠে করে বড় করে তুলেছিলেন আক্ষরিক ভাবেই। চেরিলের চোখের ইশারায় তাঁর ইঙ্গিত মতো কাজ করে দর্শকদের বিস্তর বাহবা কুড়োত চিতাবাঘটি।

একদিন চেরিল তাঁর প্রিয় পোষ্যটিকে নিয়ে বেড়াতে বেরিয়েছেন স্টুডিওর বিশাল চত্বরে। সবে সকাল হয়েছে। ভোরের নরম রোদ এসে লুটোপুটি খাচ্ছিল সবুজ ঘাসে, চারপাশের গাছপালায় এবং হলুদ-কালো ছোপ প্রাণীটির শরীরে। প্রতিটি পদক্ষেপে সঞ্চালিত হচ্ছিল তার জোয়ান শরীরের অমিত শক্তিশালী পেশীগুলি। তবু সে হাঁটছিল ঠিক একটি পোষা কুকুরের মতোই। চেরিলের হাতে ছিল একটি ছড়ি। তবে সেদিন ওঁর সঙ্গে ছিলেন না তাঁর প্রাতঃভ্রমণের সঙ্গী মহিলাটি। আসলে যে কোনও হিংস্র প্রাণীকে নিয়ে খোলা জায়গায় বেড়াতে হলে সঙ্গে আর একজন মানুষ অবশ্যই রাখা চাই। যাতে হঠাৎ প্রাণীটি হিংস্র হয়ে উঠলে দ্বিতীয় জন যেন প্রথম জনকে সাহায্য করতে পারেন। চেরিলের ভুল হয়েছিল সঙ্গী ছাড়াই তিনি চিতাবাঘটিকে নিয়ে হাঁটছিলেন।

হঠাৎই ঘনিয়ে এলো ভয়ঙ্কর মুহূর্তটি। চিতাবাঘের গলার চেন আটকে গিয়েছিল একটি ঝোপে। ফলে হ্যাঁচকা টান পড়ল তার গলায়। চেরিল তখনই ঝুঁকে পড়লেন চিতাবাঘের সামনে চেনটি ঝোপ থেকে ছাড়িয়ে

নিতে। চোখের পলকে ভয়াল গর্জন করে
চেরিলের ওপর ঝাঁপিয়ে পড়ল চিতাবাঘ।
তার কঠনালি ছিন্ন করার জন্য সে বায়বার
কামড় বসাল গলায় বুকে পিঠে।

সেই ভয়াবহ মুহূর্তেও চেরিল মাথা ঠাণ্ডা
রেখে জঙ্ঘটিকে বাধা দিচ্ছিলেন এবং প্রচণ্ড
ঠেঁচিয়ে No-No বলে যাচ্ছিলেন। চিতাবাঘটি
একটু চাপ আলগা করতেই চেরিল ভাগ্যক্রমে
দাঁড়াবার মতো জোর পান এবং সঙ্গে সঙ্গে
তার চেন ধরে দাঁড়িয়ে পড়েন। উনি দাঁড়াতেই
নিমেবে বদলে গেল দৃশ্যটা। হিঁক্রে হয়ে ওঠা
চিতাবাঘ মুহূর্তে পরিণত হলো নিরীহ বেড়ালে।
যেন কিছুই হয়নি এমন ভাব দেখিয়ে সে
বারেবারে তার মাথা ঘষতে লাগল চেরিলের
হাঁটুতে। এই মাথা বা নাক ঘষার ব্যাপারটি
বেড়াল শ্রেণীর প্রাণীরা খুব করে। এর অর্থ,
কি ভাই, সব ভাল তো?

রক্তাক্ত চেরিল চিতাবাঘকে তার জায়গায়
রেখে গেলেন হাসপাতালে। চিতার নখ আর
দাঁতে ক্ষত-বিক্ষত হওয়া শরীরে অঙ্কুর সেলাই
পড়ে। চেরিল কি সেদিন দোষ দিয়েছিলেন
চিতাবাঘকে? বলেছিলেন কি যে এই অবাধ্য
প্রাণীটিকে চিড়িয়াখানায় পাঠিয়ে দেওয়া হোক,
এ ট্রেনিং-এর অযোগ্য?

চেরিল প্রথমেই নিজের দোষ স্বীকার
করেছিলেন। বলেছিলেন, আমার ভুলের
কোনও ক্ষমা নেই। প্রথমত লোক ছিল না
সঙ্গে। আর দ্বিতীয়ত চিতাবাঘের শরীরের
ওপর কখনও ঝুঁকে দাঁড়াতে নেই। অথবা
পিছন ফিরে ওদের শরীর স্পর্শ করতে নেই।
এরকম অবস্থা হলেই ওরা অজানা কোনও
কারণে ভীত, আতঙ্কপ্রস্ত হয়ে পড়ে আক্রমণ
করে বসে, যা হয়েছিল এক্ষেত্রে। আতঙ্কের
কারণ দূর হতেই সে তখুনি আবার লজ্জা
পেয়ে ভাব করে নেয় আমার সঙ্গে।

কারা তৈরি করেন বাঘ-সিংহের
মাস্টারমশাইদের?

পৃথিবীতে একটিমাত্র কলেজে
জীবজন্তুদের ট্রেনিং দেওয়া শেখানো হয়।
শিক্ষাঅস্ত্রে ডিগ্রিও প্রদান করা হয়। কলেজটির
নাম Moorpark College। ক্যালিফোর্নিয়ার
মুরপার্ক নামে জায়গাটিতে এই স্কুলটি
অবস্থিত। যে কোর্সটি এই ট্রেনিংয়ের বিষয়বস্তু
তার নাম "EXOTIC ANIMAL
TRAINING AND MANAGEMENT
PROGRAM" সংক্ষেপে EATM।

কোর্সটি এককথায় বলতে গেলে বেশ
কঠিন। মাত্র পঞ্চাশটি ছাত্র নেওয়া হয় এবং
কোর্স শেষ করতে লাগে দু'বছর। ভর্তি হওয়ার
দরখাস্ত পড়ে তিন বছর আগে থেকেই।

চাইতে বাজের চিকিৎসার সময় সরকারি পশুপোষক দফতর।



পঞ্চাশ জন ছাত্র পড়তে শুরু করে বটে তবে
শেষ পর্যন্ত টিকে থাকে পঁচিশ জন। আর এই
পঁচিশ জনের ভাগ্যে কিন্তু সত্যিই মেওয়া
ফলে। এখান থেকে A. S. Degree পাওয়া
গেলে চাকরি জোটে চিড়িয়াখানা, ওসানারিয়াম,
অ্যাকোয়ারিয়াম এবং বিভিন্ন থিম পার্কে।
অনেকে আবার চাকরি পায় সরকারি অথবা
বেসরকারি অ্যানিম্যাল ট্রেনিং ফার্মে। খুব
ভাগ্যবান পনেরো কি কুড়ি জন যোগ দেন
সিনেমা শিল্পে। সিনেমায় নামা পশুদের ট্রেনার
হলে আশাতিরিক্ত অর্থ পাওয়াটা খুব সহজ।

কেমন হয় ট্রেনিং ক্লাস? নমুনা দেখলেই
তা বোঝা যাবে। ঐ কলেজটির ভেতরে ঠিক
চিড়িয়াখানার অনুকরণে একটি পশুশালা রাখা
আছে। সেখানে সাড়ে তিনশ রকমের প্রাণী
আছে। প্রতিটি ছাত্র-ছাত্রীকে শিখতে হবে
ইঁদুর, খরগোশ, পায়রা ও মুরগী কাটতে।
প্রথম প্রথম অনেকের বিশেষ করে মেয়েদের
অসুবিধে হয় কিন্তু এর ওপরেও নম্বর আছে
যে। এইসব প্রাণী বধ করে অনেক
জীবজন্তুদের খাওয়ানো হয় বলে কাজটি
প্রত্যেককে খুব ভাল করে শিখতে হবে।

চিড়িয়াখানার বন্দী প্রাণীদের তো কোনও
ছুটিছাটা নেই। ছাত্র-ছাত্রীদের তাই প্রতি সপ্তাহে
এক রাত থাকতে হয় কলেজের পশুশালায়।
সারা রাত ধরে দাঁড়িয়ে দাঁড়িয়ে দেখতে হবে
পশুদের। রাতের অন্ধকারে বিশ্বাসের সময়
ওদের গতিবিধি কেমন হয়। কলেজের হাজিরা
প্রতিদিন সকাল ছটায়। প্রতিটি ক্লাসে
প্রতিদিনের কাজের ওপর নম্বর দেওয়া হয়।
নম্বর বলতে গ্রেড। 'C' কিংবা আরও ভাল

গ্রেডেশন হলে টিকে থাকা যাবে কলেজে।
প্রতিটি ছাত্র-ছাত্রীকে আলাদা করে শিখতে
হবে পত্তরা হঠাৎ আক্রমণ করলে কি করে
অন্যকে এবং নিজেকে বাঁচাতে হয়। সেই
কারণেই নিরাপত্তার বিষয়টি ছাত্র-ছাত্রীদের
সব সময় মনে রাখতে হয়।

ওদের আরো শিখতে হয় পশুপাখিদের
চিকিৎসা করতে, ওষুধ খাওয়ানো। মনে রাখতে
হবে চিড়িয়াখানা বা যেকোনও জায়গার
পশুপাখিকে ওষুধ খাওয়ানো এক অতি কঠিন
ব্যাপার।

পশুপাখি সম্পর্কে নাগরিকদের সচেতন
করে তুলতেও শিখতে হয় ছাত্র-ছাত্রীদের।
এক একটি প্রাণীকে নিয়ে জনসমক্ষে 'শো'
করতে যেতে হয় ওদের। প্রতি বসন্তে
কলেজের পশুশালায় অনেক মানুষকে নিমন্ত্রণ
করে আনা হয় যাতে ছাত্র-ছাত্রীরা
জনসংযোগের কাজটি খুব ভাল করে করতে
পারে।

এত সব কাণ্ড করে তবেই হওয়া যায়
বাঘ-সিংহদের কোচিং ক্লাসের মাস্টারমশাই।
ছাত্রদের প্রতি ওদের মনোযোগ সর্বদা
একরকম। ডিগ্রি দেওয়ার দিন ওদের শেষ
উপদেশটি দেওয়া হয়। বলা হয় সারা জীবন
ভালভাবে চাকরি করার একটাই উপায়—তা
হলো চারপেয়ে কিংবা সরীসৃপ অথবা
ডানাওয়াল প্রাণীদের ভালবেসো। ভালবাসার
প্রতিদান দেওয়াতে ওরা কিন্তু মানুষের চেয়ে
অনেক অনেক এগিয়ে।

ছবি : ভাস্কর মুখার্জি



সংস্কার

সুজাতা বন্দ্যোপাধ্যায়

বাঁ ত নটা। বাড়ি একদম চূপচাপ। টেবিলে বই রেখে পড়ছিল পিকাই ও টুকাই। সামনেই পরীক্ষা। ভালো ফল না করলে বাবা-মার বকুনি-মার তো আছেই সেইসঙ্গে এ-বছরে দাদুর কাছে পাওয়া পুরস্কারটাও হাতছাড়া হয়ে যাবে। একটু খুলে বলি, এ-বাড়িতে ক্ষুদ্রে পড়ুয়ার সংখ্যা সব মিলিয়ে ছয়। ও ঘরে পড়ছে খেয়া ও বিল্টু আর নিচের তলায় রীতা ও রিন্টু। সবাই ফিবছর পুরস্কার পায় দাদুর কাছে। সব থেকে ভালো করলে তারজন্য আকর্ষণীয় পুরস্কার থাকে। তাই সবাই প্রাণপণ চেষ্টা করে ভালো ফল করার।

যে যার ঘরে পড়াশুনা করছিল এমন সময় পিকাই-টুকাই-এর পড়ার টেবিলে ধড়াস শব্দে একটাই পলেন্তারা খসে পড়ল। চুনবালি ছিটকে লাগল ওদের চোখ-মুখ-নাকের মধ্যে। বিস্মিত, হতভম্ব দু'ভাই এ-ওর দিকে তাকাল। ভয় পেলেও কিন্তু কিছু বলা যাবে না। এ ঘটনা এ-বাড়িতে নতুন কিছু নয়। বাড়ির বড়রা সব জেনে শুনেও উদাসীন। সারা বাড়িটারই এই হতদশা। গাছ-আগাছায় ভর্তি এদিক-সেদিক, দেওয়ালে ফাটল ধরেছে, কোথাও

পাখির বাসা। বাড়ির বড়রা নিজেদের পকেট থেকে টাকা খরচ করবেন এ আশা কম। দাদু একমাত্র ভরসা। ঠাকুমা মারা যাওয়ার পর তিনিও বড় চূপচাপ থাকেন ইদানীং। বাড়ির ছোটদের সঙ্গেই যা কথাবার্তা বলেন, বড়দের সঙ্গে প্রয়োজন না হলে বলেন না। দাদুর সব প্রয়োজন মেটানোর জন্য পুরনো চাকর রঘুপতি আছে। সেই দাদুর সবসময়ের সঙ্গী।

রবিবারের সকাল। পরীক্ষা মিটে গেছে তাই পড়াশুনার তাড়া নেই। সকালের জলখাবার খেয়ে বাড়ির পিছনের বাগানে জড়ো হয় পিকাইদের দল। সব ভাই-বোনদের মাঝে পিকাই সব থেকে বড়, তাই সে-ই প্রস্তাবটা দেয়, চল না সবাই মিলে দাদুকে একবার বলি। যেমনি ভাবা অমনি কাজ। সবাই মিলে হাজির দাদুর ঘরে।

দাদু তখন কাগজ পড়ছিলেন। রঘুপতি তাঁর পায়ের নখগুলি কেটে দিচ্ছিল। ওরা কাছে যেতেই দাদু সহাস্যে ওদের আহ্বান জানালেন, কি ব্যাপার, তোমরা? কোনো সমস্যায় পড়েছ মনে হচ্ছে। রীতা সবচেয়ে ছোট, সে দাদুর কাছ ঘেঁষে বলে, তুমি কি করে জানলে দাদু? দাদু নিরুত্তরে শুধু ওদের দিকে চাইলেন। পিকাই এগিয়ে এসে ওদের সমস্যার কথা বলে। বিল্টু যোগ করে, সেদিন দাদাদের পড়ার টেবিলেও চুন-বালি খসে পড়েছিল দাদু।

মাথাতেও পড়তে পারতো, গম্ভীর হয়ে বলেন দাদু। আচ্ছা তোমরা এখন যাও, দেখি আমি কি করতে পারি।

সেদিন সন্ধ্যাবেলায় রঘুপতিকে দিয়ে তিন ছেলেকে ডাকলেন দাদু। মা, কাকীমা, জেঠিমার মুখে দৃষ্টিস্তার ছাপ। ছোটরা গুটিগুটি পায়ে ঘরের বাইরে দাঁড়ায়। ঘরে তখন দাদু বলে চলেছে, আমি তোমাদের ডেকেছি একটি বিশেষ কারণে। তোমরা জানো পেনশনের প্রায় পুরো টাকাটাই আমি সংসারে দিই। এছাড়াও তোমাদের ছোট চাহিদাগুলো আমিই মেটাই। সামনে আমি একটা কাজে নামব ভাবছি। দুইদিনের মধ্যে তোমরা প্রত্যেকে আমাকে ৫০০০ করে টাকা দেবে।

ছেলেরা চূপ। মুখ চাওয়া-চাওয়ি করতে করতে বাইরে বেরিয়ে এলো। তবে বাবার প্রতি ভয়েই হোক বা ভক্তিতেই হোক প্রত্যেকে টাকা এনে তুলে দিলো বাবার হাতে।

এরপর অবাক হওয়ার পালা বাড়ির বড়দের, খুশির জোয়ার ছোটদের মধ্যে। একমাসের মধ্যে রাজমিস্ত্রী ডেকে পুরো বাড়িটাই মেরামত করা হলো। আগাছা নির্মূল করে, রং করে নতুন সাজে সাজল যেন বাড়িটা। বাবা-কাকা-জেঠু অফিস ছুটি নিয়ে হৈ হৈ করে হাত লাগাল জিনিসপত্র সাজাতে। মা, কাকীমা, জেঠিমাও খুশি। রান্নাঘর থেকে তাঁদের হাসির শব্দ ভেসে আসে। ছোটদের সঙ্গে নিয়ে আগামীকাল ১ বৈশাখের দিনটা কেমন কাটাতে তারও পরিকল্পনা হয়ে গেল।

১ বৈশাখের সকালে রঘুপতিকে নিয়ে বাজারে গেলেন দাদু। ফিরে এসে বৌমাদের হুকুম দিলেন, নাতি-নাতনীদের পছন্দমতো পদগুলি রান্না করো। বৌমারাও খুশিমনে ছুটল রান্নার কাজে। সেদিন সারাদিন ঘরে খুশির জোয়ার। সন্ধ্যাবেলায় দাদুর নির্দেশে ছোটবৌমা শোনাল 'আনন্দলোকে মঙ্গলালোকে বিরাজ...'। সবশেষে দাদু বলেন, তোরা চিরদিনই মিলেমিশে থাকার চেষ্টা করিস। কোনো সমস্যা এলে একসঙ্গে সমাধান করবি। দেখবি জীবন কত সুন্দর হয়ে উঠবে, ঠিক আমাদের এই বাড়িটার মতো।

হাসিমুখে বাবার কথায় সম্মতি জানায় ছেলে ও বৌমারা। হাসে বাচ্চারাও। আড়ালে মুখভরা হাসি আর চোখভরা জল নিয়ে নীরবে দাঁড়িয়ে থাকে রঘুপতি।



বিশ্বকাপের জ্বর এখনো ছাড়েনি

শান্তিপ্ৰিয় বন্দ্যোপাধ্যায়

বি

বিশ্বকাপের জ্বর কি ছেড়েছে? এত তাড়াতাড়ি কি ছাড়তে পারে! গোটা বিশ্বজুড়ে এখন চলছে এবারের বিশ্বকাপ ফুটবল প্রতিযোগিতার পোস্টমর্টেম। কোন দল কেমন খেলল, বিশ্ববিজয়ী দলের কোন কোন খেলোয়াড় সকলকে চমকে দিয়েছেন, গোল্ডেন বুট কে পেয়েছেন—আলোচনা তো এই সব নিয়েই। তারই মাঝে কখনো-সখনো উঠে আসছে পেলé, মারাদোনো, প্লাতিনি, বেকেন-বাউয়ার, পুসকাস, বিবি মুর, ইউসোবিওদের নাম। এঁরা ছিলেন বিশ্বকাপের সাড়া-জাগানো খেলোয়াড়। বিশ্বকাপ ফুটবল প্রতিযোগিতার আসর বসলেই এঁদের নাম ঘুরে ফিরে আসবেই। এবারও এসেছে।

এবারের বিশ্বকাপ ফুটবল প্রতিযোগিতা শুরু হয়েছিল অঘটন দিয়ে। বিশ্বকাপের প্রথম খেলায় গতবারের চ্যাম্পিয়ন ফ্রান্সকে হার মানতে হয়েছিল বিশ্বকাপে নবাগত আফ্রিকার দেশ সেনেগালের কাছে। সেনেগাল সেদিন বিশ্বচ্যাম্পিয়ন দলের থেকে অনেক ভালো খেলেছিল। প্রথমার্ধে ডিওপ দুর্গাস্ত গোলাটি করার পর জার্সি খুলতে খুলতে সোজা ছুটে গিয়েছিলেন মাঠের বাইরে। ততক্ষণে ছুটে এসেছেন সেনেগালের অন্য খেলোয়াড়রা। ডিওপ তাঁর জার্সিটা মাঠে পেতে দিয়ে তার ওপর নাচতে শুরু করেছিলেন। অন্য খেলোয়াড়রাও তখন সেই জার্সিটার ওপর তালে তালে নাচছেন। বেশিক্ষণ নয়, খুবই অল্প সময়ের জন্যে। ঐ নাচ নাকি ওঁদের জাতীয় প্রথা। তুকও। হাজার হলেও আফ্রিকা তো তুকতাকের দেশ।

আফ্রিকার দেশগুলো বিশ্বকাপের মূল পর্বের গোড়ার দিককার খেলাগুলিতে দারুণ খেলে। সকলকে চমকে দেয়। অঘটন ঘটায়। কোনো কোনো দেশ দ্বিতীয় রাউন্ড পর্যন্ত ওঠে। তারপর আর এগোতে পারে না। এবার যেমন বিশ্বকাপের প্রথম খেলায় গতবারের চ্যাম্পিয়ন ফ্রান্সকে সেনেগাল হারিয়ে দিয়েছে, তেমনি ক'বছর আগে



দিয়েগো মারাদোনোর দল আর্জেন্টিনাকে বিশ্বকাপের প্রথম খেলায় হারিয়ে দিয়েছিল ক্যামেরুন। এই সব অঘটন নতুন কিছু নয়। ব্রাজিলকেও এমন পরিস্থিতির মুখে পড়তে হয়েছিল। মোটকথা, প্রথম খেলায় আগের-


বারের চ্যাম্পিয়ন দলের পরাজয়, নতুন কিছু নয়। দ্বিতীয় বিশ্বকাপের আসর থেকেই এই ট্রাডিশান সমানে বয়ে চলেছে।

তবে সেদিন ফ্রান্স নিজের সুনাম বজায় রাখতে পারেনি। জঘন্য খেলেছে। তারা



গোলি করতে চলেছেন ইংল্যান্ডের বেকহ্যাম

আর্জেন্টিনার ওর্টগার পায়ে বল



ফ্রান্সের বিরুদ্ধে গোল করার আনন্দে নাচছেন সেনেগালের খেলোয়াড়রা

বিশ্বকাপের আগে পর্যন্ত।

জিনেদিন জিদান (ফ্রান্স)

জিদানের জন্ম : ২৬ জুন ১৯৭২

ক্লাব : রিয়াল মাদ্রিদ

ফ্রান্সের পক্ষে ৬৯টি ম্যাচ খেলে ১৮টি গোল করেছেন।

মাইকেল ওয়েন (ইংলন্ড)

ওয়েনের জন্ম : ১৪ ডিসেম্বর ১৯৭৯

ক্লাব : লিভারপুল

ইংলন্ডের পক্ষে ৩২টি ম্যাচ খেলে ১৪টি গোল করেছেন।

লুইস ফিগো (পর্তুগাল)

ফিগোর জন্ম : ১১ এপ্রিল ১৯৭২

ক্লাব : রিয়াল মাদ্রিদ

পর্তুগালের পক্ষে ৭৯টি ম্যাচ খেলে ২৭টি গোল করেছেন। ফিফা ও ইউ ই এফ-এর নির্বাচনে ২০০১ সালে বিশ্বের সেরা খেলোয়াড় মনোনীত হয়েছিলেন।

জুয়ান সেবেস্টিয়ান ডেরন

(আর্জেন্টিনা)

জন্ম : ৩ সেপ্টেম্বর ১৯৭৫

ক্লাব : ম্যানচেস্টার ইউনাইটেড

আর্জেন্টিনার পক্ষে ৪৭টি ম্যাচ খেলে ৭টি গোল করেছেন।

২০০১ সালে লাজিও থেকে ম্যানচেস্টার ইউনাইটেডে যাবার জন্যে ৫৫ মিলিয়ন ডলার খরচ হয়েছিল।

গ্যাব্রিয়েল ওমর বাতিস্তা

(আর্জেন্টিনা)

জন্ম : ১ ফেব্রুয়ারি ১৯৬৯

ক্লাব : এ এস রোমা

আর্জেন্টিনার পক্ষে ৭৪টি ম্যাচ খেলে ৫৫টি গোল করেছেন। ১৯৯৮ সালে গোল করার ব্যাপারে ভেঙে দিয়েছিলেন দিগেগো মারাদোনার রেকর্ড।

রাউল গঞ্জালেজ (স্পেন)

জন্ম : ২৭ জুন ১৯৭৭

ক্লাব : রিয়াল মাদ্রিদ

স্পেনের পক্ষে ৪০টি ম্যাচ খেলে ১৮টি গোল করেছেন। ২০০১ সালে স্পেনের সব থেকে জনপ্রিয় খেলোয়াড়ের সম্মান পেয়েছেন।

ফিগো

আসবে চার বছর আগের বিশ্বকাপের হিরো জিনেদিন জিদানের কথা। চার বছর আগে বিশ্বকাপের ফাইনালে ব্রাজিলের বিরুদ্ধে দু'দুটি গোল করেছিলেন তিনি। শুধু গোল করাই নয় খেলেও ছিলেন দুর্দান্ত। তিনি একাই ব্রাজিলের ভাগ্য ঠুড়িয়ে দিয়েছিলেন। খেলোয়াড়দের ব্যক্তিগত খতিয়ান এবারের



খারাপ খেলেছে শুধু জিদান খেলতে পারেননি বলে! তা কেন হবে? প্রথম খেলায় অমন অঘটন হামেশাই ঘটে। আর্জেন্টিনা হেরেছে, ব্রাজিল হেরেছে, উরুগুয়ে হেরেছে। বিশ্বকাপের মজা তো এইটাই। প্রথম খেলায় হেরেও ফাইনালে উঠেছে, চ্যাম্পিয়ন হয়েছে এমন নজিরও তো একাধিক আছে। কিন্তু অঘটন অঘটনই। প্রতিযোগিতার প্রথম খেলায় সেনেগালের কাছে ফ্রান্সের পরাজয় তাই এবারের বিশ্বকাপের সবচেয়ে বড় অঘটন। যাঁরা বলছেন, জিদান খেলতে পারেননি বলেই ফ্রান্স হেরেছে তাঁরা যদি বিশ্বকাপের ইতিহাসের পাতা উল্টে দেখেন তাহলে দেখতে পাবেন সেবার বিশ্বের সেরা খেলোয়াড় মারাদোনা দলে থাকা সত্ত্বেও হার মানতে হয়েছিল আর্জেন্টিনাকে তাদের প্রথম খেলায়। পেলের ব্রাজিল দলের ভাগ্যেও একই ব্যর্থতার জ্বালা জুটেছিল। তাই মনে হয়, জিদান দলে থাকলেও তেমন কোনো উনিশ-বিশ হতো না।

এবার আসি সেই সব খেলোয়াড়দের প্রসঙ্গে যাঁরা মাতিয়ে দিয়েছিলেন বিশ্বকাপের আসর অথবা বিশ্বকাপের সময় যাঁদের নাম বারবার সকলের মুখে এসেছে। প্রথমেই



রোনাল্ডো (ব্রাজিল)

জন্ম : ২২ সেপ্টেম্বর ১৯৭৬

ক্রাব : ইন্টার মিলান

ব্রাজিলের পক্ষে এ পর্যন্ত ৫২টি গোল করেছেন। ফিফার বর্ষসেরা খেলোয়াড়— ১৯৯৬, ইউরোপিয়ান ফুটবলার অফ দ্য ইয়ার—১৯৯৭।

রিভাল্ডো (ব্রাজিল)

জন্ম : ১৯ এপ্রিল ১৯৭২

ক্রাব : বার্সিলোনা এফ সি

বিশ্বকাপে ৭টি ম্যাচ খেলে ৩টি গোল করেছেন।

১৯৯৯ সালে তিনি ইউরোপিয়ান ফুটবলার অফ দ্য ইয়ার হয়েছিলেন। ব্রাজিলের পক্ষে ৫৪টি ম্যাচ খেলে ২৮টি গোল করেছেন।

দেল পিয়েরো (ইতালি)

জন্ম : ৯ নভেম্বর ১৯৭৪

ক্রাব : জুভেন্টাস

দেশের পক্ষে ৪৬টি ম্যাচ খেলে ১৬টি গোল করেছেন। ১৯৯৮ সালের চ্যাম্পিয়ন'স লীগে একা ১৯টি গোল করে নতুন নজির গড়েছিলেন।

প্যাট্রিক ভিয়েরা (ফ্রান্স)

জন্ম : ২৩ জুন ১৯৭৬

ক্রাব : আর্সেনেল

দেশের পক্ষে ৪৭টি ম্যাচ খেলেছেন। গোল দিয়েছেন ২টি।



এখন লড়াই ইংলন্ডে

আগামী বছর গোড়ার দিকে বিশ্বকাপ ক্রিকেট প্রতিযোগিতার আসর বসবে দক্ষিণ আফ্রিকায়। তারই প্রস্তুতি চলছে গোটা ক্রিকেট বিশ্ব জুড়ে। প্রত্যেকটি দেশই এ ওর সঙ্গে খেলে বেড়াচ্ছে। সৌরভ গাঙ্গুলির নেতৃত্বে ভারতীয় দল এখন ইংলন্ডে গিয়ে খেলছে। দু' দেশের মধ্যে চারটি টেস্ট ম্যাচ ছাড়াও হবে একটি ত্রিদেশীয় ক্রিকেট প্রতিযোগিতা। ভারত-ইংলন্ড ছাড়া খেলবে শ্রীলঙ্কা। আগেই বলেছি, এ সবই বিশ্বকাপের জন্য নিজেদের তৈরি করে নেওয়া।


গত দু' বছরের মধ্যে ভারতীয় দলের চেহারা একদম বদলে গেছে। দলে এখন নতুন মুখের ছড়াছড়ি। তাঁরাই নিজেদের যোগ্যতার প্রমাণ দিতে আশ্রয় চেষ্টা করে চলেছেন। কারণ তাঁরা জানেন, জাতীয় দলে তাঁদের সুযোগ পাবার পেছনে আছে দলপতি





সৌরভ গাঙ্গুলির অবদান। তিনিই একরকম জোর করে, নির্বাচকদের সঙ্গে লড়াই করে তরুণ খেলোয়াড়দের দলে আনছেন। জোর করে খেলাচ্ছেন। তার ফল তো ভালোই হয়েছে। যুবরাজ সিং, আশিস নেহরা, জাহির খান, দীনেশ মঙ্গিয়া, বীরেন্দ্র সহবাগ, অজয় রাতারা, হরভজন সিং, টিনু জোহাননরা সকলেই দলে এসেছেন সৌরভের জন্যে। তাই দলনেতার জন্যে তাঁরা সব কিছু করতে পারেন। ফলে টিম স্পিরিট বেড়ে গেছে। গোটা দল এককাটা হয়ে খেলছে।

ওয়েস্ট ইন্ডিজ সফরে দলনেতা সৌরভ গাঙ্গুলি 'ম্যান অফ দ্য সিরিজ' হওয়ায় দলের ওপর তাঁর প্রভাব যথেষ্ট বেড়ে গেছে। যে রুবি শাস্ত্রীরা কিছুদিন আগেও সৌরভের নামে ঘটি ঘটি জ্বল খেতেন, তাঁরাই এখন সৌরভের প্রশংসায় পঞ্চমুখ। এমনকী ওয়েস্ট ইন্ডিজের অধিনায়ক কার্ল হুপারও ভারতীয় দলপতির প্রশংসা করেছেন।

ওয়েস্ট ইন্ডিজ থেকে কলকাতায় ফিরেই



পিচে খেলছেন। দক্ষিণ আফ্রিকার উইকেটও কিন্তু এইরকমই ফাস্ট। ভারতে পিচের চরিত্র না বদলালে ভারতীয় খেলোয়াড়রা বিদেশে গিয়ে কিছুতেই ভালো খেলতে পারবেন না। দু-একজন ভালো খেলবেনই। তাই দিয়ে আর যাই হোক বিশ্বকাপের মতো প্রতিযোগিতায় জেতা যায় না। এই সরল সত্যটা যতদিন না ভারতীয় ক্রিকেটের কর্তাদের মাথায় ঢুকছে ততদিন ১৯৮৩ সালের পুনরাবৃত্তি হবে বলে মনে হয় না। সে যাই হোক, ইংলন্ডের মাঠে সৌরভ-বাহিনী এখন কেমন খেলছে সেইটাই বরং দেখা যাক।



সৌরভ বলেছিলেন তাঁর সব চিন্তা এখন বিশ্বকাপ নিয়ে।

তা ভারতীয় দলটি যেভাবে ধীরে ধীরে এককাতা হয়ে উঠছে তাতে বিশ্বকাপে ভালো না খেলার কোনো কারণ নেই। দলে শুধু দরকার আরও বেশি অলরাউন্ডার। তাহলেই বোলিং-এ বৈচিত্র্য এসে যাবে। এই ব্যাপারে ভারত একটু উন্নতি করতে পারলে বিশ্বকাপে ভালো না খেলার কোনো কারণ নেই। আর একটা বিষয়, ভারতীয় দলটি বড় বেশি শচীন-সৌরভ নির্ভর হয়ে পড়েছে। গোড়ার দিকে ব্যাটিং-এ ধস নামলে মাঝের সারির কিংবা শেষের দিককার খেলোয়াড়রা কুখে দাঁড়িয়ে ইনিংসটিকে আগে বাড়াতে পারেন না। এই দুর্বলতার দিকে রাইট সাহেব যে এতদিন কেন নজর দেননি সেইটাই বিশ্বায়ের ব্যাপার।

একদিনের ক্রিকেটে সাফল্যের অনেকটাই নির্ভর করে অলরাউন্ডারদের ওপর। ১৯৮৩ সালে কপিলদেবের নেতৃত্বে যে দলটি বিশ্ববিজয়ী হয়েছিল সেই দলে কতজন অলরাউন্ডার ছিলেন ভাবলে অবাক লাগে। কপিল নিজে ছিলেন, ছিলেন মহিন্দর অমরনাথ, মদনলাল, রজার বিনি, সন্দীপ পাটিল এমনকী উইকেটরক্ষকও ছিলেন পাকা ব্যাটসম্যান। সৌরভের দলে সেই অর্থে অলরাউন্ডার কিন্তু একজনও নেই। এক যদি সৌরভ-শচীনকে অলরাউন্ডার বলা হয় তাহলে আলাদা। অজিত আগারকারকে অলরাউন্ডার বলে চালানোর চেষ্টা হয়। কিন্তু তাঁর ব্যাটে রান কোথায়?

ভারতীয় দলের খেলোয়াড়রা ওয়েস্ট ইন্ডিজের পর এখন ইংলন্ডে গিয়ে ফাস্ট

স্পোর্টস কুইজ

(প্রত্যেক প্রশ্নের সঙ্গে চারটি করে উত্তর দেওয়া আছে। তিনটি ভুল। একটি ঠিক। উত্তর ৪৫ পাতায়।)

প্রশ্ন :

১. ১৯৫০ সালের বিশ্বকাপ ফুটবল প্রতিযোগিতার মূল পর্বে খেলার সুযোগ পেয়েও ভারত কেন নাম প্রত্যাহার করে নিয়েছিল?

ক. বিস্তীর্ণভাবে হেরে যাবার ভয়ে

খ. ভিসা পায়নি বলে

গ. খালি পায়ে খেলতে দেওয়া হবে না

ঘ. নিরামিষ খাবার দেওয়া হবে না

২. ১৯৩৮ সালের বিশ্বকাপ চ্যাম্পিয়ন দল ইতালি দীর্ঘ ১২ বছর নিজেদের কাছে জুলে রিমে ট্রফিট রেখেছিল—কেন?

ক. ফেরত দিতে অস্বীকার করেছিল

খ. মুসোলিনি ট্রফিট রেখেছিলেন

গ. ১৯৫০ সাল পর্যন্ত খেলা হয়নি বলে

ঘ. ট্রফিট হারিয়ে গিয়েছিল

৩. ১৯৯০ সালের বিশ্বকাপে ফরাসি রেফারি মিচেল ফ্যানটুট ইতালি-আর্জেন্টিনার ম্যাচে ৮ মিনিট বেশি সময় খেলিয়েছিলেন। পরে তিনি কী বলেছিলেন?

ক. তাঁর ঘড়ি বন্ধ হয়ে গিয়েছিল

খ. সেই খেলায় অনেক সময় নষ্ট হয়েছিল

গ. ইতালির মাফিয়াদের ভয়ে

ঘ. ঘড়ি দেখতেই ভুলে গিয়েছিলেন

৪. ব্রাজিলের ডাকসাইটে খেলোয়াড় রিভাস্ভোর আসল নাম কি?

ক. ভিস্ট্র বোরবা ফেরিরা

খ. পেপিনো মিয়েজা

গ. আরনেস্ট জিয়ান জোসেফ

ঘ. নসিমেন্টো

৫. ১৯৯০ সালের বিশ্বকাপে আরব এমিরেটস ২টি গোল করেছিল। প্রতিটি গোলার পর খেলোয়াড়দের আনন্দ দেখে মনে হয়েছিল তাঁরা যেন বিশ্বকাপই জিতে গেছেন। কেন?

ক. রোলস রয়েস গাড়ি পাবেন বলে

খ. ইউরোপিয় লীগে খেলতে পাবেন ভেবে

গ. হিরোর সম্মান পাবেন বলে

ঘ. প্রচুর ধনসম্পদ পাবেন বলে

উক্তি

বিশ্বকাপ ফুটবল প্রতিযোগিতার সব থেকে বড় মজা বা আকর্ষণ হলো অঘটন। অঘটনই বিশ্বকাপ ফুটবলকে উত্তেজনায় টানটান করে রাখে। অঘটন ছাড়া কি কোনো প্রতিযোগিতা জমে?

পেলে

(বিশ্বকাপ ফুটবল প্রতিযোগিতা প্রসঙ্গে বলতে গিয়ে)

ভারত বিশ্বকাপে খেলবে? পঞ্চাশ বছর না একশ বছরেও হবে না। ফুটবল খেলা এগিয়ে যাচ্ছে। আমরা কিন্তু পিছিয়েই পড়ছি। প্রতিযোগিতার উদ্যোক্তা হয়ে ব্যাক

ডোর দিয়ে মূল পর্বে আর কেউ খেলতে পারবে না। সকলকেই এবার থেকে যোগ্যতা অর্জন করে মূল পর্বে খেলতে যেতে হবে।

শৈলেন মামা

(বিশ্বকাপ ফুটবল ও আমরা—প্রসঙ্গে বলতে গিয়ে)

আমার পছন্দের দল ব্রাজিল। হ্যাঁ, আমি ব্রাজিলের গৌড়া সমর্থক। সব খেলা দেখতে ভালো লাগে। চাপ যখন পেয়েছি তখন কিছুদিন আরাম করে খেলা দেখে নিই। তারপর তো আবার 'সাত সাগর, তের নদীর পারে' যেতে হবে।

সৌরভ গাঙ্গুলি

(ওয়েস্ট ইন্ডিজ থেকে কলকাতায় ফিরেই বিমান বন্দরে)

আর হাসাহাসি নয়। অনেক হয়েছে। আর্জেন্টিনিয়দের বলি, এবার তোমরা অন্য

খেলোয়াড়কে দেখতে পাবে। তাকে নতুনভাবে আবিষ্কার করবে।

বেকহ্যাম

(বিশ্বকাপের ভবিষ্যৎ নিয়ে বলতে গিয়ে)
বেকহ্যামদের মতো খেলা দূরের কথা, ফুটবল আকাদেমি না গড়লে আমরা এশিয়ামানেও পৌঁছতে পারব না। শুনতে খারাপ লাগলেও এইটাই সত্যি।

সুব্রত ভট্টাচার্য

(বিশ্বকাপ নিয়ে আলোচনার পাশাপাশি কলকাতার ফুটবল নিয়ে বলতে গিয়ে)

স্পোর্টস কুইজের উত্তর :

১. খালি পায়ে খেলতে দেওয়া হবে না বলে।
২. ১৯৫০ সাল পর্যন্ত খেলা হয়নি বলে।
৩. ঘড়ি দেখতেই ভুলে গিয়েছিলেন।
৪. ভিক্টর বোরবা ফেরিরা।
৫. রোলস রয়েস গাড়ি পাবেন বলে।

ফুটবল খেলার ইতিকথা



সন্তোষ কুমার বেরা

সঠিক কবে থেকে বা কোথা থেকে ফুটবল এল তা বলা শক্ত। তবে ইতিহাসবিদদের বিশ্বাস ত্রিঃ পুঃ ২০৬ অব্দে চীনে ফুটবলের প্রচলন ছিল। সে সময় চীনে শাসন করতেন হান বংশীয় রাজারা। তখন গোলপোস্ট ছিল ত্রিশ ফুট উঁচু। গোলে সিন্ধের জাল ব্যবহৃত হতো। সম্রাট চেং লি ছিলেন বিখ্যাত ফুটবল খেলোয়াড়।


প্রাচীন চীনে ফুটবল কতটা সমাদৃত ছিল তা লী য়ু নামে এক ছড়াকারের ছড়া থেকেই বোঝা যায়—

'গোলাকার বল আর আয়তাকার ক্ষেত্র দুই দল মুখোমুখি যেন যুদ্ধক্ষেত্র বলাট উড়ছে দেখ আকাশের চন্দ্র প্রতিদলে দলপতি যে যাহার স্থানে এর যেন আন নেই ছড়াকার ভনে এ খেলা এমন খেলা জ্ঞাতি নাহি মানে

এমনকি পক্ষপাত নেই কারও মনে দৃঢ় মনে ধৈর্য নিয়ে করিতেছে খেলা হারিলেও রাগ নেই বলে ফুটবল খেলা।'

এদিকে গ্রীক এবং রোমানরাও পিছিয়ে রইল না। তারা তাদের মতো করেই উদ্ভাবন করল খেলাটি। নর্মানরা 'সুলে' নামে ফুটবলের মতো এক ধরনের খেলা খেলত ১০৬৬ খ্রিস্টাব্দে তাদের ইংলন্ড বিজয়ের সময়। সপ্তম শতকে জাপানীরা 'কেমরি' নামে ফুটবলের মতোই এক খেলা খেলত। চতুর্দশ শতকে ফ্রান্সে 'ক্যালশিও' নামে খেলাটিও খুব জনপ্রিয়তা লাভ করেছিল।

আন্তর্জাতিক ক্ষেত্রে আধুনিক ফুটবলের জনক হিসেবে নাম কিনল অবশ্য ইংলন্ডই। জনশ্রুতি আছে ড্যানিশদের হটিয়ে দিয়ে স্যাকসনরা ড্যানিশ দলপতির মাথা নিয়ে তাৎক্ষণিক খেলা খেলেছিল। যাই হোক ২১৭ খ্রিস্টাব্দের এক মঙ্গলবার ব্রিটিশ



যোদ্ধারা রোমানদের পরাজিত করে প্রথম ফুটবল খেলেছিল।

প্রথমদিকে ফুটবলের কোনো নিয়মকানুন ছিল না। খেলার সময় প্রতিদ্বন্দ্বী দুই দলের মধ্যে ঘূঁষাঘূঁষিও চলত। ক্রমে খেলোয়াড়ের সংখ্যা বৃদ্ধি পেল। গোলপোস্টের দূরত্বও বাড়ল। এমনকি সকলকে একই মাঠে খেলানোর জন্য কয়েক মাইল ব্যবধানে গোলপোস্ট বসানো হলো। হে-হল্লা হট্টগোল এই ছিল খেলার বৈশিষ্ট্য।

সব দেখেওনে ইংলন্ডের রাজা বেজায় রেগে উঠলেন। ১৩১৪ খ্রিস্টাব্দে দ্বিতীয় এডওয়ার্ড ঘোষণা করলেন শহরের মধ্যে ফুটবল খেলা চলবে না। আদেশনামা জারি করে বললেন, 'যেহেতু শহরে বিশাল গোলমাল হয়, এই খেলা থেকে নানান বিপদ ঘটতে পারে তাই আদেশ দিচ্ছি ভবিষ্যতে ফুটবল খেলা শহরে অনুষ্ঠিত হলে কারাদণ্ড ভোগ করতে হবে।'

১৩৪৯ খ্রিস্টাব্দে অনুরূপ আদেশ জারি করলেন রাজা তৃতীয় এডওয়ার্ড, ১৩৮৯ খ্রিস্টাব্দে দ্বিতীয় রিচার্ড এবং ১৪০১ খ্রিস্টাব্দে রাজা চতুর্থ হেনরি। কিন্তু দুর্ভাগ্যের বিষয় ক্রীড়ামোদি জনসাধারণ এইসব আদেশকে অগ্রাহ্য করেছিল। স্কটল্যান্ডের ফুটবল খেলায় অনুরূপ নিষেধাজ্ঞা জারি হলো। ১৪৫৭ খ্রিস্টাব্দে তৃতীয় জেমস ফুটবল খেলাটিকেই আদেশবলে নিষিদ্ধ করে দিলেন।

খেলাটির বিরুদ্ধে সরব হয়েছিলেন স্যার টমাস এলিয়ট নামে এক বিখ্যাত শিক্ষাবিদও। তিনি বলেছিলেন, ফুটবল খেলা পাশবিক উল্লাস ও ব্যাপক হাস্যামা ছাড়া কিছুই নয়। সুবিখ্যাত লেখক ফিলিপ স্টাভিজ লিভারপুলে অনুষ্ঠিত খেলা দেখে ক্রোধে নীল হয়ে বলটিকেই ধ্বংস করে দিয়েছিলেন। বলেছিলেন, এখানেই হিংসা ঈর্ষা বিতৃষ্ণা বিশ্ব্ব্ব অসন্তোষ শত্রুতা এসব জন্মলাভ করে। এমনকি বিবাদ কলহ হত্যা নরহত্যা বুদ্ধবিত্রহ ও রক্তক্ষয়ের শিক্ষা দেয় এই খেলা।

যে যাই বলুন না কেন ফুটবল খেলার উন্মাদনা কিন্তু ততদিনে মানুষের মজ্জায় প্রবেশ করেছে। ঊনবিংশ শতকে এই খেলা সম্পূর্ণ নতুন রূপ নিল। ধীরে ধীরে

স্কুলের গণ্ডির ভেতর ঢুকে পড়ল খেলাটি। ক্রমে তা ছড়িয়ে পড়ল স্কুল থেকে স্কুলে। শুরু হলো আন্তঃবিদ্যালয় প্রতিযোগিতা। ১৮৪৮ খ্রিস্টাব্দে কেমব্রিজ বিশ্ববিদ্যালয়ের কয়েকজন প্রাক্তন ছাত্র খেলার একটা নীতি নির্ধারণ করল। সেই নীতি সংশোধন করে ফুটবল খেলার প্রথম লিখিত নিয়ম চালু হলো ১৮৬৩ খ্রিস্টাব্দে। এরপর গড়ে উঠল ফুটবল সংস্থা। প্রতিযোগিতার আয়োজনও করা হলো ১৮৭৮ খ্রিস্টাব্দের ১৬ মার্চ ইংলন্ডে। প্রথম টিকিট কেটে খেলা দেখা শুরু হলো। খেলাটি ছিল চ্যালেঞ্জ কাপের খেলা। টিকিটের দাম এক শিলিং। খেলায় ওয়াডারার



ক্রাব রয়ল ইঞ্জিনিয়ারদের ১-০ গোলে পরাজিত করল।

সেই বছরই ফুটবলের প্রথম আন্তর্জাতিক খেলাটি হয়। ইংলন্ড বনাম স্কটল্যান্ড। খেলার ফলাফল ছিল ০-০। ১৮৮০ খ্রিস্টাব্দে ৪৩টি ফুটবল ক্লাব প্রতিষ্ঠিত হলো। ফুটবল খেলার ইতিহাসে ১৮৮৫ খ্রিস্টাব্দ একটা স্মরণীয় বছর। এই বছরেই পেশাদারি ফুটবলের আইন চালু হলো। খেলোয়াড়রা এবার খেলাটিকে জীবিকা হিসেবে গ্রহণ করলেন। ১৮৯০ খ্রিস্টাব্দে ব্রিটিশ অধিকৃত বিভিন্ন দেশে ফুটবল ছড়িয়ে পড়ল। ইউরোপের বিভিন্ন দেশেও ব্রিটিশ প্রযুক্তিবিদ, ব্যবসায়ী এবং দক্ষ শ্রমিকেরা গিয়ে বসবাস শুরু

করল। কাজের ফাঁকে তারা ফুটবল খেলায় উৎসাহিত করতে লাগল সেই সব দেশের লোকেদের। সেখানকার জনগণও বিপুল উদ্দীপনায় তা গ্রহণ করল।

ফুটবল দ্রুত প্রসার লাভ করল সুদূর ব্রাজিল, আমেরিকা এবং রাশিয়ায়। ১৮৭৮ খ্রিস্টাব্দে ব্রিটিশ নাবিকেরা রানী ইসাবেলার সম্মানে এক প্রদর্শনী খেলা খেলল ব্রাজিলে। ১৮৮৪ খ্রিস্টাব্দে আমেরিকায়, ১৮৭৫-এ পর্তুগালে এবং ১৮৯১-তে প্রথম সুইডেনে ফুটবল এল।

১৯০৪ খ্রিস্টাব্দে এক ওলন্দাজ ব্যবসায়ী আন্তর্জাতিক প্রশাসনিক সংস্থা গড়ে তোলার প্রস্তাব দিলেন। প্রস্তাব মতো ওই খ্রিস্টাব্দের ২১ মে ফ্রান্স, ডেনমার্ক, স্পেন, বেলজিয়াম, সুইজারল্যান্ড এবং নেদারল্যান্ডের প্রতিনিধিরা সমবেত হয়ে ফিফা বা ফেডারেশন ইন্টারন্যাশন্যাল দ্য ফুটবল অ্যাসোসিয়েশন গড়ে তুললেন। প্রথম সভাপতি হলেন গেরিন নামে এক ফরাসী।

আশ্চর্যের বিষয় ফুটবলের ঐক্য দেশ ইংলন্ড বাদ পড়ে গেল। ইংলন্ড ছাড়াই ফিফা সুষ্ঠুভাবে খেলা পরিচালনা করতে লাগল। ফুটবল ওলিম্পিকের সূচনা হলো ১৯০৮ খ্রিস্টাব্দে। বিপুল সমর্থনে ব্রিটেন ডেনমার্ককে ২-০ গোলে হারিয়ে প্রথম সোনার পদকটি দেশে তুলে রাখল।

১৯২০-তে ফিফার সভাপতি জুলে রিমে, হেনরি ডেলুনে এবং হিডগো মিশেলের সহযোগিতায় আন্তর্জাতিক স্তরে ফুটবল খেলা নিয়মিত করার প্রস্তাব দিলেন। সেই প্রস্তাব ১৯৩০ সালে অনুমোদিত হলো। জন্ম হলো বিশ্বকাপ ফুটবলের।

কৃতজ্ঞতা স্বীকার : 'The Mad, Bad Origins of Soccer'—Sumit Dutta 'The Gentleman' June '90.





উঠছে যারা



বীরু বসু

চন্দননগর স্টেশন থেকে জারুগ্রামের দূরত্ব তিন মাইল। হাঁটা পথে আধঘণ্টা সময় লাগে। একমাত্র সাইকেল ছাড়া আর কোনওরকম যানবাহনের ব্যবস্থা নেই। গ্রামটির চারধারে পুকুর আর বাঁশঝাড়। জনসংখ্যা অধিক হলেও গ্রামের অধিকাংশই চাষী। সুতরাং সরস্বতী, রাজেশ্বরী এবং বনশ্রী দাসের পরিচয় ওরা চাষীর মেয়ে। বাবা মহাদেব দাস। প্রাক্তন জাতীয় কবাডি খেলোয়াড়। সম্প্রতি রাজ্য কবাডি সংস্থার সুবর্ণ জয়ন্তী বর্ষে প্রশংসাপত্র পেলেও গ্রামের চাষী মহাদেববাবুর কাছে তা অর্থহীন। বয়স বেড়ে ওঠায় তাঁর একার পক্ষে কাজ চালিয়ে যাওয়া আর সম্ভব হচ্ছে না। ফলে মেজো মেয়ে রাজেশ্বরী ও ছোট মেয়ে বনশ্রীকে বাবার সঙ্গে হাত লাগাতে হচ্ছে। সংসারের অভাব-অনটনকে সামাল দিতে দাস পরিবারের সকলকেই এখন চাষের কাজে সময় দিতে হচ্ছে। মাত্র এক হাজার টাকা উপার্জন করার জন্যই সম্পূর্ণ সংসারটাকে চাষের কাজে বেঁধে ফেলেছেন চ্যুয়ান বছরের বৃদ্ধ মহাদেব দাস।



রাজেশ্বরী ও বনশ্রী দাস

অভাব-অনটনে মহাদেববাবু ক্লান্ত হয়ে পড়লেও বড় হওয়ার প্রবল ইচ্ছা কিন্তু মেয়েদের দমাতে পারেনি। কষ্টই যে ওদের চিরসার্থী এই সত্যটা এতদিনে ওরা জেনে গেছে। সে কারণেই রোদে-জলে হাড়ভাঙা পরিশ্রম করার পরও ওরা বড় হওয়ার স্বপ্ন দেখে। আর পাঁচটা ছেলে-মেয়ের মতো ওরাও ভাল কিছু করতে চায়, এ ব্যাপারে বাবা-মায়ের পূর্ণ সমর্থন আছে। বড় মেয়ে সরস্বতী চন্দননগর খলিসানী কলেজ থেকে উচ্চমাধ্যমিক দেবে। বাকি দুই মেয়ে রাজেশ্বরী এবং বনশ্রী বেছে নিয়েছে খেলাধুলো। টেবিল টেনিস, ব্যাডমিন্টন, অ্যাথলেটিক কিংবা সাঁতার, এই ধরনের কোনো খেলাই কিন্তু ওদের মন ভরাতে পারেনি। ওদের ভাল লাগে কবাডি খেলা। আসলে বাবার অবস্থা দেখে ওরা বুঝে গেছে খেলার পিছনে পয়সা খরচ করার মতো সামর্থ্য ওদের নেই। ওদের আছে শারীরিক শক্তি। সেই শক্তিকে কাজে লাগিয়ে ওরা দুই বোন গন্ত করুক বছর

ধরে কবাডি খেলে আসছে।

কবাডি খেলায় ওদের হাতেখড়ি হয় চন্দননগর মনসা সমিতিতে। ওদের প্রশিক্ষক প্রাক্তন কবাডি খেলোয়াড় জগবন্ধু সাঁতার। এর আগে জাতীয় স্কুল গেমসে খেললেও আন্তঃজেলা মহিলা কবাডিতে এবারই ওরা প্রথম। সম্প্রতি হুগলি জেলার শ্রীরামপুর মাহেশ কলোনিতে যুব কিশোর সংঘ ও শুকতারা সব পেয়েছির আসর-এর পরিচালনায় মাস্টারদা সূর্য সেন স্মরণে এই কবাডি প্রতিযোগিতাটির আয়োজন হয়েছিল। জেলা স্তরে অন্যান্য খেলাগুলোর যখন নাভিশ্বাস উঠেছে ঠিক তখনই কবাডিতে বছরের সেরা উপহারটি কেড়ে নিতে পেরেছে হুগলির মেয়েরা। রীতিমতো সেরা প্রাপ্তি। কারণ কবাডিতে হুগলির মেয়েরা এতদিন পিছিয়ে ছিল। আজ থেকে ছ'বছর আগে উঃ ২৪ পরগনা জেলার সোদপুরে তারা প্রথম চ্যাম্পিয়ন হয়েছিল। তারপর থেকে চ্যাম্পিয়ন শব্দটা তাদের কাছে অবরাই থেকে গেছে। সেই ধরা

কাটিয়ে এবারের ৭ম আন্তঃজেলা কবাডিতে হুগলি ফের চ্যাম্পিয়ন হলো। জয়ের অন্যতম দুই কাণ্ডারী রাজেশ্বরী দাস ও বনশ্রী দাস প্রমাণ করেছে তারাই এখন জেলার সেরা।

অসংখ্য মানুষ তাদের খেলা দেখে

তৃপ্তি পেয়েছেন। যেমন তৃপ্তি পেয়েছেন যারা এবার সুবর্ণ জয়ন্তী বর্ষে আমন্ত্রণমূলক কবাডি খেলা দেখতে পশ্চিমবঙ্গ রাজ্য কবাডি সংস্থার মাঠে গিয়েছিলেন। এই আমন্ত্রণমূলক খেলার মূল আকর্ষণ ছিল জাপানের দলটি। কিন্তু আট দলের খেলায় জাপানের মেয়েরা চ্যাম্পিয়ন হতে পারেনি। কোনো অর্ধেই কোর্টে সুস্থভাবে দাঁড়িয়ে থাকতে পারেনি জাপানের মেয়েরা। একের পর এক হানা দিয়ে মনসা সমিতির মেয়েরা তাদের হারিয়ে দিয়েছে। খেলার শেষে জাপানের কোচ স্বীকার করে গেছেন এই পরাজয় রাজেশ্বরী ও বনশ্রীর জন্য। হুগলির দুই কন্যা যদি কোর্টে না খেলত তাহলে জাপানের জয় সুনিশ্চিত ছিল।

এই কথার বেশ ধরে বলা যেতে পারে বাংলার কবাডিতে রাজেশ্বরী এবং বনশ্রীর ভবিষ্যৎ উজ্জ্বল। দুই বোনের মধ্যে রয়েছে অসংখ্য মিল। দেখতে এতই একরকম যে চেনা মুশকিল হয়ে ওঠে। কে বড় কে ছোট তা ওদের জার্সি নম্বর না দেখে বোঝা যাবে না। কথাবার্তায় সপ্রতিভ। লেখাপড়ায় ভাল। চন্দননগর ন'পাড়া গার্লস হাই স্কুলের নবম শ্রেণীর ছাত্রী রাজেশ্বরী। ছোট বোন বনশ্রী জারুগ্রাম গার্লস হাই স্কুলের সপ্তম শ্রেণীর ছাত্রী। দু'জনেরই কোচ জগবন্ধু সাঁতার। দু'জনেরই লক্ষ্য কবাডি খেলায় নিজেদের সাফল্য মেলে ধরা। এখন প্রশ্ন হলো শুধুমাত্র একটি চাকরির আশা সামনে রেখে জারুগ্রামের যে দুটি মেয়ে কবাডি খেলছে, তাদের সে আশা কি আগামী দিনে পূরণ হবে? এ ব্যাপারে ওদের মা ললিতাদেবী এবং মামা সনাতনবাবু বিশেষ চিন্তিত। কর্মকর্তারা তাঁদের প্রতিশ্রুতি রাখবেন তো?



শরীর গড়তে যোগ ও ব্যায়াম

তুষার শীল



লেখাপড়ার সঙ্গে সঙ্গে খেলাধুলা, ব্যায়াম, সাঁতার যে কোনো ধরনের শরীরচর্চা করলে অনেক রোগ-জ্বালা-যন্ত্রণা থেকে মুক্তি পাবে। শরীরের গঠনও সুন্দর হবে। এখন থেকেই শরীরচর্চার অভ্যাস গড়ে তুললে ভবিষ্যতে এর সুফল পাবে। ওয়ার্ল্ড কাপ ফুটবল তোমরা নিশ্চয়ই দেখেছো। সুন্দর খেলার সঙ্গে খেলোয়াড়দের সুগঠিত শরীরও নিশ্চয় নজরে পড়েছে। এই সুন্দর শরীরের মূলমন্ত্রই হচ্ছে নিয়মিত খেলাধুলা ও শরীরচর্চা। এখন বর্ষাকাল। জল সম্বন্ধে খুব সচেতন হবে। যেখানে সেখানে জল খাবে না। যাদের পেটের অসুখের

প্রবণতা রয়েছে তারা জল ফুটিয়ে খাবার অভ্যাস গড়ে তোল। প্রয়োজন হলে স্টুলের রুটিন পরীক্ষা করে ডাক্তার দেখিয়ে ওষুধ খাও। তবে খেয়াল রেখ বারোমাস ওষুধ খেয়ে পেট ভাল রাখা যাবে না। এর জন্য চাই খাদ্য ও জল সম্বন্ধে সচেতনতা, আর চাই আসন ও প্রয়োজনীয় ব্যায়াম অভ্যাস করা।

অর্ধকর্মাসন : বজ্রাসনে বসে শ্বাস নিতে নিতে দু'হাত পাশ দিয়ে মাথার উপর তোল। এইবার মেরুদণ্ড সোজা রেখে শ্বাস ছাড়তে ছাড়তে ধীরে ধীরে শরীরের উর্ধ্বাংশ অর্থাৎ কোমর থেকে উপরের অংশকে সামনের দিকে নামাও ছবির মেয়েটির মতো। কপাল, দুই কনুই

ও হাতের আঙুল মাটিতে লেগে থাকবে। লক্ষ্য রেখ গোড়ালি দুটির সঙ্গে পাছ আর পেট ও বুকের সঙ্গে উরু দুটি যেন লেগে থাকে। প্রথম প্রথম এভাবে লেগে না থাকলে বা কপাল মাটিতে না লাগলে জোর করে করবার চেষ্টা করবে না। প্রয়োজনে হাঁটুর সামনে একটি বালিশ রেখে তাতে কপাল রাখ। এই অবস্থায় ১৫/২০ সেকেন্ড স্বাভাবিক শ্বাস-প্রশ্বাস রাখ, পরে চিৎ হয়ে শুয়ে বিশ্রাম নাও।

উপকারিতা—অর্ধকর্মাসন মেরুদণ্ডকে সোজা ও নমনীয় রাখে। কোষ্ঠকাঠিন্য, আমাশয়, অস্থল, অজীর্ণ প্রভৃতি রোগ এবং পায়ের হাঁটুর, কাঁধ ও হাতের সন্ধিস্থলের বাতজনিত ব্যথা দূর করে।

ছায়ায় মায়ায়

বৈশাখ সংখ্যায় শুকতারায় সঞ্জীব কুমার দের গল্প 'ছায়ায় মায়ায়' খুব ভালো লেগেছে। অনেকদিন পরে একটা সত্যিকারের ভালো গল্প পড়লাম।

সুধাংশু, তনুজী, বিদ্যুৎ ও দিদা
(বি-৩১৭, সি আর পার্ক, নতুন দিল্লি-১১০ ০১৭)
দুঃখী রাজকুমার

বৈশাখ সংখ্যায় অনীশ দেবের 'দুঃখী রাজকুমার', নারায়ণ গঙ্গোপাধ্যায়ের 'হালখাতার খাওয়া-দাওয়া' ভীষণ ভালো লেগেছে। হাঁদা-ভাঁদা, বাঁটুল তো ভালো লাগেই। দুঃখী রাজকুমারের মতো গল্প আরও ছাপা হলে খুশি হবো।

ইন্দ্রজিৎ রায় (ঝন্টু)

(ভুবনডাঙ্গা, বোলপুর, বীরভূম)

ও সন্দীপন চক্রবর্তী

(৩০, সারদা চ্যাটার্জি লেন, কদমতলা, হাওড়া-১)

রউন ছবি

আমি ষষ্ঠ শ্রেণীতে পড়ি। ক্রিকেট খেলোয়াড় যুবরাজ সিংকে আমি খুব পছন্দ করি। যুবরাজ সিং-এর একটি রউন ছবি যদি শুকতারায় ছাপা হয় তাহলে খুশি হবো।

প্রণয় গুপ্ত

(৫৬/৪/২, আন্দুল রোড, পোঃ ডি এস লেন,
হাওড়া-৭১১ ১০৯)

বাঁটুল দি গ্রেট

জ্যেষ্ঠ সংখ্যায় 'বাঁটুল দি গ্রেট', 'হাঁদা-ভাঁদা', 'দাদুমণির চিঠি' ও কৃষ্ণদাস চ্যাটার্জির 'একতার জয়' খুব ভালো লেগেছে। তারারাক্ষর বন্দ্যোপাধ্যায়, সুনীল গঙ্গোপাধ্যায়, শৈলেন ঘোষের লেখা যদি মাঝে মাঝে ছাপা হয় তাহলে খুব ভালো হয়। শচীন রউন ছবি চাই।

প্রসেনজিৎ সামন্ত

(৫৩/৩৫/১, বিদ্যায়তন সরণী, পোঃ-
আলমবাজার, কলকাতা-৭০০ ০৩৫)

ষষ্ঠীর*দল

গত বৈশাখ সংখ্যায় ডঃ গৌরী দের 'ষষ্ঠীর দল', কালীপদ দাসের 'ঠাকুরমার ছড়ি' খুব ভালো লেগেছে। ফিরে দেখায় নারায়ণ গঙ্গোপাধ্যায়ের 'হালখাতার খাওয়া-দাওয়া'র তো তুলনা নেই। শচীন তেভুলকারের রউন ছবি চাই।

সুদীপ্ত পাত

(গ্রাম-মথুরাপুর, পোঃ-শ্যামনগর,
জেলা-উঃ ২৪ পরগনা-৭৪৩ ১২৭)

ভালো লেগেছে

অরবিন্দ ভট্টাচার্যর 'কাক ও সোনার আংটি', অনীশ দেবের 'দুঃখী রাজকুমার', কালীপদ দাসের 'ঠাকুরমার ছড়ি', মিতালী সেনগুপ্তর 'নারদের পরীক্ষা', বীণা বন্দ্যোপাধ্যায়ের 'সোনামণির বাচ্চারা', সঞ্জীব কুমার দের 'ছায়ায় মায়ায়', ডঃ গৌরী দের 'ষষ্ঠীর দল' আমার খুব ভালো লেগেছে।

সুমিত্রা পাল

(প্রবন্ধে—বসন্ত কুমার পাল, ১১৩ বড়বাজার, হুগলি)

ভয় দেখানো ভূত নয়

শুকতারার বৈশাখ সংখ্যায় সঞ্জীব কুমার দে-র 'ছায়ায় মায়ায়' আমার খুব ভালো লেগেছে। ভয় দেখানো ভূত নয়, মানুষ ও অশরীরীর মধ্যে

দরদী মানবিক সম্পর্কের চমৎকার উপস্থাপনা লেখাটিকে অন্য মাত্রা দিয়েছে।

ডঃ তপনজ্যোতি ভৌমিক
(সেন্ট্রাল রিসার্চ ইন্সটিটিউট, রসায়ন বিভাগ,
বিধাননগর-৭০০ ০৯১)

তিতলিপূরের জঙ্গলে

সৈয়দ মুস্তাফা সিরাজের 'তিতলিপূরের জঙ্গলে' খুব ভালো লাগেছে। চৈত্র সংখ্যায় দীপালি মুখোপাধ্যায়ের 'সোনালী মাছ', নিধু হাজারার 'বিষবৃক্ষে অমৃত ফল', সুনির্মল চক্রবর্তীর 'লোভী বৃড়ি ও লেবুগাছটি' ভালো লেগেছে। শচীন তেভুলকার ও সৌরভ গাঙ্গুলির রউন ছবি চাই।

মেহলী চক্রবর্তী

(গড়িয়া, কলকাতা-৭০০ ০৮৪)

চিঠিপত্র

(মতামতের দায়িত্ব সম্পাদকের নয়)

পুরস্কৃত সেরা চিঠি

আমাদের স্যার

তখন আমরা স্কুলে একটু উঁচু ক্লাশে পড়তাম। প্রত্যেক বছর গ্রমের ছুটির আগের দিন আমরা সবাই মিলে ক্লাশটিচার এবং অন্য শিক্ষকদের মিস্ত্রিমুখ করাতাম। ফুলের তোড়া উপহার দিতাম। সেই জন্যে আমরা আমাদের সাধ্যমতো চাঁদা দিতাম। বাহারি পাতা, ফুল, রঙিন কাগজ দিয়ে আমরা আমাদের ক্লাশটিকে সাজাতাম। ধূপ আর ফুলের গন্ধে সারা স্কুল সেদিন ম ম করত। এই ব্যাপারে ক্লাশের প্রত্যেক ছাত্র ছিলাম সমান উৎসাহী। ক্লাশ শুরু হবার আগেই আমরা কাজ শেষ করে ফেলতাম। তারপর ক্লাশের দরজার সামনে দাঁড়িয়ে থাকতাম স্যাররা আসার অপেক্ষায়। সেদিন মনে হতো, আমরা যেন হঠাৎই বড় হয়ে গেছি। শিক্ষক মহাশয়রা খুশি হয়ে আমাদের সেদিন প্রাণভরে আশীর্বাদ করতেন।

একবারের কথা আমার আজও মনে আছে। সেদিন শ্রেণীশিক্ষক সূর্যকান্ত ভট্টাচার্য ফুলের তোড়া হাতে নিয়ে আমাদের শুনিয়েছিলেন ওঁর ছাত্র-জীবনের কথা। আমরা জানতাম না, উনি একজন স্বাধীনতা সংগ্রামী। ছাত্রাবস্থাতেই উনি বৃটিশ সরকারের বিরুদ্ধে সংগ্রামে ঝাঁপিয়ে পড়েছিলেন। এর জন্যে তাঁকে সহ্য করতে হয়েছিল অনেক কষ্ট, অনেক যন্ত্রণা, অনেক লাঞ্ছনা। শত অত্যাচারেও মনের জোর হারাননি তিনি। অদম্য ইচ্ছা, ধৈর্য আর আন্তরিকতা তাঁকে শিক্ষাজগতে বিশেষ স্থান এনে দেয়। অন্য কোথাও না গিয়ে তিনি স্কুলের শিক্ষকতার ব্রত গ্রহণ করেন।

ওঁর কথা শুনে আমাদের মন গর্বে ভরে উঠেছিল। উনি আজ আর আমাদের মধ্যে নেই। কিন্তু ওঁর কথা আজও আমরা কেউ ভুলতে পারিনি।

সঞ্জয় বন্দ্যোপাধ্যায়

(১১ এ, ব্যানার্জি পাড়া রোড, পোঃ-তালপুকুর, ক্যারাকপুর,
উঃ ২৪ পরগনা-৭৪৩ ১৮৭)

সেরা চিঠি

সেরা চিঠি প্রতিযোগিতায় শুকতারার পাঠক-পাঠিকারা যে কোনো বিষয়ের ওপর (রাজনীতি বাদ দিয়ে) চিঠি লিখতে পারে। সেরা চিঠিটি শুকতারায় ছাপা হবে এবং তার জন্যে একশত টাকা পুরস্কার দেওয়া হবে। আনুমানিক একশো শব্দের মধ্যে চিঠি লিখতে হবে। যত খুশি চিঠি পাঠানো যেতে পারে। কিন্তু প্রত্যেকটি চিঠির সঙ্গে নিচের কুপনটি থাকা চাই। কুপন ছাড়া কোনো চিঠি গ্রাহ্য হবে না। সেরা চিঠি মনোনয়নের ব্যাপারে শুকতারার সম্পাদকমণ্ডলীর সিদ্ধান্তই চূড়ান্ত। চিঠি পাঠাতে হ- সম্পাদক শুকতারার নামে। খাম বা ইনলান্ডের ওপর 'সেরা চিঠি' কথাটি লিখে দিতে হবে।

আমি শুকতারার 'সেরা চিঠি' প্রতিযোগিতায় আমার মনোনীত বিষয় নিয়ে চিঠি পাঠাচ্ছি। চিঠির মতামত সম্পূর্ণ আমার।

স্বাক্ষর (পুরো নাম)

সম্পূর্ণ ঠিকানা

কাঁসার থালা

অনুপ বড়ুয়া

দু পুরে আমাদের প্রকাণ্ড বাড়িটা নিস্তেজ হয়ে পড়ে। দিনের বেলাকার লোকজনের গমগমে ভাব দুপুরের মধ্যে কোথায় যেন মিলিয়ে যায়। মধ্যাহ্নভোজনের পর যে যার ঘরে খাটপালকে অসাড় হয়ে পড়ে থাকে। ঘুমন্ত তিন কাকার নাক ডাকার একঘেয়ে শব্দ ছাড়া সেসময় অন্য কিছু শব্দ থাকে না। সেজকাকার নাসিকা গর্জনের তীব্রতা সবচেয়ে বেশি। ছোটকাকা নাম দিয়েছিল এ.কে. সাতচল্লিশ। মানোটা প্রথমে বুঝতে পারিনি। এখন জানি ওটা একটা বন্দুকের নাম। দাদু আরামকেন্দারায় খবরের কাগজ পড়তে পড়তে ঘুমিয়ে পড়েন। এতো বড়ো বাড়িতে কেবলমাত্র দুটি প্রাণীর চোখে ঘুমের লেশমাত্র থাকে না—আমার ছোটকাকা আর আমাদের পোষা কুকুর জিসো। ছোটকাকা দোতলায় নিজের ঘরে

বসে গল্প লেখে। কখনো উপন্যাস পড়ে। জিসো নিঃশব্দে নিচের তলার বারান্দায় হাঁটাচলা করে। অন্য সময়ে উঠানে কাক-পক্ষী বসলে সে যেউ যেউ করে ছুটে যায়, তবে দুপুরের দিকে সে চুপচাপ থাকে।

এরকম এক থমথমে পরিবেশে বাড়ির সবাই ঘুমোচ্ছে। ছোটকাকা নিজের ঘরে বসে উপন্যাস পড়ছে। জিসো দোতলার বারান্দায় পা ছড়িয়ে শুয়ে আছে। নিচের বারান্দায় তীব্র রোদ্দুর এসে এমন তাতিয়ে দেয় যে সেখানে চলাফেরা করা যায় না। তাই জিসো এখন দোতলায়। তবে সে উপরে থাকলেও মন কিন্তু তার নিচের তলার বারান্দায় ঘোরাঘুরি করছে। কাঁসাপিতলের এঁটো বাসনগুলো খনার মা মেজে-ধুয়ে বারান্দায় জল ঝরতে দিয়েছে।

সেগুলো বিকেলে তোলা হয়। মাঝে মাঝে ছোটকাকা ব্যালকনি থেকে উঁকি দিয়ে উঠানে আচারের বোতলগুলো দেখেছে। সব ঠিক আছে দেখে আবার উপন্যাসের পাতায় মগ্ন হয়ে পড়ছে।

এমন সময় সদর দরজা দিয়ে এক বৃদ্ধা এসে উঠানে দাঁড়াল। পরনে ছেঁড়া নোংরা সাদা ধান। কাঁখে ঝোলানো একটা পুঁটলি। বয়স যে সত্তর পেরিয়ে গেছে তা দেখলেই বোঝা যায়। হাতের, গালের চামড়ায় অসংখ্য ভাঁজ পড়েছে। মাথার চুল সাদা। চোখ যোলাটে। সারা দুপুর ঘুরে বেড়ানোর একটা গভীর ক্লান্তির ছাপ রয়েছে তার শরীরে। বৃদ্ধা সামনে-পেছনে চোখ বুজিয়ে দেখে নিল। তারপর আস্তে আস্তে বারান্দায় রাখা বাসনের কাছে চলে এলো। এরপর রুগ্ন কালো হাতটা সেদিকে একবার বাড়াচ্ছে আর এদিক-ওদিক তাকাচ্ছে। ইতিমধ্যে সন্দেহবাতিক জিসো শরীর নাচিয়ে লাফিয়ে উঠল।



দোতলার বারান্দা থেকে মুখ বাড়িয়ে
নিচের যে দৃশ্য সে দেখল তাতে তার
শরীরের কাঁকড়া লোমগুলো খাড়া হয়ে
যাবার উপক্রম। জিসোর গতিবিধি
ছোটকাঁকার নজর এড়াতে পারল না।
আচারের বোতলে বাঁদরে হামলা করছে
না তো? ঘর-সাগোয়া ব্যালকনিতে এসে
ছোটকাঁকা দেখল এক বৃদ্ধা একটা কাঁসার
থালি তুলবে তুলবে করছে। আর তাই
দেখে জিসো এক পায় খাড়া। নিচে ছুটল
বলে। ছোটকাঁকা চাপান্বরে জিসোকে
নিষেধ করতেই সে স্থির হয়ে দাঁড়িয়ে
পড়ল, শুধু একটি আদেশের অপেক্ষায়।
ছোটকাঁকাকে সিঁড়ি দিয়ে নেমে
আসতে দেখে বৃদ্ধা চমকে উঠল। তারপর
দ্রুত কাঁসার থালাটা রেখে পেছন ফিরে
চলে যাওয়ার চেষ্টা করতেই ছোটকাঁকা
বলল, এই যে ঠাকুমা, যেটা নিয়েছিলেন
সেটা নিয়ে যান। এরপর আর কখনো এ
বাড়িতে আসবেন না।
বৃদ্ধা আমতা আমতা করে বলল,
আমি তো কিছু নিইনি। ভিক্ষার জন্যে
এসেছিলাম, কেউ নেই দেখে চলে যাচ্ছি।
ছোটকাঁকা জোর গলায় বলল, মিথ্যা

কথা বলছেন কেন? আমি তো দেখলাম
আপনি চুরি করছিলেন। তবে একটা কথা
শুনে যান, আমি না থাকলে আমাদের
পোষা কুকুর আপনাকে আস্ত রাখতে না।
জিসোর উপর চোখ পড়তেই বৃদ্ধা
শিউরে উঠল। বলল, আর কোনোদিন
হবে না। পেটের জ্বালায় ভিক্ষা করে খাই।
তাই লোভ সামলাতে পারিনি। বৃদ্ধা হাত
দুটো জোড় করে বলল, এবারের মতো
আমি ক্ষমা চাইছি বাবা, জীবনে আর
এবাড়িতে কোনোদিন ঢুকবো না।

বৃদ্ধার কথা শুনে ছোটকাঁকা কিছুক্ষণ
নীরব রইল। তারপর বলল, দেখে তো
মনে হচ্ছে সারা দিন কিছু খাননি। দাঁড়ান,
কিছু খাবার নিয়ে যান।

ছোটকাঁকা বৃদ্ধার সেই পছন্দের
কাঁসার থালাতে করে রান্নাঘর থেকে ভাত
ও তরকারি নিয়ে তার হাতে দিল। সঙ্গে
কিছু চাল ও কাঁচা সবজি দিয়ে বলল,
বাড়ির লোকজন জেগে ওঠার আগেই
এগুলি নিয়ে এন্সুণি আপনি চলে যান।
তবে ভবিষ্যতে এরকম কাজ করবেন না।
বৃদ্ধা চোখের জল মুছতে মুছতে বাড়ি

থেকে বেরিয়ে গেল। তার জীবনে
এইরকম অভিজ্ঞতা আর কখনো হয়নি।
এই ঘটনাটা সবার কাছে অজানা
থাকল। কাঁসার থালাটির খোঁজ পড়ল
চার-পাঁচদিন পরে। সবাই বলল,
জিসো থাকলেও যদি থালাবাসন উধাও
হয়ে যায় তাহলে তো বাড়িতে বাস করা
মুশকিল। কেউ কেউ বহুদিনের বিশ্বস্ত
খনার মাকে সন্দেহ করল।

কিছুদিন পরে একদিন উঠানে সেই
কাঁসার থালাটি পড়ে থাকতে দেখা গেল।
কেউ কিছুই বুঝতে পারল না। সেটাকে
রান্নাঘরে নিয়ে গিয়ে রাখা হলো।
সেদিন রাতে খেতে বসে ছোটকাঁকার
গভীর গলায় আমরা সবাই শুনলাম সেই
বৃদ্ধা ও কাঁসার থালার কাহিনীটি।

কবি : প্রীতিন ব্যানার্জী



দেব সাহিত্য কুটীরের সব রকম
বই-এর প্রাপ্তিস্থান :

দেব সাহিত্য কুটীর প্রাইভেট
লিমিটেড

- ২১, বামাপুকুর লেন, কলকাতা-৭০০ ০০৯
দেব লাইব্রেরী
১, শ্যামাচরণ দে স্ট্রিট, কলকাতা-৭০০ ০৭৩
নিউ বেঙ্গল প্রেস (প্রাঃ) লিঃ
৬৮, কলেজ স্ট্রিট, কলকাতা-৭০০ ০৭৩
চক্রবর্তী চ্যাটার্জী অ্যান্ড কোং
১৫, কলেজ স্কোয়ার, কলকাতা-৭০০ ০৭৩
অক্সফোর্ড বুক স্টোর
১৭, পার্ক স্ট্রিট, কলকাতা-৭০০ ০১৬
বিংশ শতাব্দী
৭৫ সি, পার্ক স্ট্রিট, কলকাতা-৭০০ ০১৬
সিগ্যাল বুক সেন্টার
৩১, এস পি মুখার্জী রোড, ভবানীপুর,
কলকাতা-৭০০ ০২৫
ও
স্বভূমি : ৪৯ সি, মৌলানা আবুল কালাম
আজাদ সরণী, কলকাতা-৭০০ ০৫৪
ল্যান্ডমার্ক
৩, লর্ড সিনহা রোড, কলকাতা-৭০০ ০৭১





হাড়ু খেলা

রথীন সরকার

একটা লম্বা সিঁড়িগে মতো লোককে সঙ্গে নিয়ে রাঘবদা আমার দোকানে এসে হাজির। বললো, এই যে পেণ্ডুল, তোর কথা ভেবেই এই লোকটিকে নিয়ে এলাম।

আমার কথা ভেবে! আমি রাঘবদার কথা শুনে একেবারে থা। বললাম, হঠাৎ আমার কথা ভাবতে গেলে যে?

বারে ভাববো না! সেদিন তুই কত করে বললি রাঘবদা যদি একটা শক্তসমর্থ লোক পাও তো দেখো না। বাড়িতে মা একা একা থাকে। বাতের ব্যথায় হাঁটাচলা করতে পারে না। তাছাড়া বয়স তো হলো, এত খাঁটুনি আর পারবে কেন? একটা শক্তসমর্থ লোক পেলে, যে ঘরে বাইরে সামলাবে, তা হলে আমি খাওয়া-পরা এমনকি কিছু মাইনে দিয়েও রাখতাম।

বললাম, এসব কথা তোমাকে বলেছি নাকি! কই আমার তো মনে পড়ছে না!

কথা শুনে রাঘবদা এবার গভীর হলো। বললো, দ্যাখ পেণ্ডুল, তাহলে তুই বলতে চাস আমি মিথ্যে কথা বলছি? আমি মিথ্যেবাদী?

আমি বুঝতে পারলাম রাঘবদা এবার খেপেছে। এক্ষুণি একটা ভয়াবহ বিস্ফোরণ ঘটাবে। তাই যথাসম্ভব গলায় মাখন ঢেলে বললাম, আরে না না, আমি কি তাই বলছি। হাজার হলেও তুমি গুরুজন। রাজ সকালে সাতশ বার ইস্টনাম জপো। বজ্রাসন, শীর্ষাসন, অষ্টরত্নাসন কত কী আসন-ফাসন করো। তুমি কি কখনও মিথ্যে কথা বলতে পারো! আসলে কি জানো কাকে কখন কী বলি আমার ঠিক মনে থাকে না।

হঁ। রাঘবদা এবার আমার দিকে

করণার দৃষ্টিতে তাকিয়ে বললো, তুমি এক কাজ কর, এক শিশি মৃত সঞ্জীবনী গরল খা। দেখবি সাতদিনে তোর স্মৃতিশক্তি ফিরে আসবে।

বললাম, বারে গরল তো বিষ। ও খেলে তো মানুষ মরে যাবে! তুমি না একটা যাচ্ছেতাই—

রাঘবদা বললো, তোর ক্ষেত্রে ওটাই অমৃত। তোর পেটে গিটকিরি হয়েছে, এতে স্মৃতিশক্তি লোপ পায়।

গিটকিরি। আমি অবাক হয়ে বললাম, সেটা আবার কী জিনিস?

রাঘবদা বললো, ওটা একটা রোগের নাম। কুচো ক্রিমির বড় ভাই। এ রোগটা হলে মানুষের স্মৃতিশক্তি লোপ পেতে থাকে। তারপর আস্তে আস্তে মানুষ একদিন পাগল হয়ে যায়।

ইচ্ছা হলো বলি রোগটা আমার হয়নি। হয়েছে তোমার। তা না হলে এই সাত সকালে এমন একটা বিতিকিছিরি লোককে নিয়ে হাজির হও! এগুলো তোমার রোগেরই পূর্বলক্ষণ।

কিন্তু সে কথা আর বলতে পারলাম না। তার আগে রাঘবদা লোকটিকে কাছে ডেকে বললো, শোন হে বলভদ্র, এই তোমার মনিব। এর কাছেই তুমি থাকবে। এর কথা শুনে চলবে। কোনোরকম বেচালগিরি করবে না, বুঝলে? বলে রাঘবদা যেমন এসেছিল তেমনি আবার চলে গেল।

আমি এবার লোকটির দিকে ভালো করে তাকিয়ে দেখলাম। হাড়-জিরজিরে রোগা প্যাংলো শরীর। বয়স বোঝা দায়। চোখ দুটি যেন ঠিকরে বাইরে বেরিয়ে আসছে। ভীষণ হাঁপাচ্ছে। খালি গা। বললাম, কী নাম তোমার?

এঞ্জে বলভদ্র সর্দার।

বাড়ি কোথায়?

এঞ্জে পেট্রীপাড়ায়।

কী কী কাজ তুমি করতে পারো?

এঞ্জে জুতো সেলাই থেকে চণ্ডীপাঠ। মাঝে মাঝে হাতসাক্কাই।

আমি অবাক হয়ে বললাম, সেটা আবার কী জিনিস?

বলভদ্র এটুকু বলসেই হাঁপাতে লাগলো। হাঁপাতে হাঁপাতে বললো, বাবু সেসব বেতান্ত শুনতি হলি এক কাপ—চা আর দুটো সিদ্ধাড়া খাওয়াতি হবে।

বললাম, সে কি হে। গাছে উঠতে না

উঠতেই এক কাঁদি।

বলভদ্র হাসলো। বললো, এঞ্জে বাবু প্যাট। বলে নিজের পেটটা দেখিয়ে বললো, এই পোড়া প্যাটের জন্টাই তো বাবু কাম করতি আসা। এই প্যাট না থাকলি কি আর আপনার দুয়ারে কাম করতি আসা লাগে? তা বাবু অনেক বকালেন, এক গ্রাশ জল দ্যান তো।

আমি ঘরের কোণে কলসী আর গেলাশ দেখিয়ে বললাম, ঐ তো ওখানে আছে, ঢেলে খাও।

লোকটি আমার দিকে অবাক হয়ে তাকিয়ে বললো, সেকি বাবু! আমি অতিথি। অতিথি নারায়ণ। তারে কি কেউ চকুম করতি লাগে? অতিথিকে সেবা করাই তো গেরহের ধম্ম বাবু।

বললাম লোকটি সুবিধের নয়। মহা ঘোড়েল। মনে মনে স্থির করলাম লোকটিকে যতশীঘ্র সম্ভব বিদায় করতে হবে। এমন লোককে বাড়িতে পোষা মানে নিজের প্রাণ ওষ্ঠাগত হওয়া। অগত্যা বাধ্য হয়ে এক গ্রাশ জল এগিয়ে দিয়ে বললাম, নাও খাও—

লোকটি ঢকঢক করে এক গ্রাশ জল খেয়ে আমার হাতে গ্রাশটি ধরিয়ে দিয়ে বললো, বাবু গেলাশটা ধুয়ি রাখবেন। আমার তো সেই ছোটবেলা থেকে হাঁপানির রোগ। এ ছাড়া আর কী কী রোগ আছে তা বাবু জানি না—জানে আমার পাড়ার নন্দ কবরেজ। সেই তো আমারে দ্যাখে-ট্যাখে কিনা!

বললাম, বলো কি হে, তোমার আরও রোগ আছে!

তা তো থাকতিই পারে বাবু। বলভদ্র বললো, মানুষের শরীর থাকলিই রোগ হবে। আপনার যেমন প্যাটে খিটিমিটি রোগ রাঘববাবু কইলেন না? তেমনি আমারও কত রোগ আছে।

বললাম, তুমি এর আগে কোথাও কাজ করেছো?

এঞ্জে না বাবু, এই পেরথম।

বললাম, এই প্রথম। তাহলে এর আগে কী করত?

এঞ্জে বাবু ঐ যে বললাম হাতসাক্কাই। হাতসাক্কাই। মানে?

বলভদ্র এবার হাসলো। বললো, গল্প শুনতি হলি বাবু সে অনেক সাতকাহন।

খালি প্যাটে কী গল্পো কওন যায়। আপনার চা-সিদ্ধাড়া কিন্তুক এখলো আসে নাই।

সূতরাং বাধ্য হয়ে চা-সিদ্ধাড়ার অর্ডার দিতে হলো। মনে মনে রাঘবদার উপর বেজায় রাগ হলো। এমন একটা উটকো বেয়াদব লোককে ঘাড়ে চাপিয়ে দেবার জন্য রাঘবদাকে ঘনঘন অভিসম্পাত করতে লাগলাম। মনে হলো রাঘবদা ইচ্ছা করেই আমার ঘাড়ে চাপিয়ে গেল আমাকে জব্দ করার জন্যে। ঠিক আছে আমিও বারুইহদোর পেতুলচাঁদ। আমার পেটেও জিলিপির প্যাচ। তোমাকে কী করে জব্দ করতে হয় তা আমি ভালো করেই জানি। সুযোগ পেলেই তোমাকে বুপোকাত করতে আমার হাত-পা একটুও কাঁপবে না।

বলভদ্রকে বললাম, কই এবার খলো তুমি এর আগে কী কাজ করত?

বলভদ্র আমার দিকে তাবিয়ে বললো, তা হলি বাবু দুইডা বিড়ি দ্যান।

বিড়ি! তুমি কি বিড়িও খাও নাকি?

আমার কথা শুনে বলভদ্র অবাক হলো। যেন অষ্টম আশ্চর্যের কথা শুনছে এমনভাবে বললো, সেকি বাবু, পুরুষ মানুষ নেশাভাও করবি না এইডা আবার হয় নাকি! আমাদের সমাজে বাবু নেশাভাও না করলি তার হাতে জল চলে না।

বললাম, আমার কোনো নেশা-টেশা নেই। আমি বিড়ি-ফিরি খাই না।

বলভদ্র যেন আহতই হলো। বললো, তা হলি বাবু আসল কথাডা কই। আমার দিনে দুই ডাড়া বিড়ি লাগে। আপনে মাইনে যা দেবেন তার সঙ্গে দুই ডাড়া বিড়ির দাম ধইরো দেবেন বাবু। এইডা কিন্তুক ফিরি।

—ফ্রি! আমি আর সহ্য করতে পারলাম না। হাজার রকম বায়নাঙ্কা শুনতে শুনতে আমার কান ঝালাপালা হয়ে গেল। আমি এবার ধমকে উঠলাম। বললাম, তুমি কী আসল কথাটা বলবে? কী কাজ করতে আগে?

বলভদ্র চোখ দুটো ছোট ছোট করে আমার দিকে তাকালো। কিছুক্ষণ আমাকে জরিপ করার চেষ্টা করলো। তারপর হাঁফাতে হাঁফাতে বললো, বাবু, এইডা কী করেন! চাকরবাকরদের সঙ্গে খারাপ ব্যবহার করলি কি চলে! চাকরবাকরেরা ওতা মনিবের খাইয়াই মনিবের তেইশ ঠাণ্ডা করে। তারে ভিখিরি বানাইয়া ছাড়ে। কিন্তুক মনিবের মেজাজ ঠাণ্ডা রাখতি হয়। সব দেখেও না



তা ওখানে কী করছে তুমি?

দেশনের ভান করতি হয়। তাছাড়া বাবু, আমি এখনও চাকরবাকর হই নাই। আপনি তো এখনও আমার সঙ্গে চুক্তি করেন নাই।

আমি এবার যৎপরোনাস্তি বিস্মিত হলাম। বুঝতে পারছি লোকটি ক্রমশ মাথায় উঠবার চেষ্টা করছে। তাই যতটা সম্ভব গুরুগম্ভীর হয়ে বললাম, দেখ বলভদ্র তোমার ধানইপানাই অনেক শুনেছি। এবার আসল কথাটা বলবে কী বলবে না আমি সেটুকুই শুনেতে চাই—

বলভদ্র বোধহয় আমার মেজাজটা বুঝতে পেরে থাকবে। তাই তাড়াতাড়ি বললো, আপনে চটেন কেন বাবু! আমি তো আসল কথাটা কইতেই চাই।

তাহলে বলো এর আগে তুমি কী কাজ করত?

বলভদ্র বললো, এজ্ঞে বাবু চুরি করতাম।

চুরি! আমি আকাশ থেকে পড়লাম। বললাম, তুমি তাহলে চোর?

বলভদ্র বললো, তা যা বলেন বাবু, এক্কেবারে পাকা সিঁদেল চোর। আমার বংশটাই চোর-ডাকাতের বংশ। আমার বড় ভাই দশখানা গাঁয়ের মধ্যে নামকরা ডাকাত। আমার ছোট ভাইডা বাবু ছিঁচকে চোর। আর বাবু আমার একডাই বোন তারে বিয়া দিছি এক পকেটমারের সঙ্গে। তা রোজগারপাতি খারাপ করে না বাবু, দিনে দশ-বিশিষ্টা টাকা হয়।

একটানা অনেকক্ষণ কথা বলে বলভদ্র এবার হাপরের মতো হাঁপাতে লাগলো। ততক্ষণে পাশের দোকান থেকে চা-সিন্দাড়া এসে গিয়েছে। আমি সেগুলো বলভদ্রের দিকে এগিয়ে দিয়ে বললাম, নাও বলভদ্র খাও।

বলভদ্র আর একমুহূর্ত দেরি করলো না। সেগুলোকে গলাধঃকরণ করতে করতে

বললো, বাবুর আমার দরার শরীল। তা বাবু চাকরবাকরদের খুশি রাখলে মনিবের মঙ্গল হয়। কী বলেন বাবু?

আমি এবার কী বলবো ভেবে পেলাম না। মনে মনে প্রচণ্ড চটে গেলাম রাঘবদার উপর। রাঘবদা যে সব জেনে শুনে এমন একটা বদখং লোককে আমার ঘাড়ে চাপিয়ে গিয়েছে তাতে কোনো সন্দেহ নেই। একে লোকটা ধান্দাবাজ ঘোড়েল, তার উপর রোগগ্রস্ত এবং সর্বোপরি চোর। সুতরাং এই ভয়াবহ লোকটিকে নিয়ে আমি কী করবো ভেবে পেলাম না। একে কী বাড়িতে রাখা সমীচীন? এ যে গলায় ছুরি মেরে সব কিছু নিয়ে চম্পট দেবে না তার গ্যারান্টি কোথায়! দুর্জনকে ত্যাগ করাই বুদ্ধিমানের কাজ। তাই মনে মনে স্থির করলাম যত তাড়াতাড়ি সম্ভব লোকটিকে বিদায় করতে হবে।

খেতে খেতে বলভদ্র অনেকক্ষণ ধরে আমাকে লক্ষ্য করছিল। হয়তো আমার মনের আঁচ পাবার চেষ্টা করছে। তাই বললো, বাবু একটা কথা কইবো?

বললাম, বলো কী বলবে?

এজ্ঞে আপনে ভয় পাচ্ছেন না তো বাবু?

ভয়! কেন, ভয় পাবো কেন? আমি যথাসম্ভব সাহস সঞ্চয় করে বললাম, তোমাকে দেখে খামোকা ভয় পেতে যাবো কেন?

বলভদ্র বললো, না, মানে আমি সত্যি কথাটা কইলাম তো। আমার কথা শুনে অনেকেই ভয় পায় বাবু। তাই কইছিলাম।

এবার আর দ্বিরুক্তি না করে বলভদ্রকে সত্যি কথাটাই বললাম, তা একটু ভয় ভয় করছে বই কি! তোমাকে বিশ্বাস কী! তুমি আমার সব ফাঁক করে দিয়ে যে একদিন সটকে পড়বে না কে বলতে পারে!

বলভদ্র আমার কথা শুনে এবার দমকে দমকে হাসতে লাগলো। আর আমার মনে হলো বলভদ্র যেন হাসছে না গোঙাচ্ছে। অনেকক্ষণ পরে গোঙানি থামলে বললো, বাবু, আপনের একটা কথা কই শোনেন। সব মানুষের মধ্যিই আইন কানুন নিয়ম আছে। কাক যেমন কাকের মাংস খায় না তেমনি বাবু আমাদের সমাজেও নিয়ম আছে নিজের গায়ে নিজের বাড়িতে চুরি করতি নাই। তাতে বাবু চোর সমাজের অমঙ্গল হয়, আমাদের দেবতা রাগ করেন। তাছাড়া বাবু আমি তো চুরি করা ছাইড়া দিছি। আমি

তো এখন সাধুসত্ত্ব হইছি বাবু।

বলভদ্র চূপ করলো।

আর আমি মনে মনে ভাবলাম, সর্বনাশ! চোর এখন সাধু হয়েছে—এ তো আরও সাংঘাতিক কথা। কথায় বলে চোরে না শোনে ধর্মের কথা। অথচ বলভদ্র বলছে সে আর চুরি করে না। সে এখন ভালো হয়েছে। আমি হাসবো না কাঁদবো ভেবে পেলাম না। কথায় বলে চোরের মুখে রাম নাম। বলভদ্র আমাকে সেই কথাটাই বিশ্বাস করাতে চায়—বলভদ্র এখন সাধু হয়েছে।

অনেক রাতে খুঁটখাট শব্দে আমার ঘুম ভেঙে গেল। তাড়াতাড়ি খাটের উপর সোজা হয়ে বসলাম। বুঝতে পারছি ঘরে আমার লোক ঢুকছে। এ নিশ্চয়ই বলভদ্র কিংবা বলভদ্রর কোনো অনুচর। তাই চূপ করে সমস্ত ব্যাপারটার উপর নজর রাখতে লাগলাম। রাত্রে বাধ্য হয়ে বাড়িতে আনতে হয়েছিল বলভদ্রকে। খাওয়া-দাওয়ার পরে বাইরে বারান্দার এক কোণে বিছানা পেতে দিয়ে বলভদ্রকে বলেছিলাম, বলভদ্র তুমি এখানেই শোও। রাতে কোনোরকম অসুবিধা হলে আমাকে ডেকো।

সেই বলভদ্র এখন সোজা ঘরে ঢুকে আমারই জিনিসপত্র চুরি করতে শুরু করেছে। চোরদের স্বভাবই এই যে পাতে খাবে সেই পাত ফুটো করবে।

ইচ্ছা হলো চিৎকার করে পাড়ার লোকজনকে ডেকে তুলি। বলভদ্রকে ধরে পুলিশে হাশুওভার করি। কিন্তু তা আর সাহস হলো না। কেননা আজকাল চোরেরা খালি হাতে চুরি করতে আসে না। ওদের হাতে অস্ত্রপাতি থাকে। যদি আমাকে গুলি-ফুলি করে অথবা গলার টুটি কটে দেয়। মা পাশের ঘরে থেকেও জানতে পারবে না; কেননা মাঝে বলভদ্রর কথা কিছু বলা হয়নি। মা এমনিতেই ভীতু মানুষ, তায় হার্টের রুগী।

সুতরাং সব দিক চিন্তা-ভাবনা করে মোলায়েম কণ্ঠে বললাম, ঘরে কে, বলভদ্র নাকি?

কিছুক্ষণ চূপচাপ।

আমি আবারও বললাম, কী বলভদ্র, কথা বলছো না কেন? আমি তো তোমাকে দেখতে পাচ্ছি।

অন্ধকার থেকে এবার বিকবিক করে

হাসির আওয়াজ ভেসে এলো। বললো, এইডা আপনে ঠিক বলেন নাই বাবু। আপনি আমারে দেখবেন কেমন করে! আমি তো তক্তপোশের তলায় আঁধারে সৈদিয়ে আছি।

তা ওখানে কী করছো তুমি?

এজ্ঞে বাবু, হাত-পায়ের একটু মকসো করতেছি।

তার মানে? তুমি আমার ঘরে ঢুকলে কেমন করে?

আবারও খিক খিক হাসি। অন্ধকার থেকেই জবাব ভেসে এলো, এইডা আমার গুরুর কাছ থিঁকিয়া শিখছি বাবু। আপনে দরজায় তাল লাগান, খিল দেন না বাবু, আমি একটা তুড়ি দিব, সব দরজা খুলিয়া যাবে। তা বাবু আপনে ঘুমান নাই?

বললাম, কী করে ঘুমবো! সারারাত ধরে যদি খুঁটখাট শব্দ করো তবে কেউ ঘুমতে পারে?

এইডা যে আমার স্বভাব বাবু। বলভদ্র একটা গভীর নিঃশ্বাস ফেলে বললো, আপনারা সারাদিন খাটাখাটনি কইর্যা যখন ঘুমান বাবু তখন আমরা গেরস্থের সবেনাশ করি। আমার যে ঘুম আসে না বাবু। সারারাত কী কেউ জ্যাইগ্যা থাকতি পারে? চুরি করা ছাইড়া দিয়া সাধুসত্ত্ব হইছি ঠিকই, কিন্তুক অভ্যাস তো যায় নাই। তাই একটু হাত-পায়ের মকসো করতিছি বাবু। তা তুমি অন্ধকারে কী করছো? বাইরে বেরিয়ে এসো, মুখটা একটু দেখি। বলে টর্চটাকে আমি বিছানার উপর হাতড়াতে লাগলাম।

বলভদ্র তা দেখে বললো, আপনে কী খুঁজতিছেন বাবু?

বললাম, টর্চ।

টর্চ তো আমার কাছে বাবু। এই দেখেন—

বলে বলভদ্র খাটের তলা থেকেই টর্চ জ্বাললো। আর সেই আলোয় উদ্ভাসিত হলো ঘর। আমি দেখলাম সামনের দরজা খোলা। কিন্তু বলভদ্রকে দেখা যাচ্ছে না। বলভদ্র খাটের তলায় লুকিয়ে আছে। আমি ডাকলাম, কই বলভদ্র, বাইরে বেরিয়ে এসো।

বলভদ্র খাটের তলা থেকেই বললো, এজ্ঞে বাবু ওইডা পারবো না। রাত্রে আমাদের মুখ দেখাতে নাই। গুরুর বারণ। তাছাড়া রাত্রে আমার মুখ দেখলি আপনে

নানা স্বাদের বই

প্রাণ্ডেপার কাহিনী

শান্তিপ্ৰিয় বন্দ্যোপাধ্যায়ের

মুখোশ ১৬.০০

মুখোশের আড়ালে ও কে? মন্ত্রী থেকে আরম্ভ করে গোটা দেশ ছটফট করছে জানার জন্য কিন্তু...

তীরন্দাজ ১৮.০০

রাধারমণ রায়ের

রণডাকাতে ২৬.০০

দুর্ধ্ব রণডাকাতে লোমহর্ষক কাহিনী

দিলীপকুমার বন্দ্যোপাধ্যায়ের

দুর্গপাহাড়ে বন্দী ২০.০০

ডাঃ বিশ্বনাথ চক্রবর্তীর

ফাঁসি ২৫.০০

ফাঁসির মঞ্চ থেকে ফিরে আসার দুর্দান্ত কাহিনী, সঙ্গে ফাঁসুড়ের সচিত্র সাক্ষাৎকার।

অপারেশন এক্স ৩০.০০

চিন্তরঞ্জন মাইতির

রুকু ৩৫.০০

এক নিতীক কিশোরের অ্যাডভেঞ্চার কাহিনী সুভাষ ধরের

বুদ্ধমূর্তির সন্ধান ৩০.০০

অরবিন্দ মুখোপাধ্যায়ের

সোনার মেডেল ২০.০০

উপন্যাস

শান্তিপ্ৰিয় বন্দ্যোপাধ্যায়ের

দেবী ৩৬.০০

মন্দিরে বিগ্রহ নেই, আছে একটি পদচিহ্ন।

আনন্দ বাগচীর

অদৃশ্য মৃত্যুর ছক ৪০.০০

ডাঃ বিশ্বনাথ চক্রবর্তীর

ডাক্তারের ডায়েরি ৩৫.০০

ডাক্তারদের ডায়েরি ভরা থাকে বিচিত্র সব ঘটনা ও অভিজ্ঞতার ফসলে। ঘটনাগুলি সব-ই সত্য।

শিপ্রা দত্তর

গেস্ট হাউসের ডায়েরি ৪০.০০

গেস্ট হাউসের মধ্যে কী হয়—সেক্স, ভায়োলেন্স, সাসপেন্সের টানটান কাহিনী।

দেব সাহিত্য কুটীর প্রাঃ লিমিটেড

২১, কামাপুকুর লেন, কলকাতা-৭০০ ০০১

ভয় পাবেন বাবু। আমরা অন্য মেজাজে থাকি তো। প্রয়োজনে আপনেনের খুন কইর্যা ফেলাইতি পারি।

সর্বনাশ! বলভদ্র বলে কী! আমার হাত-পা এবার ভয়ে সিঁটিয়ে এলো। ভেতরে ভেতরে ঠকঠকানি কাঁপুনি শুরু হলো। কিন্তু বাইরে যথাসম্ভব সাহস বজায় রেখে বললাম, তা তোমার কাছে অস্ত্রপাতি আছে নাকি?

তা তো আছেই বাবু। পেস্তল, নেপালি কুকরি, আরও অনেক কিছু আছে বাবু।

বুঝতে পারলাম বলভদ্র মারাত্মক অস্ত্রপাতি নিয়ে খাটের তলায় লুকিয়ে আছে। ওর উদ্দেশ্য বোঝা মুশকিল। ও যে বীষ করতে চায় কিছুই খুলে বলছে না। ভয়ে আমার কঠরোধ হয়ে আসছে। ইচ্ছা হলো চিংকার করে পাড়ায় লোকজনকে ডাকি। কিন্তু সাহসে ফুলালো না। তাই মনে মনে ঠিক করলাম বাকি রাতটুকু বলভদ্রর সঙ্গে গল্প করে কাটিয়ে দেবো। তারপর দিনের আলোয় যা হোক একটা কিছু করা যাবে। তাই বললাম, তুমি যে এরকম চুরি করে বেড়াও তা ধরা পড়ে না?

এজ্ঞে হ্যাঁ বাবু। কয়েকবার ধরা পইড়েছি। পেরথমবার বাবু ধরা পইড়া বেদম মার খাইছি আমার বড় ভাইয়ের থিক্কা।

বললাম, সেকি, বড় ভাই তোমাকে মারলো!

এজ্ঞে হ্যাঁ বাবু। চোর-ডাকাতের শরীলে দয়ামায়া থাকে না। আপনেনের কইছি না বংশড়াই আমার চোর-ডাকাতের বংশ। বড় ভাই বিয়া কইর্যা তখন আমারে আলাদা কইর্যা দিছে। আমি সেই রাগে বড় ভাইয়ের ঘরে সিঁদ দিছি বাবু। তা উনার চোথকে ফাঁকি দেবো কেমনে। দশ-বিশটা গায়ের মধ্যে নামকরা ডাকাত, তার চোথকে কী ফাঁকি দেওন যায়! সিঁদ দিয়া যেই না ঘরে পা রাখছি অমনি দাদা আমারে ক্যাক কইর্যা টুটি টিপে ধরছে। কইলো, বদমাশ তোরে আজ আমি খুন কইর্যা ফেলুম। বলে বাবু দাদা আমারে ঠ্যাং ধইর্যা ছুড়ে মান গাছের ডগ্গলের মধ্যে ফেলাইলো। তারপর গোটা কয় ঘা দিয়া আমারে কইলো, ভাই হইয়া ভাইয়ের রক্ত নিতে নাই। যা এবার গোগরে চাইড়া দিলাম। আবার যদি এই কামড়া করবি তবে তোরে আর ভাই বইলা

খাতির করবো না। টুটি কাইট্যা জলে ভাসাইয়া দিমু। বোঝলেন বাবু সেই থিকা আর ও গাঁয়ে যাই নাই। দাদাই আমারে শিখাইছিলো, নিজের গাঁয়ে চুরি করতি নাই। যে পাত্রে খাবা সেই পাত্রে কেউ ফুটা করে!

বলে বলভদ্র হাঁফাতে লাগলো। তবু আমাকে মুখ দেখালো না। অনেকক্ষণ পরে ধীরে ধীরে বললো, বাবু আপনি ঘুমান। আপনি নিশ্চিন্ত হইয়া ঘুমান। আপনার ঘরে চুরি করনের মতো কিছু নাই। আপনার সঙ্গে আমার তো তফাৎ কিছু নাই বাবু। আমিও ভিখিরি, আপনেনেও ভিখিরি। তবে আপনেনের একডা কথা কই বাবু—

বললাম, বলো।

বলভদ্র বললো, আপনার বাড়িতে আমি কাম করতি পারবো না বাবু। যে বাড়িতে চুরি করনের মতো কিছুই নাই সে বাড়িতে আমি কাম করি না বাবু। আজ রাতেই কিন্তুক আমি চলে যাবো।

বললাম, কোথায় যাবে?

এজ্ঞে বড়লোকের বাড়িতে।

এবার হঠাৎ আমার মাথায় দুইবুদ্ধি খেলে গেল। প্রতিশোধ নেবার এমন সুবর্ণ সুযোগ আর হতে পারে না। এই বদখত লোকটাকে রাখবো আমার ঘাড়ে চাপিয়ে দিয়ে মজা দেখছে। দাঁড়াও এবার আমিও মজা দেখবো কী করে তুমি দিব্যি নাক ডাকিয়ে ঘুমতে পারো! তোমার হই প্রেসার কী করে বাড়তে হয় তা আমার ভালো করেই জানা আছে।

তাই বলভদ্রকে বললাম, তোমাকে আমি একটা বড়লোকের বাড়িতে নিয়ে যাবো বলভদ্র। সেখানে তুমি মহা আরামে থাকতে পারবে আবার প্রতি রাতে চুরিও করতে পারবে।

বলভদ্র খুশিই হলো। বললো, কখন যাবেন বাবু?

বললাম, ভোর হবার আগেই নিয়ে যাবো।

যা বলা তাই কাজ। আমরা দু'জনে রাস্তায় বেরুলাম ভোর হবার আগেই। হাঁটতে হাঁটতে রাখবদার বাড়িতে এসে পৌছলাম যখন তখনও অন্ধকার আছে অল্প অল্প। আমি বলভদ্রকে রাখবদার ঘরের সামনে এনে বললাম, এই ঘরেই তোমার বাবু শুয়ে আছে বলভদ্র, তুমি ওর কাছেই থাকবে। বড্ড ভালোমানুষ, দয়ার শরীর।

এর কাছে থাকলেই তোমার একটা হিসে হয়ে যাবে।

বলামাত্র বলভদ্র এবার হাতের কায়দায় দরজাটা হাট করে খুলে ফেললো। তারপর সটান ভেতরে ঢুকে গেল।

আমি দাঁড়িয়ে দাঁড়িয়ে দেখলাম রাখবদা তড়াক করে বিছানায় সোজা হয়ে বসলো। তারপর চিংকার করে উঠলো, কে? কে? বলভদ্র বললো, এজ্ঞে আমি বাবু, আমি বলভদ্র।

বলভদ্র! তুমি হঠাৎ?

বলভদ্র বললো, আমি আর ও বাড়িতে কাম করতি পারবো না বাবু। ছোটবাবু লোক ভালো না। আমারে সারাদিন মারধর করে। আমি আপনার কাছেই থাকবো বাবু। আপনি আমারে বাঁচান।

বলে বলভদ্র আর দ্বিধা না করে সটান রাখবদার দুই পা চেপে ধরলো। রাখবদা প্রথমটা খতমত খেয়ে সরে যাবার চেষ্টা করলো। কিন্তু পারলো না। তার আগেই বলভদ্রর দুই বাছর ফাঁদে তার চরণযুগল ধরা পড়েছে।

রাখবদা যত বলে, আরে, ছাড় ছাড়—

বলভদ্র ততই তার পা আষ্টেপৃষ্ঠে আঁকড়ে ধরে। হাউমাউ করে বলে, না বাবু, আগে কথা দ্যান আমারে রাখবেন? আমি আর ও বাড়িতে কাম করতি পারবো না।

ভেতরে তখন একটা রীতিমতো নাটক। ধস্তাধস্তি শুরু হয়েছে। আমি দাঁড়িয়ে দাঁড়িয়ে দেখলাম রাখবদা যত পা ছাড়ানোর আশ্রাণ

চেষ্টা করছে, বলভদ্র ততই তার চরণযুগল আঁকড়ে ধরছে। যেন বলভদ্র রাখবদার পায়ের সঙ্গে আঠার মতো লেপ্টে রয়েছে। এমন বিতিকিচ্ছিরি অবস্থায় রাখবদাকে বোধহয় আর জীবনে কখনো পড়তে হয়নি। এ যেন সাপের ছুঁচো গেলো। রাখবদা না পারছে বলভদ্রকে গিলতে না পারছে উগড়াতে!



ছবি : জুরান নাথ

মনের জানলা

জগদিন্দ্র মণ্ডল

[অধ্যাপক, ফলিত মনোবিজ্ঞান বিভাগ, কলকাতা বিশ্ববিদ্যালয়
প্রাক্তন ডিন (বিজ্ঞান) কলকাতা বিশ্ববিদ্যালয়]



প্রশ্ন : আমার কাছে শুকতারা গল্পের চেয়েও প্রিয় হয়ে উঠেছে। মনের জানলা সকলের সমস্যা সমাধান করে। আশা করি আমার সমস্যা সমাধান করবে। আমার সমস্যা হলো আমি ছোট থেকেই লেখাপড়া করতে একটুও ভালবাসি না, কিন্তু ছোটবেলায় আমি পড়াশুনায় বেশ ভালই ছিলাম। পড়াশুনা করে জীবনে বড় হতে আমার কিন্তু ইচ্ছা করে। আমি এবার নবম শ্রেণীর পরীক্ষায় পাশ করতে পারিনি। তাই মনটা ভীষণ খারাপ হয়ে গেছে। আমার স্কুলে যেতে লজ্জা করে। আমি জীবনে উন্নতি করতে চাই-ই চাই, কিন্তু মনের মধ্যে আমি কোনো জোর পাই না। আমি বাবা-মার একমাত্র কন্যা। আমার বাবা রেল চাকরি করেন। আমি কি করলে লেখাপড়ায় মন বসাতে পারবো, আপনি তা বলে দিন। আমার লেখাপড়ায় একটুও মন বসে না।

আমি একজন শিক্ষকের কাছে বেহালা শিখতে যাই, অন্যরাও সেই শিক্ষকের কাছে বেহালা শিখতে যায়। তারা বেশ উন্নতি করেছে বেহালা বাজানোয়, আমি ততটা পারছি না। ফলে শিক্ষক মহাশয় ওদেরই বেশি attention দিচ্ছেন। এতেও আমার খুব খারাপ লাগছে। আমি বেহালা বাজানোতেও উন্নতি করতে চাই।—সুতাগর, শান্তিপুর, নদীয়া—৭৪১ ৪০৪

উত্তর : নবম শ্রেণীর পরীক্ষায় তুমি অকৃতকার্য হয়েছ। এতে স্বাভাবিকভাবেই তুমি ভেঙে পড়েছ। তোমার স্কুলে যেতে লজ্জা হচ্ছে। কিন্তু এতটা খারাপ ফল হলো কেন? পড়াশুনায় তোমার একেবারেই মন নেই, লিখেছ। মন তাহলে কোথায়? মন তো কোথাও না কোথাও থাকে—হয় পড়ায়, নয় লেখায়, নয় আড্ডায়, নয় টি.ভির পর্দায়, নয় তো অন্য কোনো দিকে। পড়ায় যখন মন বসছে না, তখন ভেবে দেখ, অন্য কোথাও তোমার মূল্যবান মনটা দিয়ে বসে আছ কিনা। ওই দিকে এতটা মনোযোগ দিচ্ছ কেন? তোমার বয়সটাই এরকম যে তোমার দৃষ্টিকে আবেগে আচ্ছন্ন করে দেবে—যা কঠিন সত্য ও বাস্তব তা থেকে তোমাকে সরিয়ে রাখবে। তুমি তোমার 'মনের মাধুরী' দিয়ে এখন সাধারণ কাউকে অসাধারণ করে ভাবছ! মনে রাখবে এটা বয়ঃসন্ধিকালের একটা মানসিক সমস্যা। ছেলেরা মেয়েদের, মেয়েরা ছেলের বন্ধু হতে চাওয়া, সান্নিধ্য পাওয়ার ইচ্ছা—এই বয়সের এটি মানসিক চাহিদা। তাৎক্ষণিক এই চাহিদা পূরণ ইচ্ছাকে যদি কঠিন সত্য ও বাস্তবের প্রেক্ষিতে নিয়ন্ত্রণ করতে না পার, তাহলে পড়ায় মন আসবে না—বেহালা বাজানোতেও মন আসবে না। সমস্ত মনপ্রাণ ঢেলে পড়াশুনা কর, বেহালা বাজাও, নিয়ত নিয়মে চর্চা কর—উন্নতি তোমার অবধারিত।

নিজেকে উন্নত করলে, মনকে নিয়ন্ত্রণে রেখে মনের অমোঘ শক্তি দিয়ে তুমি যদি পড়াশুনায় উন্নতমানের হও, জ্ঞান অর্জন কর, বেহালাবাদনেও উন্নতমানের হও, সুরজ্ঞান অর্জন কর, জ্ঞান ও সুর সুসমায় তুমি যে সৌন্দর্যের অধিকারিণী হবে, তাতে সকলেই তোমার প্রতি আকৃষ্ট হবে। তোমাকে ভালবাসবে, সম্মান করবে। তুমি বয়সধর্মে কিছুটা মোহাচ্ছন্ন হয়ে, নিজের আত্মশক্তি ও আত্মবিশ্বাসকে মূল্য না দিয়ে পরের পিছনে ছুটেছ। উন্নতি করার যখন প্রবল ইচ্ছা রয়েছে তোমার মধ্যে তখন উন্নতি করার যে পথ সে পথেই তোমাকে হাঁটতে হবে। সেটা হলো আত্মবিশ্বাস, আত্মনিয়ন্ত্রণ ও কঠোর সুশৃঙ্খল পরিশ্রম—এর কোনো বিকল্প নেই। তুমি যে গুণগুলি অন্যের মধ্যে ভালবাসো, সে গুণগুলি তুমি নিজেই নিজের মধ্যে অর্জন করতে পার। হতাশায় হাল ছেড়ে দিও না।

প্রকাশিত হবার সঙ্গে সঙ্গেই
ছাত্রছাত্রীরা লুফে নিয়েছে

বাংলায় লাখ কথার এক কথা হল বাগ্‌বিধি বা প্রবাদ-প্রবচন। বাচ্য অর্থকে ছাড়িয়ে লক্ষ্য বা ব্যক্তনাকে তা অতিক্রম করে অর্থে আনে আশ্চর্য চরুতা। তাই বিশিষ্টার্থক বাগ্‌গুচ্ছ, বাগ্‌ধারা বা প্রবাদ-প্রবচন ভাষার আত্মা। পরীক্ষার্থীর পাঠসূচিতেও এই বাগ্‌ধারা অঙ্গুর্ভূত...

কৌতূহলী ছাত্রছাত্রী বা সাধারণ পাঠকও এই বইটি ব্যবহারে উপকৃত হবে।

আমার দৃঢ় বিশ্বাস, ছাত্রছাত্রীরা তো উপকৃত হবেই, বইটি সাধারণ পাঠকের কাছেও সমাদৃত হবে।

জ্যোতিষ্মণ চাকী

বাগ্‌ধারা সংগ্রহ ২০

শৈলেন চক্রবর্তী



নিউ বেঙ্গল প্রেস (প্রা) লিমিটেড



বন্ধু



খাদুশক্তি

জুরান নাথ





ফিরে দেখা

একটা আজগুবী গল্প

অসমঞ্জ মুখোপাধ্যায়

[শুকতারার বয়স ৫৫ বছর। রবীন্দ্রনাথ ঠাকুর থেকে আরম্ভ করে বাংলার যশস্বী সাহিত্যিকদের প্রায় সকলেই শুকতারায় লিখেছেন। 'ফিরে দেখা' বিভাগে আমরা শুকতারার পাতা থেকে এক এক করে তুলে আনবো বাংলার শিশুসাহিত্যের কিছু মণি-মাণিকা। শুকতারার শারদীয়া সংখ্যা থেকে শুরু হয়েছে এই পর্ব। এই সংখ্যায় ছাপা হচ্ছে অসমঞ্জ মুখোপাধ্যায়ের লেখা 'একটা আজগুবী গল্প'। গল্পটি প্রকাশিত হয়েছিল শুকতারার পঞ্চদশ বর্ষ ৪র্থ সংখ্যায় অর্থাৎ জ্যৈষ্ঠ ১৩৬৯ বঙ্গাব্দে।]

বোশেখ মাস ; কনকনে শীত। এবার যেন শীতটা বড্ড বেশী পড়েছে। শীতের চোটে লোকে গায়ে জামাকাপড় রাখতে পারচে না। শীত পড়তেই অধিকাংশ গাছের পাতা বিলকুল ঝরে গিয়ে একেবারে নেড়া সেজে দাঁড়িয়ে আছে। বসন্তে গ্রীষ্মে যে-সব পাখীর দল দেশ ছেড়ে দেশান্তরে পালিয়ে গিয়েছিল, তারা আবার ফিরে এসে ঐ-সব নেড়া গাছের উলঙ্গ ডালে বোসে, ঠাণ্ডা-লাগা ধরা-গলায় বিকৃত স্বরে ডাকতে শুরু কোরে দিয়েছে। বড়লোকেরা মুহুমুহুঃ বরফ-জল খাচ্ছে, মধ্যবিত্তেরা মাটির কলসীর জলেই বার বার তেষ্টা মেটাতে বাধ্য হচ্ছে, আর গরীবরা পুকুরধারে বোসে অনবরতই পেট পুরে পুকুর-জল খাচ্ছে। পথের কুকুরগুলো পথ-পাশের কোন বাড়ির ছায়ায় কুণ্ডলী পাকিয়ে, মরার মত নেতিয়ে পড়ে আছে—আর সমস্ত জিবিটা বার কোরে একনাগাড়ে ধুকচে।

এই দুর্দান্ত বোশেখী শীতের এক মধ্যাহ্নে একটি বাহাস্তর বছরের বালক স্কুল পালিয়ে, বাগবাজার গঙ্গার ঘাটের এক পৈঠার ওপর বোসে, শালপাতার ঠোঙ্গায় কোরে মুড়ি আর ছোলাসেদ্ধ খাচ্ছিলো। তার জামার পকেট দুটোয় একখানা 'আঙ্ক-আঙ্ক' লেখার খাতা আর একখানা 'বর্ণপরিচয় দ্বিতীয় ভাগ' বই। গঙ্গায় তখন প্রবল ভাঁটা, কুলকুল কোরে তখন জলশ্রোত দক্ষিণ থেকে উত্তরে প্রবাহিত হচ্ছিলো। খোকাটি খেতে খেতে প্রবল শ্রোতের এই ঘোড়দৌড় একান্ত মনে দেখছিল। এমন সময় পেছন থেকে দুটি আট-নয় বছর বয়সের শ্রৌট এসে, একজন তার হাত খুব জোরে ধরে ফেললে, আর একজন তার পিঠে গুমগুম কোরে চার-পাঁচটা কিল বসিয়ে দিলে। একজন লোক ঘাটে নামছিল, জিজ্ঞাসা করলো—“খোকাটিকে আপনারা মারচেন

কেন?”

যে শ্রৌট লোকটি খোকার হাত জোরে ধরে রয়েছিল, সে বললো—“মারবে না। স্কুল পালিয়ে এখানে বোসে-বোসে মুড়ি-ছোলাসেদ্ধ খাচ্ছে!”

“আপনাদের উনি কে হয়?”

“দাদু হয়। কি রকম দুষ্ট ছেলে, মশাই, কি আর বোলবো! একদিনও স্কুলে যায় না, রোজ স্কুল পালিয়ে এখানে-ওখানে ঘুরে বেড়ায়। এখনো দ্বিতীয়ভাগখানা শেষ করতে পারলে না। তিনখানা পাঠীগণিত ছিড়ে শুধু গুণটা কোনরকমে শিখেছে, কিন্তু যোগ-বিয়োগটা এখনো শিখতে পারলে না।”

অপর লোকটি বললো—“আর রোজ আমাদের পকেট থেকে পয়সা চুরি করে!”

এদিকে পিঠে কিল খেয়ে, খোকাটি কাঁদতে শুরু করেছে, আর একটা হাত দিয়ে চোখের জল মুছেছে ; অন্য হাতটায় মুড়ি-ছোলাসেদ্ধর ঠোঙ্গাটা ছিল।

“চল আগে বাড়ি, তোমার আজ কি হয়, দেখবে!”—একটি নাতি তার দিকে কটমট কোরে চেয়ে এই কথা বলতেই, খোকাটি তড়াক কোরে দাঁড়িয়ে উঠে—দে দৌড়! একেবারে ঘাটের শেষ পৈঠেতে, জলের ধারে এসে, হাতের ঠোঙ্গাটা শ্রোতে ভাসিয়ে দিয়ে, তড়াক কোরে তার ওপর চেপে বসলো। হালকা শালপাতার ঠোঙ্গা, ভাঁটার টানে সৌ-সৌ কোরে তীরের মত ছুটলো। তীরে দাঁড়িয়ে নাতি দু'জন খানিকক্ষণ পরষু ভ্যাবাচ্যাকা খেয়ে থাকবার পর বাড়ি ফিরে গেল।

এদিকে দাদু ভয়ে পালিয়ে এসে ঠোঙ্গার মধ্যে নির্ভয়ে বসে রইলো। তার চোখের জল তখন শুকিয়ে গিয়েছিল, কিন্তু শুকনো, টোল-খাওয়া গালদুটোর ওপর দাগটা শুকিয়ে গিয়ে ফুটে উঠেছিল।

ভাঁটার প্রবল শ্রোতে দাদুর ঠোঙ্গা

তীরবেগে ভেসে চললো। ডান পারে বরানগর, আলমবাজার, দক্ষিণেশ্বর, কামারহাটি, পানিহাটি ; বাঁ পারে বেলুড়, বালী, উত্তরপাড়া, কোমগর, রিষড়া। ঘাটে-ঘাটে, মাঠে-মাঠে, আ-ঘাটায় আ-ঘাটায় কতো লোক হাঁ কোরে চেয়ে রইলো। ঠোঙ্গা পাঞ্জাব মেলের মতো ছুটে চলেচে—চলেচে—চলেচে। তীরের ছাগলগুলো ভয়ে ভ্যা-ভ্যা করতে করতে খোঁটা উপড়ে ছুটে পালালো গরুগুলো হাঙ্গা-হাঙ্গা রবে ডাকতে লাগলো। ঠোঙ্গা ছুটেচে—সৌ-সৌ সঁই-সঁই। মেল-ঠোঙ্গা! কোথায় গিয়ে যে থামবে তার ঠিক নেই।

অবশেষে থামলো, একেবারে ও-পারে শ্রীরামপুরের ঘাটে। থামতেই দাদু একলাফে ঘাটের ওপর নেমে পড়লো। তারপর সিঁড়ি বেয়ে ওপরে উঠে হাঁটতে শুরু করলো। বেলা তখন একটা কি দেড়টা। রোদের প্রচণ্ড উত্তাপ। রাস্তায় বড়-একটা কেউ চলাফেরা করচে না। বোশেখের এই দুর্দান্ত শীতের মধ্যেও দাদুর গা দিয়ে দরদর কোরে ঘাম ঝরতে লাগলো। দাদু ক্রান্ত হোয়ে পড়লো। রাস্তার ধারের একটা জরাজীর্ণ একতলা বাড়ির ছায়া পড়েছিল। দাদু সেইখানে এসে একটু দাঁড়ালো। মিনিট দু'জিন পরেই বাড়ির ভেতর থেকে পাঁচ সাত বছর বয়সের তিনজন ষশু মত লোক বেরিয়ে এসে ওকে ধরে ফেললো। একটু ধরা-গলায়, অখচ বেশ-একটু 'তেরি-মেরি'ভাবে ওদের একজন ঘুমি পাকিয়ে গর্জে উঠলো—“আমাদের বাড়ির ছায়ায় এসে পঁড়িয়েচিস্ কেন? দিন-দুপুরে ছায়া চুরি?” আর দুজন কটমটিয়ে ওর দিকে চেয়ে রইলো। একজন চোখ রাঙিয়ে বললো—“কোথায় তোমার বাড়ি হে?” তার হাতে একগাছা বাড়ি ছিল ; সেটা আশ্ফালন করতে করতে আবার বললো—“এই বয়সেই এই, এর পর না-জানি.....”

“লোকের জান্ নেবে! চুরির ঠাকুর্দা!”
 অপর লোকটি ফোড়ন দিয়ে উঠলো।
 দাদুকে তখন তিনজনে মিলে থানায়
 নিয়ে গেল। থানার দারোগা রোগা হালেও
 তেজী; জিজ্ঞাসা করলেন—“কি হয়েছে?”
 “চুরি।”
 “চুরি?”
 “আজ্ঞে হ্যাঁ, দুর্দান্ত চোর মশাই; আমাদের
 বাড়ির ছায়া চুরি করেছে।”
 দারোগা শুনেই চমকে উঠলেন; জিজ্ঞাসা
 করলেন—“দিনদুপুরে ছায়া চুরি?”
 “আজ্ঞে, রাত্রির অন্ধকারে ছায়া চুরি
 করবে কি কোরে! তখন ছায়া তো বাড়ির
 মধ্যে বন্ধ থাকে।”
 “দিনে চুরি! তা হলে তো ভয়ানক
 চোর!”
 “বোপ্পাদ-কি-চোর, মশাই।”
 সেই রাতেই স্পেশ্যাল পলী-পঞ্চায়ত
 কোর্টে দাদুর বিচার হোল। দাদুর মুখের দিকে
 চেয়ে পঞ্চায়ত-মোড়ল জিজ্ঞাসা করলেন—
 “ছায় চুরি করেছে?”
 দাদু বললেন—“না হুজুর, ছায়া দান
 করেচি।”

“দান করেচ? মানে?”
 “মানে, ওঁদের বাড়িটার ছায়া খুব বড়,
 আর আমার নিজের ছায়াটা খুবই ছোট,
 একরসি। ওটুকু ছায়ার এ পৃথিবীতে কোনই
 উপকারিতা বা আদর নেই। তাই আমি ওঁদের
 বড় ছায়ার মধ্যে প্রবেশ কোরে, আমার ছোট
 ছায়াটা দান করছিলাম।”

বিচার দেখতে লোক ভেঙে পড়েছিল।
 দাদুর ঐ কথা শুনে সকলেই তখন চমকে
 গেল। খানিক আগে সকলেই যাকে মনে-মনে
 নিন্দে ও তিরস্কার করছিল, পরিষ্কারভাবে
 এখন তারা বুঝতে পারলো যে, এ তো চুরি
 নয়, এ দান—মহাদান, আশ্বাদান! চারিদিকে
 ধনা-ধন্য পড়ে গেল। এই বাহাঙ্গুরে বালকটি
 নিশ্চয়ই কোন শাপভ্রষ্ট দেবতা বা মূনি-ঋষি
 হবেন। মুঞ্চ হাকিম হুকুম করলেন—“ওঁকে
 বসতে চেয়ার দাও।” তারপর তিন মিনিটের
 মধ্যে চড়াচড়া রায় লিখে ফেললেন—
 “আসামী একজন মহাজন, কিন্তু মহাজনের
 মত গ্রহণ ও সংগ্রহ করেন না, করেন দান—
 নিঃস্বার্থ দান। সুতরাং ফরিয়াদীদের বিপক্ষে
 এই মোকদ্দমা ডিসমিস করা হইল এবং
 আসামীকে মিথ্যা বদনাম ও ক্রেশ দিবার
 অপরাধে তাহাদের প্রত্যেকের পাঁচ টাকা
 করিয়া পনের টাকা এবং এক টাকা ফাইন—
 একুনে মোট মোল টাকা জরিমানা ধার্য হইল।
 এই টাকা আসামীর প্রাপ্য হইবে।” মুখে হুকুম



থানার দারোগা রোগা হলেও তেজী

করলেন—“জরিমানার বেবাক টাকা এখন
 আমার সামনে আসামী বালকটিকে নগদ
 দিয়া দিতে হইবে।”

তাই হোল।

টাকাটা পেয়ে দাদুর মনে স্ফুর্তি আর
 ধরে না। হাসতে-হাসতে ওখান থেকে বেরিয়ে,
 নাচতে-নাচতে একটা খাবারের দোকানে গিয়ে
 ঢুকলো। দোকানী তখন কচুরি ভাজছিল। দাদু
 একখানা বেশিতে বোসে পড়ে বললো—
 “আটখানা গরম-গরম দাও।” খানিক আগের
 চুরির আসামী কচুরি ভক্ষণে আত্মনিয়োগ
 করলো।

খাওয়া হোয়ে গেলে দাদু দোকান থেকে
 বেরিয়ে সোজা একেবারে শ্রীরামপুর রেল
 স্টেশন। দাদুর জোর-বরাত, বাকী রাতটা
 ঘুমোবার জন্যে স্টেশন মাস্টার ওয়েটিং-রুমে
 সুব্যবস্থা কোরে দিলেন।

সকালে ঘুম থেকে উঠে, পর পর তিন
 কাপ চা খেয়ে দাদু দেখলো হাওড়ার গাড়ি
 এখন আসবে, ‘আপ-সিগন্যাল’ নামানো
 রয়েছে। তাড়াতাড়ি টিকেট-ঘরের জানালায়
 এসে বললো—“একখানা হাওড়া, স্যার।”

“তোমার তো হাফ, দাও দু’আনা।”

বেশ মুকব্বীয়ানার সঙ্গে দু’আনা পয়সা
 দাদু বার কোরে দিলে।

‘ঢং-ঢং-ঢং-ঢং-ঢং’—গাড়ি এসে পড়লো।
 সামনের একখানা কামরায় দাদু উঠে পড়লো।

‘পৌ—ঘ্যাচ ঘ্যাচ, পৌ—
 ঘ্যাচ ঘ্যাচ’—আবার গাড়ি
 চলতে লাগলো। প্রথমটায়
 বিক্কাড়-বিক্কাড়, তারপর
 ঝর্ ঝর্ ঝরাৎ-ঝরাৎ,
 তারপর ফুল মোশনে গাড়ি
 ছুটে চললো।

কামরা ভরতি প্যাসে-
 জ্ঞার। কেউ চূপ কোরে
 বসে আছে, কেউ হাত-পা
 নেড়ে আর একজনের সঙ্গে
 বকাবকি করচে, কেউ বা
 তার পৌটলাপুটলিগুলো
 গোছগোছ কোরে নিরাপদ
 স্থানে রেখে দিতে ব্যস্ত।
 বাচ্চারা অস্থিরভাবে
 একবার এখানে একবার
 ওখানে গিয়ে বসচে,
 আবার পরক্ষণেই উঠে
 দাঁড়াচ্ছে। দাদু একধারে
 বোসে জানালার ফাঁকে

দিগ্দৌড় মাঠের দিকে দেখতে লাগলো। এবং
 হঠাৎ একসময়ে দাঁড়িয়ে উঠে গাড়ি থামবার
 শেকলটা টেনে ধরলো। সঙ্গে-সঙ্গেই মাঠের
 মাঝখানে চলন্ত গাড়ি থেমে গেল। গার্ড এসে
 জিজ্ঞাসা করলো—“চেন টেনেচে কে?”

দাদু বললো—“আমি।”

“বিনা কারণে এই রকম চেন টেনে গাড়ি
 থামালে পঞ্চাশ টাকা ফাইন হয়।”

“বিনা কারণে চেন টানিনি স্যার।”

“কি কারণে টেনেছিলে?”

“দেখলুম, ফাঁকা মাঠের ওপর একটা
 ছোট বাছুর উর্ধ্বপুচ্ছ হোয়ে ট্রেনের সঙ্গে-
 সঙ্গে পাই-পাই ছুটে আসছে, আর মাঝে-
 মাঝে গাড়ির দিকে চেয়ে ভা-ভ্যা কোরে
 ডাকচে। বুঝলুম, কোন-কিছু বিশেষ কাজের
 জন্যে ও ট্রেনে আসতে চায়। সে অবস্থায়
 ওকে ট্রেনে তুলে নেওয়া উচিত। তাই আমি
 চেন টেনে গাড়ি থামিয়েছি।”

“তুমি পাগোল নাকি?”

“আমি পা-গোল নই; আপনাদের এই
 গাড়ির পা গুলোই গোল—অর্থাৎ চক্রাকার।”

“তুমি একটি দুষ্ট এবং বোকা ছেলে।”

“আমি বোকাও নই, বখাও নই; আমি
 ছায়া দান করি, চলন্ত ট্রেনে বাছুরকে তুলে
 নেবার চেষ্টা করি।”

“ফের ওরকম চেষ্টা করলে পঞ্চাশ টাকা
 ফাইন তোমায় দিতেই হবে।”



দাদুকে নিয়ে ঘুড়ি আকাশপথে ছুটে চললো

“আমি ফাইন দিই না, ফাইন নি এই দ্যাখো”—বলেই দাদু ছায়াদানের ষোলটা টাকা গার্ড সায়েবকে দেখিয়ে দিল।

পরের স্টেশনে গাড়ি এসে থামলে দাদু কামরা থেকে নেমে পড়লো। ফটকে টিকিটখানা দিয়ে, লাইন পার হোয়ে, কোম্পারের মাঠে এসে দাঁড়ালো। এপাশে বঁইচির বন, ওপাশে বনঝুঁইয়ের ঝোপ—মাঝে মাঠের বুক চিরে পায়ে-চলা পথ, কোথায় তেপান্তরের দিকে গিয়ে এক জায়গায় যেন হারিয়ে গেছে। দাদু সেই আঁকাবাঁকা মেঠো-পথে চলতে লাগলো। খানিক দূর গিয়ে দেখলো যে কাদের একখানা দো-তে'য়ে ঘুড়ি কেটে গিয়ে, তার খানিকটা সুতো সামনের আঁশফল গাছের ডালে জড়িয়ে গেছে। ঘুড়িটা কিন্তু বাতাসের জোরে অনেক উঁচুতে পতপত কোরে উড়ছে। তার এখন মুক্ত অবস্থা অর্থাৎ স্বাধীন। মেজাজে রাগ নেই। তাই ‘গোপ্তা’ না খেয়ে, মাথা উঁচু কোরে আনন্দে আকাশে উড়ছে। দাদু একটা মিনিট কি ভাবলো, তারপর তরতর কোরে গাছে উঠে গিয়ে, ডালে-জড়ানো সুতোটা খুলে, নিজের ডানহাতের কবজিটায় বেশ কোরে ক'পাক জড়ালো। সঙ্গে-সঙ্গেই ঘুড়িখানা বাঁধনমুক্ত হোয়ে, পশ্চিমে-বাতাসে সৌ সৌ কোরে পূবের

দিকে উড়ে যেতে লাগলো। দাদুকে নিয়েই উড়ে যেতে লাগলো। কত গাছপালার মাথা ছাড়িয়ে, কত মাঠ-ঘাট পার হোয়ে, কত চালাবাড়ির মটকা নীচে রেখে, কত একতলা দোতলা বাড়ির ছাদের ওপর দিয়ে দাদুকে নিয়ে ঘুড়ি আকাশপথে ছুটে চললো। দেখতে-দেখতে এসে পড়লো গঙ্গার ওপরটায় এবং দেখতে-দেখতে গঙ্গাও পার হোয়ে গেল। কত বউ-ঝি, বুড়ো-বুড়ী, ছেলে-ছোকরা ওপরদিকে চেয়ে হাঁ কোরে এই ব্যাপার দেখতে লাগলো। কত চিল ভয়ে পাশকাটিয়ে পালিয়ে গেল, কাকেরা বিপদের আশঙ্কায় দল বেঁধে ‘কা-কা’, জেঠা, মামা প্রভৃতিকে অনবরত ডাকতে লাগলো।

অবশেষে বাগবাজারের একখানা দোতলা বাড়ির চিলেকোঠার ওপর ঘুড়িখানা আসতেই, দাদু হাতের সুতোটা ছেড়ে দিয়ে টপ কোরে ছাদের ওপর দাঁড়িয়ে পড়লো। দাদুর সেই নাতি দুটি—বাবলু আর কাবলু—এই ব্যাপার দেখে ছুটতে-ছুটতে ছাদের ওপর দাদুর কাছে এসে উপস্থিত। এই অবস্থায় দাদুকে পেয়ে ওদের কি আনন্দ! দু'জনে দাদুর কোমর জড়িয়ে ধোরে বললো—“দাদু!” দাদু দু'জনের মাথা ঠোকাঠুকি কোরে দিয়ে বললো—“ভাই!”

দু'দিন পরে দাদুকে পেয়ে সকলের সে কি আনন্দ! দাদু যেন দিগ্বিজয় কোরে ফিরেছেন—এমনি ভাবেই সবার কাছে তার আদর আর অভ্যর্থনা। তার আহারের জন্য সে রাঙে খুবই আয়োজন করা হোল। সে ভোজের মেনু (Menu) হোল এই প্রকার :-

ত্রি-ফলার পোলাও
I-Scream-য়ের কালিয়া
বরফের ছক্কা
জল-ছেঁচকি
সেলেট-পেঙ্গিল ভাজা
গঙ্গামস্তিকার কাটলেট
হাওয়ার চাটনি
শ্যাওলার সদেশ
উচ্ছেবীচির পায়েস।

এ রকম ভোজ তোমরা কেউ কখনো খেয়েচো?

দেব সাহিত্য কুটির প্রতিষ্ঠান

**Students' Favourite
Dictionary**

(Eng. to Beng.) 180.00

**Students' Favourite
Dictionary**

(Beng. to Eng.) 140.00

**Dev's Concise
Dictionary**

(Eng. to Beng.) 95.00

**Dev's Concise
Dictionary**

(Beng. to Eng.) 85.00

Pocket Dictionary

(Eng. to Beng.) 75.00

Pocket Dictionary

(Beng. to Eng.) 60.00

Midget Dictionary

(Eng. to Beng.) 22.00

Midget Dictionary

(Beng. to Eng.) 20.00

শব্দবোধ অভিধান ১৫০.০০

সরল অভিধান ৫০.০০

নববিধান ৮৫.০০

সুবল মিত্রের

**The Students' Constant
Companion 125.00**

★ পুস্তক তালিকার জন্য লিখুন

দেব সাহিত্য কুটির প্রাঃ লিমিটেড


২১, বাবাপুত্র সেন ◆ কলকাতা-৭০০ ০০৯

মজার পাড়া

সূত্র :

পাশাপাশি :

- ১) ভেবে নিয়ে করবে শেষ,
রবীন্দ্র এক 'কাব্য'-বিশেষ।
- ৩) ধ্রুব, প্রত্যাষ, সোম—এরা কারা?
সঠিক ভেবে করবে সারা।
- ৫) সবার ঠাকুর তিনি,
সূর্য বলেও জানি।
- ৬) প্রাচীন ডাকাতির ব্যবহৃত,
কৃত্রিম 'পা'-এ দ্রুত যেত।
- ৭) ফুলটি পেলে পুজোয় দেবে,
উষ্টে দিলে পাখিও পাবে।
- ৯) সবাই তো চিনি তাকে,
রামচন্দ্রের পুত্রটিকে।
- ১০) এক কথায় জানি,
কর দেন যিনি।
- ১২) বহু লিখলেও হবে,
কি পরিমাণ লেখ তবে।
- ১৪) এই দুই ঘরে ভাই,
গর্জন শুনে যাই।
- ১৫) হাতি আসছে দেখো,
নিষেধ মানবে নাকো।



এটি তৈরি করেছেন সুজয় চক্রবর্তী, যুগ্মিণী, জ্যোতারাণ, বখশান।

উপর-নিচ :


- ১) সে এক দুষ্ট অসুর ছিল
বুদ্ধের তপস্যা ভাঙতে এল।
- ২) যোগে পয়গম্বর তিনি,
ঈশ্বর প্রেরিত দূত বলেও জানি।
- ৩) একটু ভেবে লেখ দেখি,
জার্মানির রাজধানী কি?
- ৪) এটা কি তোমার আছে জানা,
সুবোধ ঘোষের ছদ্মনামখানা।
- ৬) আগাগোড়া ধ্বনিত শেখ,
লেখ এক বাজনা বিশেষ।
- ৭) সামনে তরল রবে,
মেঘের নাম হবে।
- ৮) এক কথায় লেখ দিকিনি,
যে হাতির দাঁত গজায়নি।

■ বলতে ব্যাখ্যাস্থাপ মন্ত্র
কোন কাজে লাগে?

■ চিন্তা পায়ো বই বিক্রয়ক্রমে

- ১১) দাঁত দেখাও তবে,
উষ্টে দামও পাবে।
- ১২) বাজনা দিয়ে এসো,
ঘুরে আড্ডায় বসো।
- ১৩) 'ন' যোগে শরীর হবে
ঘুরলে কিন্তু নুয়ে পড়বে।

এ মাসের প্রশ্ন



নতুন ধাঁধা

মজার পাতা

বিক্রয় মজার ১ম

১. মাথা কেটে দেখ ভাই
সত্য বিনা মিথ্যা নাই,
পা মুছলে তারিফ করি
দেহটা দেখি বহনকারী।

প্রশান্ত ঘোষ
আরামবাগ/হুগলী

২. পা খুলে গায় দাও
তবে তুমি বাইরে যাও।

সুদেষ্ণা, সুপর্ণা ও রুকর
রামবন্ধুতলা/আসানসোল

৩. চর্বা অতুল্য
অথবা ও মূল্য।

বিভাংশ দত্ত
আরামবাগ/হুগলী

৪. ভেবেচিন্তে বলো তো ভাই
কোন গ্রামে মানুষ নাই।

প্রবীর কুমার মৈত্র
কলকাতা

আষাঢ় সংখ্যার নতুন ধাঁধার উত্তর :

১. গোলা ২. আতর ৩. শ্রীলঙ্কা ৪. হার

□ '১০০০'-এই সংখ্যাকে এমন দুটো ভাগে ভাগ
কর, যাদের একটি অংশকে '১৯' দিয়ে এবং অন্য
অংশকে '৪৭' দিয়ে গুণ করলে গুণফলদুটির সমষ্টি
হয় '১০০০'।।

□□ চারটি '১' দিয়ে সর্বাধিক কত বড় সংখ্যা পাওয়া
যেতে পারে? ভেবেচিন্তে কোরো।

	১	৪৭
৩১		

□□□ তোমায় তিনটি মৌলিক সংখ্যা ৩১, ১ এবং
৪৩ দেওয়া হলো। বাকি মৌলিক সংখ্যাগুলি তুমি
নির্বাচন করে স্কোয়ারটি অঙ্কের ম্যাজিক স্কোয়ারে
পরিণত কর।

ফুটকি থেকে ফুটকি

১. শ্রীলঙ্কা ২. আতর ৩. গোলা ৪. হার

৮	৯৬	৯০
৯৯	৮৯	৯৫
০৪	৯	৮৯

১১১১ ইচ্ছাকৃতকর লক্ষ্যমাত্রা □
১১১-১১১ ১ ১১১১১১১১ □
১১১১১১১১১১ ১১১১১১১১ □□□
১১১০৮৯১১১১১১১১ = ১১১১ □
০০০৯ = ৯৯ × ১১ + ৮৪ × ৪৯ □
— ১১১১ ১১১১ ১১১১

আষাঢ় সংখ্যার নতুন শব্দমালার উত্তর :

পাশাপাশি : ১. কদমা ৩. নকুল ৬. মই ৮. লক্ষ ৯. শঠতা ১১.
ধর ১২. বোম ১৪. মরাল ১৭. নুন ১৮. নন্দি ২০. কলহ ২১. গোবর
উপর-নিচ : ১. কমল ২. দই ৪. কুল ৫. লক্ষা ৭. মাঠ ১০. তাবোল
১৩. ধনুক ১৫. রাম ১৬. মন্দির ১৮. নল ১৯. নব



মন্ত্রী-উজির

তপন কুমার দাস

গোঁফবাবুর কীর্তি

চিত্ত পাল

তেল অফিসের বড়বাবু এবং ছোটবাবু
গোঁফ নিয়ে কি টানাটানি কেউ হন না কাবু।
বড়র দাবি, গোঁফ কাটা চাই এক্ষুণি তা আজ্জই!
ছোটর দাবি, কক্ষণো নয়। কিছুতেই নয় রাজী ॥


বড়বাবু বাধ্য হয়ে করেই দিলেন শো-কজ
গোঁফবাবুও থানায় হাজির, ডায়েরি করেন লজ!
ভীষণ রেগে বড়বাবু কেস করে দেন ফাইল
গোঁফবাবু কি তবু দমেন? একটুও হন কাহিল!!

জজ সাহেবও গোঁফবাবুকে ধমকে বলেন, চোপ!
যার যা খুশি করবে নাকি রাখবে এমন গোঁফ?
কি ভেবেছেন, এটা অফিস নাকি মামার বাড়ি?
চোন্দো দিনেই গোঁফ কাটা চাই করছি আদেশ জারি!

গোঁফবাবু কি তবু দমেন? আপীল করেন ফের
এইভাবে কেস চলতে থাকে, শেষ যেন নেই এর!!
প্রত্যেক দিন নিউজপেপার এবং টেলিভিশন
তৎসঙ্গে সিনেমাতেও অজ্ঞব আয় ফি-সন!!

বিজ্ঞাপন ও অভিনয়ের এ আয় কোথা থেকে?
সব হলো ওই তেরো ইঞ্চি গোঁফের বহর দেখে!
সেই গোঁফ কেউ কাটতে পারে, সেই গোঁফ কেউ ছাড়ে?
গোঁফবাবু তাই অসম্মতি জানান বারোবারে।

কেসের সাজা যা হয় হোক তবুও নন ভীত!
তার কারণ এই গোঁফের দ্বারাই তিনি সমাদৃত!!



আঁকেন বাঁকেন হাঁকেন বেজায়
বুঝিয়ে ছাড়েন শেষটা
তাল তবীয়ত হাল হকিকত
চলছে কেমন দেশটা।

এক এক কোপে কাটতে যে চান
মন্দ লোকের ভাগি
ঘুটিয়ে ছাড়েন দেশের আকাল
মন্দা এবং মাগ্গী।

দুই ছেলের গুলতি লে-আও
লে-আও মুগুর গদা-ই
আইন জারির হুকুম করেন
হাকিম ডাকেন সদাই।

ঘুঘুর নাচন নাচিয়ে ছাড়েন
বাস্তুঘুঘুর রাজ্যে
শিকিয়ে তোলেন শাসন আসন
বইপত্তর আজ যে।

হাসান কাঁদান বোচকা বাঁধান
তুটু যে নন অল্পে
ইচ্ছে ডানায় ডাইনি হানার
বস্তা ভরেন গল্পে।

নবাব নয়তো মন্ত্রী উজির
হবেন তিনি বটেই তো
ইতিহাসের পাতায় অনেক
কাণ্ড এমন ঘটেই তো।

ছবি: দিলীপ দাস

ছোট

ছোট পাহাড় আর ঘন সবুজ ঘাসের বিশাল প্রান্তরে ঘেরা একটি রাজ্য। পাহাড়ের কোল ঘেষে বয়ে চলেছে টলটলে নদী। নদীর নাম রুমঝুম। ছোট-বড় নুড়ির ওপর দিয়ে লাফিয়ে লাফিয়ে ছুটে চলেছে নদী, যেন নুপুর পায়ে চঞ্চল মেয়েটি নেচে চলেছে আপন খুশিতে। তাই তো দেশের লোকে বলে রুমঝুম!

রাজ্যের নাম বৈজয়ন্তগিরি। ধনসম্পদে পরিপূর্ণ খুব সুন্দর এই রাজ্য। প্রকৃতিও অকুপণ হাতে সাজিয়েছে বৈজয়ন্তগিরিকে। রাজা অমিত্রসূদন মহাপরাক্রমশালী অমিততেজা বীরপুরুষ। তাঁর বীরত্ব ও বাহুবলের খ্যাতি দেশ-বিদেশে ছড়িয়ে পড়েছে। সকলের মুখে একটাই কথা—এবার নিশ্চয় মহারাজ অমিত্রসূদন পৃথিবী জয় করবেন। যা পারেননি আলেকজান্ডার, যা পারেননি তৈমুরলঙ্ক, যা পারেননি চেন্সিজ ঝাঁ—সেই অসম্ভবকে সম্ভব করবেন বৈজয়ন্তগিরির রাজা অমিত্রসূদন। প্রজারা রাজার বীরত্বগাথায় পঞ্চমুখ, রাজার জয়ধ্বনিতে আকাশ-বাতাস যেন কেঁপে ওঠে সদা-সর্বদা।

এত প্রশংসা এত জয়ধ্বনি এত

বীরপূজা—তবুও রাজার মনে সুখ নেই, শান্তি নেই এতটুকুও। কেন? অভাব তো কিছু নেই রাজ্যে। হাতিশালে হাতি, ঘোড়াশালে ঘোড়া, রাজকোষে অপরিমিত ধনরত্ন, সুন্দরী মহিষী, বিনীত পুত্র, রাজভক্ত প্রজাবৃন্দ—তবুও রাজা অসুখী! এর কারণ কি?

কারণ দিগ্বিজয়ী রাজার মানসিক যন্ত্রণা ও অনুতাপ! রাজার বিশাল রাজত্বটা তৈরি হয়েছিল বহুদেশ জয় করে পরাজিত রাজ্যগুলির সমষ্টি নিয়ে। সেইসব দেশ জয় করার জন্য করতে হয়েছে তুমুল যুদ্ধ। যুদ্ধে কত সৈন্য প্রাণ হারিয়েছে, মারা পড়েছে কত হাতি-ঘোড়া। যুদ্ধক্ষেত্রে বয়ে গেছে রক্তের নদী, কত মানুষ হয়েছে বিকলাঙ্গ। তাদের পরিবার-পরিজনদের করুণ বিলাপ আর কান্নায় আকুল হয়ে উঠেছে আকাশ-বাতাস। রাজার মনও অস্থির যুদ্ধের এই ভয়ঙ্কর পরিণাম দেখে। অনুশোচনায় তিনি দগ্ধ হতে লাগলেন। কৃতকর্মের জন্য তাঁর এত অনুতাপ হলো যে তিনি প্রতিজ্ঞা করলেন জীবনে আর কখনো যুদ্ধ করবেন না, শুধুমাত্র স্বদেশের স্বাধীনতা রক্ষার প্রয়োজনে অস্ত্র ধরবেন।

দেশ-বিদেশে দিগ্বিজয়ী বীর হিসেবে

তাঁর নাম ছড়িয়ে পড়ায় সকলে ভেবেছিল তিনি শিগগিরই পৃথিবী জয়ে বার হবেন। বৈজয়ন্তগিরির প্রজারা মনে মনে গর্ব অনুভব করত যে তাদের রাজা অচিরেই পৃথিবীশ্বর হবেন। কিন্তু রাজার হঠাৎ মানসিক পরিবর্তনে এবং প্রতিজ্ঞার কথা শুনে প্রজাদের মন ভেঙে গেল হতাশায়।

এদিকে পাশের রাজ্য কাঞ্চীপুরের রাজা অনন্তদেব বৈজয়ন্তগিরির সুখসমৃদ্ধিতে এবং রাজা অমিত্রসূদনের দিক্‌জোড়া খ্যাতিতে যথেষ্ট ঈর্ষান্বিত ছিলেন। কি করে রাজা অমিত্রসূদনকে পরাজিত করা যায়, কি করে বৈজয়ন্তগিরি দখল করা যায়,—এই চিন্তাই ছিল তাঁর দিনরাতের ধ্যান। যখন শুনলেন, রাজা অমিত্রসূদন আর যুদ্ধ করবেন না তখন ভাবলেন, যাক ভালই হলো, বিনা রক্তপাতে এবার তাঁর রাজ্য দখল করা যাবে। কাঞ্চীপুরের রাজার মনে জেগে উঠল দিগ্বিজয়ের বাসনা। কিন্তু ভগবান বোধহয় অলক্ষ্যে হাসলেন। যুদ্ধ আর রক্তপাতই কী শুধু জয় এনে দিতে পারে?

কাঞ্চীপুরের রাজা যুদ্ধযাত্রায় অগ্রসর হলেন। বহুদেশ জয় করলেন বহুজনের প্রাণের বিনিময়ে, অজস্র রক্তপাত আর ধনসম্পদ ধ্বংস করে। অত্যাচারী রাজার অত্যাচারে সমগ্র ভারতবর্ষ যেন ভয়ে, আতঙ্কে তটস্থ! সকলের মনে বারবার জেগে উঠতে লাগল রাজা অমিত্রসূদনের কথা। তিনি যুদ্ধ করতেন, দেশ-বিদেশ জয় করতেন ঠিকই, কিন্তু তিনি অত্যাচারী ছিলেন না। অনন্তদেবের সৈন্যরা ক্রমশ ক্লান্ত হয়ে পড়তে লাগল—যুদ্ধ করতে আর মন চায় না, এত রক্তপাত আর ভাল লাগে না। কিন্তু উপায় নেই, যুদ্ধ করতেই হবে! অনন্তদেব তো কিছুতেই যুদ্ধ বন্ধ করবেন না!

ক্রমে ক্রমে কাঞ্চীপুরের রাজা বৈজয়ন্তগিরির দিকে অগ্রসর হতে লাগলেন। রাজা অমিত্রসূদনের কাছে দূত পাঠালেন অনন্তদেব।

রাজা অমিত্রসূদন বসে আছেন রাজসভায়। পাত্র-মিত্র-পরিষদ সকলে অত্যন্ত উদ্ভিগ্ন ও চিন্তায় অস্থির হয়ে উঠেছেন। গুপ্তচরের সংবাদ অনুযায়ী আর মাত্র দুদিনের পথ বাকি শত্রুসেনার এই রাজ্যে প্রবেশ করতে। এমন সময় কাঞ্চীপুরের দূত এল রাজসভায় অনন্তদেবের বার্তা নিয়ে। তার হাতে একটি



স্বর্গাদপি

করবী বসাক

থাল। তাতে নারকেল আর একটি তরবারি। দূত জিজ্ঞাসা করল, মহারাজ, আপনি কোনটি গ্রহণ করবেন? নারকেল না তরবারি?

রাজা অমিত্রসূদন বিশ্বয়বিমূঢ় হয়ে তাকিয়ে রইলেন দূতের দিকে। এরকম একটা পরিস্থিতির কথা ভাবেননি তো তিনি। কী করবেন এখন? তরবারি গ্রহণ করলে যুদ্ধ করতেই হবে। আর যদি নারকেল গ্রহণ করেন তাহলে কিনা যুদ্ধে শত্রুর বশ্যতা স্বীকার করতে হবে! পরাধীনতা স্বীকার করা—সে যে চরম অপমান! শুধু তাঁর নয়, সমস্ত দেশের, তাঁর প্রিয় প্রজাদেরও! কিন্তু যুদ্ধ? সেও তো লোকক্ষয়ী বিধ্বংসী মারণযজ্ঞ! এই উভয়সঙ্কট নিরসনের কী উপায়?

দূত আবার জিজ্ঞাসা করল, মহারাজ, আপনার অভিমত বলুন—তরবারি না নারকেল, কি নেবেন আপনি? আমাকে তো আপনার উত্তর নিয়ে আমার রাজা শ্রীমদ অনন্তদেবের কাছে ফিরে যেতে হবে তাড়াতাড়ি!

অমিত্রসূদন নিজেকে সামলে নিয়েছেন ততক্ষণে। মনে মনে একটা সিদ্ধান্তে আসতে পেরেছেন। বললেন, বেশ, আমার বক্তব্য শুনুন তাহলে। হয় তো আমার

নারকেল গ্রহণ করাই উচিত ছিল, তাহলে রক্তক্ষয়ী যুদ্ধের হাত থেকে সবাইকে রক্ষা করতে পারতাম। কিন্তু হে আমার মন্ত্রিমণ্ডলী, আমার সভাসদবৃন্দ, আমার প্রিয় প্রজাগণ—আপনাদের সকলকে প্রশ্ন করি—এতদিন যে ব্যক্তি বীরত্বের সঙ্গে যুদ্ধ করেছে, যাকে আপনারা ভাবতেন কালে একদিন পৃথিবীশ্বর হবে, সে কিনা বিনাযুদ্ধে পরাধীনতা স্বীকার করবে? স্বাধীনতা বিসর্জন দিয়ে কে বাঁচতে চায়? কে চায় অপরের আধিপত্য? কে চায় মাতৃভূমির মান-সম্মান ধুলায় লুটিয়ে দিয়ে বিদেশীর হাতে রাজ্যলক্ষ্মীকে তুলে দিতে? দেশমাতৃকার সন্তান আমরা, জন্মভূমির প্রতি আমাদের দায়িত্ব ও কর্তব্য পালন করা উচিত নয়? আমরা কী দেশজননীকে পরাধীনতার নিগড়ে শৃঙ্খলিত হতে দেখব? আমার এখন কি করা উচিত সে ব্যাপারে আপনারা আমাকে সিদ্ধান্ত নিতে সাহায্য করুন।

সমস্ত সভা এতক্ষণ নিস্পন্দ হয়ে রাজার মর্মস্পর্শী কথাগুলি শুনছিল। তাঁর বক্তব্য শেষ হতেই বজ্রনির্ঘোষে যেন সকলে রাজাকে সমর্থন করল, মহারাজ, আমরা আমাদের মাতৃভূমিকে শ্রদ্ধা করি, ভালবাসি। পরাধীনতার শৃঙ্খলে তাকে বাঁধতে দেব না কিছুতেই! হোক যুদ্ধ, হোক লোকক্ষয়, হোক রক্তপাত, তবু আমাদের মাতৃভূমিকে শত্রুর হাতে তুলে দেব না কিছুতেই।

রাজার মুখ আনন্দে উদ্ভাসিত হয়ে উঠল। ধীরে ধীরে থালার ওপর থেকে তরবারি তুলে নিলেন। তারপর কোমল কণ্ঠে নম্রভাবে দূতকে বললেন, আপনার উত্তর পেয়েছেন আশা করি। আপনার রাজাকে বলবেন, দেশজননীর সম্মান রক্ষার

জন্য, স্বাধীনতা রক্ষার জন্য, রাজ্যশ্রী রক্ষার জন্য সকলের অনুমোদনক্রমে আমি এই তরবারি গ্রহণ করলাম!


দূত বৈজয়ন্তগিরির রাজা এবং সর্বসাধারণের দেশপ্রেমের প্রগাঢ়তা অনুভব করল ভালভাবেই। মনে মনে ভাবতে লাগল দেশজননীর প্রতি ভক্তি ও ভালবাসার এই তীব্রতা রাজ্যকে হয় তো সব বিপদ থেকে রক্ষা করবে। ফিরে গেল দূত অনন্তদেবের রাজসভায়।

তারপর শুরু হলো বিরাট যুদ্ধ। মৃত্যু আর ধ্বংসের তাণ্ডবলীলা। দশদিন ধরে চলল প্রবল রক্তক্ষয়ী সংগ্রাম। উভয়পক্ষের কত যে সৈন্য মারা গেল, বিনষ্ট হলো কত যে হাতি আর ঘোড়া তার আর ইয়ত্তা নেই! কিন্তু কোনো পক্ষই জয়ী হতে পারছে না। আবার পশ্চাদপসরণও সম্ভব নয় কারুর পক্ষেই। একজন জয়ের নেশায় যুদ্ধ করছে, আরেকজন দেশজননীর সম্মান রক্ষার জন্য প্রাণপণ লড়াই করছে!

রাজা অমিত্রসূদন বড় বেদনা অনুভব করছেন মনে মনে। এই মৃত্যু এই ধ্বংস এই নারকীয় যুদ্ধলীলা তাঁকে আকুল করে তুলেছে। নিজেকে বড় অপরাধী মনে হচ্ছে তাঁর। কী উপায়ে যুদ্ধ বন্ধ করা যায় এই চিন্তায় তিনি অস্থির হয়ে উঠলেন। অবশেষে ঠিক করলেন, রাত্রিবেলায় শত্রুশিবিরের কাছে গিয়ে তাদের যুদ্ধের সব পরিকল্পনা জেনে আসার চেষ্টা করবেন। তারপর তারই দুর্বল ছিদ্রপথে হানা দিয়ে যুদ্ধ বন্ধ করবেন।

গভীর রাত্রি। চারিদিক নিস্তব্ধ। সারাদিনের যুদ্ধের পর ক্লান্ত সেনানীরা যে যার শিবিরে বিশ্রামের অবকাশে গভীর নিদ্রায় অচেতনপ্রায়। রাজা অমিত্রসূদন

শুরু হলো বিরাট যুদ্ধ।



জয়ধ্বনির মধ্যেই পেয়ে গেলেন।

অনন্তদেব তখন জিজ্ঞাসা করলেন, বল তোমরা, কী তোমাদের শেষ ইচ্ছা? রাজা অমিত্রসুদন বললেন, মহারাজ অনন্তদেব, আপনার অসীম দয়া। আপনার মহানুভবতা দেখে আমরা আশ্চর্য হলাম। যাই হোক, আপনি যদি অনুমতি দেন তাহলে আমরা ইষ্টনাম জপ করি। কিন্তু গানের মধ্য দিয়েই দেবতার পূজা করি আমরা, কৃতকর্মের জন্য ক্ষমা প্রার্থনা করি।

রাজা অনন্তদেব বিস্মিত হলেন। ঘাতকের সামনে দাঁড়িয়ে এরা ইষ্টনাম জপ করবে গান গেয়ে? অমিত্রসুদনের দিকে যতবার তাকাচ্ছেন অনন্তদেব ততবারই তাঁর মনে হচ্ছে এই ব্যক্তি সাধারণ মানুষ নয়, এর সমস্ত অবয়বে একটা অসাধারণ কিছু রয়েছে, সব কিছুর আড়াল থেকে যেন ফুটে বাঁর হচ্ছে এর অপরিমেয় শক্তি আর বিরাট ব্যক্তিত্ব।

মন্ত্রীর কথায় রাজার চমক ভাঙল। এদের গান করবার অনুমতি দিচ্ছেন তো মহারাজ? মন্ত্রীর প্রশ্নের উত্তরে রাজা বললেন, নিশ্চয় নিশ্চয়। অনুমতি দিলাম তোমাদের, ইষ্টনাম গান কর।

গুপ্তচর দুজন শুরু করলেন গান। কী তাঁদের অপূর্ব কণ্ঠস্বর! কী অপূর্ব সঙ্গীতের সুর আর কী অসাধারণ মনোহরা সে সঙ্গীতের ভাষা।

তারা গাইতে লাগলেন, কী সুন্দর এই ধরিত্রী, কী অপকরুণ রূপে সজ্জিতা আমাদের এই বসুন্ধরা। সত্যিই সে অমূল্য রত্নরাজিতে পরিপূর্ণ। তারই মহিমায়, গরিমায়, অপরিমেয় সৌন্দর্যে পরিপূর্ণ আমাদের এই দেশ—এই জন্মভূমি। ধনধান্যে, ফলেফুলে, শস্যসম্পদে পরিপূর্ণ এই দেশ। সব দেশের সেরা এ দেশ। এ দেশের জল যেন মধু, বাতাস যেন মাতৃহস্তের স্নিগ্ধ পরশ, মাটি যেন শীতল চন্দন-প্রলেপ। দেশমাতৃকার এই স্নেহের দান আমাদের জীবনস্বরূপ। মাতৃভূমির মনোরম নয়নহরণ রূপ দেখে দেখে চোখ আর ফেরে না। মনে হয় এই রূপ না দেখতে পেলে জীবনই ব্যর্থ, নিরর্থক। দেশজননীর মাতৃমূর্তি আমরা বৃকের মধ্যে খোদিত করে নিয়েছি। আজ মৃত্যুর মধ্য দিয়ে সেই মায়ের কোলেই আশ্রয় পাব এই আমাদের পরম আনন্দ। হে দেশজননী, আমাদের ক্ষমা করো, আর করো আশীর্বাদ। আবার যেন জন্ম নিতে পারি তোমার কোলে তোমারই



তারা গাইতে লাগলেন,

সেবা করব বলে। জননী জন্মভূমি স্বর্গাদপি গরীয়সী।

অনেকক্ষণ পরে চমক ভাঙল। রাজা অনন্তদেব যেন স্বপ্ন থেকে জেগে উঠলেন। মোহাবিষ্ট রাজা আবেগ-আধুত কণ্ঠে বললেন, হে গুপ্তচরদ্বয়, তোমাদের অসাধারণ সঙ্গীত আমাকে মুগ্ধ করেছে। তোমাদের মুক্তি দিলাম আমি। যাও, তোমরা দেশে ফিরে যাও। তোমাদের ইষ্টদেবী যে দেশজননী তা জেনে মুগ্ধ হলাম, বিস্মিতও হলাম। এমন দেশপ্রেম আমি আর দেখিনি। এইরকম অপার্থিব সঙ্গীত, এইরকম হৃদয়হরণ কণ্ঠস্বরও আমি আর শুনিনি। এ তো ঈশ্বরের দান—একে নষ্ট করার, ধ্বংস করার অধিকার তো আমার নেই। যাও তোমরা, স্বদেশে ফিরে যাও, সেবা কর দেশমাতৃকার। কিন্তু একটা কথা, যাবার আগে তোমাদের প্রকৃত পরিচয় জানালে আমি অত্যন্ত সুখী হব। তোমরা যে সাধারণ ভবঘুরে নও, আমি নিঃসন্দেহ সে বিষয়ে!

সমস্ত সৈন্যসামন্ত, অনন্তদেবের সভাসদরা আর গুপ্তচর দুজনও তাঁর কথায় বিস্মিত এবং আনন্দিত হয়ে তাঁর দিকে তাকিয়ে রইল। তখন একজন গুপ্তচর বললেন, মহারাজ, আপনার মহত্ব ও উদারতা তুলনাহীন। আমাদের মুক্তি দিলেন সেজন্য আপনি আমাদের ধন্যবাদার্থ। আমাদের প্রকৃত পরিচয় যখন জানতে চাইছেন বলি তাহলে। ইনি, আমার সঙ্গী বৈজয়স্তুগিরির পরম পরাক্রমশালী মহারাজ অমিত্রসুদন। আমি অমাত্য রণজয়।

কাঞ্চীপুরের রাজা সিংহাসন থেকে নেমে এসে আলিঙ্গন করলেন বৈজয়স্তুগিরির রাজা অমিত্রসুদনকে। আকাশ-বাতাসে যে শব্দা আর বিপদের ছায়া দেখা দিয়েছিল সে মেঘ কেটে গেল। সমস্ত জগৎ যেন প্রাণ ফিরে পেল।

কাঞ্চীপুরের প্রজারা ভেবেছিল হাতের কাছে পেয়ে শত্রুকে কিছুতেই ছেড়ে দেবেন না তাদের রাজা! কিন্তু না, তুল তাদের ভাবনা। অনন্তদেবের অহঙ্কার আর মনের গ্লানি যে সব ধূয়ে মুছে গেছে তাঁদের গানের সম্মোহিনী শক্তিতে। সকলে আকাশ-বাতাস কাঁপিয়ে জয়ধ্বনি দিতে লাগল—জয় রাজা অনন্তদেবের জয়। জয় রাজা অমিত্রসুদনের জয়!

ফিরে গেলেন নিজের রাজ্যে রাজা অনন্তদেব দিগ্বিজয়ের নির্মম বাসনা ত্যাগ করে। রাজা অমিত্রসুদনের দেশপ্রেমের বাণী তাঁর মনকে এমন নাড়া দিল যে আমূল পরিবর্তন হলো তাঁর হৃদয়ের, তাঁর ভাবনা-চিন্তা আর আশা-আকাঙ্ক্ষার।

যাঁর ভয়ে একদা সকলে শঙ্কিত তটস্থ হয়েছিল, এখন তাঁর মহত্ব আর উদারতায় সকলে মুগ্ধ হয়ে গেল। জয়ধ্বনি উঠল আকাশে-বাতাসে, নগরে-প্রান্তরে, দেশে-বিদেশে। সুখ-স্বাচ্ছন্দ্য আর শান্তি দেশের মানুষকে ফিরিয়ে দিল নিশ্চিন্ত নিরুদ্ধিগ্ন জীবন।



ছবি: সুবল সরকার



মিতে

বঙ্কিমচন্দ্র ভট্টাচার্য

অজিত ও সুজিত দুই বন্ধু। দু'জনের মধ্যে খুব ভাব। পড়ে একই স্কুলে, একই ক্লাসে। বয়সও ওদের একই হবে। স্কুলটি অজিতের বাড়ির কাছে কিন্তু সুজিতের বাড়ি থেকে একটু দূরে। সুজিতের বাবা গ্রামের জমিদার আর অজিত গরিব বিধবা মায়ের একমাত্র সন্তান।

সুজিতকে প্রতিদিন তাদের বাড়ির কাজের লোক স্কুলে পৌঁছে দিতে আসে। ছুটির সময়ে আবার এসে তাকে বাড়ি নিয়ে যায়। সুজিত রোজ টিফিনের সময় অজিতের সঙ্গে অজিতের বাড়ি আসে, তার মায়ের দেওয়া দুধভাত খায়। সুজিতকে অজিতের মা নিজের ছেলের মতোই স্নেহ করেন। অনেকদিন এমনও হয়েছে যে অজিত স্কুলে যেতে পারেনি, কিন্তু সুজিত ঠিক তাদের বাড়ি টিফিনে এসে হাজির হয়েছে। অজিতের মা-ও সুজিতের জন্য অপেক্ষা করেন। সুজিতও অজিতের বাড়ি না এসে থাকতে পারে না, এটা তার অভ্যাসে দাঁড়িয়েছে। দু'জনেরই একে অপরকে না দেখলে চলে না।

সেদিন স্কুল ছুটির আগেই বৃষ্টি নামল। সে কী ভীষণ বৃষ্টি! নীল আকাশকে ঢেকে দিয়েছে কালো মেঘ। সন্কে না হলেও সন্কের মতোই অন্ধকার মনে হচ্ছে। কড় কড় কড়াৎ শব্দে বাজ পড়ছে। ঝমঝম বৃষ্টি পড়েই চলেছে, থামবার নামটি নেই। স্কুলের পশুভ্রমশাই অনেকক্ষণ অপেক্ষা করে বৃষ্টি থামার কোনো সম্ভাবনা না দেখে ছুটি দিয়ে দিলেন। ছেলেরা অনেকেই ছাতা, প্লেট, জামা মাথায় দিয়ে দৌড়ে চলে গেল। কেউ কেউ বৃষ্টি থামার জন্য রয়ে গেল।

বৃষ্টি একটু কমতেই সুজিতকে নিয়ে অজিত বাড়ি চলে এলো। অজিতের মা এতক্ষণ দৃশিস্তা করছিলেন। ওদের দেখে তিনি ছুটে গিয়ে ভিজে জামাকাপড় ছাড়িয়ে মাথা মুছিয়ে যত্ন করে বসালেন। তারপর দুধমুড়ি খেতে দিয়ে রান্নাঘরে গেলেন। বৃষ্টি থামার কোনো লক্ষণ নেই। তিনি সে রাত্রে ওদের খিচুড়ি খাইয়ে তাড়াতাড়ি শুইয়ে দিলেন। কাল সকালে তিনি সুজিতকে নিজে পৌঁছে দিয়ে আসবেন বলে ঠিক করলেন।

দুই বন্ধু নানান গল্প করতে করতে এক সময় ঘুমিয়ে পড়েছে। হঠাৎ মাঝরাত্রে দরজায় কড়া নাড়ার শব্দ। দরজায় ধাক্কা এবং অনেক লোকের কোলাহলে অজিতের মার ঘুম ভেঙে যায়। তিনি উঠে বসেন বিছানায়। এরপর তিনি দরজা খুলে দিতেই দেখেন লোকজন নিয়ে জমিদারমশাই দাঁড়িয়ে।

তাকে দেখেই জমিদার তীব্র গলায় জিগ্যেস করলেন, সুজিত আছে?

তিনি সলজ্জ গলায় বললেন, হ্যাঁ। ভিতরে আসুন।

জমিদার ধমকে উঠে বললেন, আমার ছেলেকে ধরে রাখা হয়েছে কেন? কী মতলব? সেই সন্কে থেকে আমরা ওকে কতো খোঁজাখুঁজি করছি!

এরপর তিনি সোজা ঘরের মধ্যে ঢুকলেন। ভিতরের ঘরে গিয়ে দেখলেন অজিতের পাশে সুজিত নিশ্চিন্তে ঘুমোচ্ছে। প্রচণ্ড রাগে তিনি সুজিতের একটা হাত ধরে হাঁচকা টান দিয়ে তাকে তুললেন। ঘুম-ভাঙা-চোখে বাবার মুর্তি দেখে সুজিত ভয়ে কাঁপতে থাকে। অজিতেরও ঘুম ভেঙে যায়। সে এসব কাণ্ড দেখে মাকে গিয়ে জড়িয়ে ধরে।

সুজিতের দিকে তাকিয়ে জমিদার বললেন, কে তোমাকে এখানে নিয়ে এসেছিল?

ভয়ে কাঁপতে কাঁপতে সুজিত বলে, আমি—এর বেশি সে আর কিছু বলতে পারে না।

জমিদার বলেন, তোমাকে যদি আর কোনোদিন এখানে দেখি, পা ভেঙে দেব। ম্যানেজারের দিকে তাকিয়ে বলেন, গরিবদের সঙ্গে মিশে মিশে আম্পর্ধা বেড়ে গেছে। এদের সঙ্গ ছাড়াতেই হবে।

অজিত আর তার মা হতবাক। অজিত তার মাকে আরো জড়িয়ে ধরে। মা যেন পাথরপ্রতিমার মতো দাঁড়িয়ে সবকিছু দেখেন। কিছু বলতে পারেন না। চোখে-মুখে অপরাধ করে ফেলার ছাপ।

সুজিত ওদের দিকে অসহায়ের মতো তাকিয়ে বাবার সঙ্গে চলে যেতে বাধ্য হলো।

মা সব সহ্য করলেন। অজিতকে টেনে নিলেন বুকের মধ্যে। তাঁর দু'চোখ দিয়ে অশ্রু গড়িয়ে পড়ল।

অজিত কি বলবে ভেবে পায় না। কিছুক্ষণ পরে সে মাকে জিগ্যেস করে, মা,

গরিবদের সঙ্গে সুজিতকে মিশতে দেবে না বলল। আমরা কি গরিব?

মা চোখ মুছে বললেন, হ্যাঁ বাবা, আমরা বড় গরিব। ওরা জমিদার, কতো বড়লোক।

সুজিত কি আমার সঙ্গে খেলবে না? মাকে জিগ্যেস করে অজিত।

মা বলেন, খেলতে না দিলে আর খেলবে কি করে?

অজিতের মুখে হঠাৎ হাসি দেখা দিল। সে বলে উঠল, সুজিতকে চুপিচুপি ডেকে আনবো। কেউ জানতেই পারবে না। কি বলো মা?

ছেলের ছেলেমানুষী দেখে মা নিরুত্তর রইলেন। অজিত আবার বলল, ও না আসে, আমি চুপিচুপি ওকে দেখে আসবো। ওর মা তো আমাকে খুব ভালবাসেন। গেলে কিছু বলবেন না, দেখো।

অবুঝ ছেলের কথা শুনে কোনোরকমে অশ্রু সংবরণ করে মা সন্মুখে তাকে বললেন, না বাবা, লক্ষ্মী মানিক, তুমি কোনোদিন ওদের বাড়ি যেও না। ওরা বড়লোক। যদি অপমান করে। তুমি যেও না।

মার মুখের দিকে তাকিয়ে অজিত ঘাড় নেড়ে সন্মতি জানায়।

কিন্তু সুজিত যথারীতি টিফিনের সময় অজিতের বাড়ি আসে, মার হাতে দুধভাত খেয়ে স্কুলে ফিরে যায়।

একদিন অজিতের মা অসুস্থ হলেন। অজিত সেদিন স্কুলে গেল না। মায়ের কাছে থেকে সে মায়ের সেবা করতে লাগল। এদিকে সুজিত স্কুলে গিয়ে তার মিতেকে না দেখে সোজা তাদের বাড়ি চলে এল। অজিতের মায়ের অসুস্থতা দেখে সেও তার মায়ের সেবা করতে থাকল। তারপর বিকেলবেলা সে বাড়ি ফিরে গেল। পথে তাকে নিতে আসা কাজের লোক বিশুদার সঙ্গে দেখা। বিশুদা তাকে এত আগে দেখে কারণ জিগ্যেস করায় সে বলল, আজ সকাল সকাল স্কুল ছুটি হয়ে গেছে।

সেদিন শনিবার। সকাল থেকেই মেঘ জমেছিল আকাশে। চারদিক থমথম করছে। স্কুল ছুটির আগেই বৃষ্টি শুরু হলো। বৃষ্টির বেগ বাড়ার আশঙ্কায় স্কুল ছুটি দিয়ে দেওয়া হলো। অজিত মিতেকে নিয়ে তাদের বাড়ি চলে আসে। মা ওদের খেতে



দিলেন। তারপর দুই বন্ধুতে কতো গল্প!

সন্দের আগেই বৃষ্টি কমে এল। টিপটিপ করে পড়ছে। অজিতের মা সুজিত ও অজিতের মাথায় দুটো ছেঁড়া কাপড় দিয়ে নিজে একটা গামছা মাথায় দিয়ে সুজিতদের বাড়ির দিকে সবাই মিলে রওনা হলেন। তাঁর ইচ্ছে ছিল সুজিতকে পৌঁছে দিয়েই ফিরে আসবেন। কিন্তু সুজিত জোর করে তাঁদের ওর মায়ের কাছে নিয়ে গেল।

সুজিতের মা ওঁদের অবস্থা দেখে এগিয়ে আসেন। সুজিতের বলার আগেই অজিতের মাকে চিনতে পারেন। বলেন, তুমি কেন ভাই ভিজ্ঞে এলে! আর একটু পরে এলেই পারতে। অজিতের দিকে চেয়ে বললেন, দেখ দেখি, বাছা কেমন ভিজ্ঞে গেছে, কাঁপছে।

এরপর জমিদারগির্গি এক বাটি গরম দুধ এনে অজিতকে খাইয়ে দিলেন। মাকে বললেন, যাও ভাই, ছেলেকে নিয়ে তাড়াতাড়ি বাড়ি যাও। আহা, বাছার আবার ঠাণ্ডা লাগতে পারে। তোমার কাপড়ও তো ভিজ্ঞে গেছে।

সেদিন রাতে কথাগুলো গিন্নির মুখ থেকে অজিতের মার সব কথা শুনে প্রচণ্ড রেগে গেলেন জমিদারমশাই। হুকুম জারি হয়ে গেল—বাড়ির কাজের লোক সুজিতকে স্কুলে পৌঁছে দিয়ে ছুটি না হওয়া পর্যন্ত বসে থাকবে। ছুটির পর সে তাকে নিয়ে বাড়ি আসবে। লক্ষ্য রাখতে হবে সে যাতে আর কোথাও যেতে না পারে।

এর ফল হলো সুজিতের পক্ষে অসহ্য। ক্লাসে ছাড়া আর অজিতের সঙ্গে দেখা বা কথা বলার সুযোগ পায় না সে। টিফিনে দুধভাতের জন্য মন ছটফট করে। অজিতও মনমরা হয়ে বাড়ি ফেরে। সুজিত আর সহ্য করতে পারে না। তার জ্বর হলো। ক্রমশ বাড়ি।

সাত-আট দিন পরে ডাক্তারবাবু জানানেন সুজিতের হয়েছে টাইফয়েড। অসুখ তার বেড়েই চলে। জ্বরের ঘোরে সে ভুল বকে। অজিতকে ডাকে। দুধভাত খেতে চায়। বিছানা থেকে লাফ দিয়ে উঠতে চেষ্টা করে।

স্কুল থেকে প্রতিদিন অজিত মুখ ভার করে বাড়ি ফিরে আসে। একদিন সে মাকে বলে, সুজিতের খুব অসুখ করেছে। ক্রমশ বাড়ছে। মাস্টারমশাই বললেন ডাক্তার তার বাঁচার আশা ছেড়ে দিয়েছেন। সুজিত আর বাঁচবে না। বলে সে কেঁদে ফেলে।

শুনে মায়ের প্রাণ কেঁদে ওঠে। অনেক ভাবলেন। মান-অপমানের কথাও চিন্তা করলেন। শেষে আর স্থির থাকতে পারলেন না। অজিতকে নিয়ে দেখতে এলেন। এসে দেখলেন সুজিত ভুল বকছে—আমি যাচ্ছি, অজিত দাঁড়া...আমি মায়ের হাতে দুধভাত খাবো। দাঁড়া, দাঁড়া...এই দেখা অজিত আসতে পারছে না। দরজা খুলে দাও, খুলে দাও বলছি...আয়, অজিত আয়। দেখ, বাবা কতো খেলনা কিনে দিয়েছে, কাউকে দেব না। তুই আর আমি খেলবো। আয়, আয়।

সুজিতের মা মাথার কাছে বসে বাতাস করছেন। অজিতকে নিয়ে তার মা পাশে দাঁড়িয়ে সব শুনছেন। চোখ দিয়ে তাঁর টপটপ করে জল ঝরছে।

আর থাকতে না পেরে অজিতের মা এগিয়ে এসে বলেন, দিদি, আমাকে এতদিন খবর দেননি কেন? এরপর তিনি সুজিতের মাথা কোলে তুলে নিলেন। অজিত পাশে বসে মিতের গায়ে হাত বুলাতে লাগল। সুজিতের মার মুখে সব বৃত্তান্ত শুনে

অজিতের মা বললেন, দিদি, সুজিতের সেবা করার ভার আমাদের দিন। আপত্তি করবেন না।

কর্তাকে বুঝিয়ে সুজিতের মা রাজী করালেন। অজিত ও তার মা দু'জনে সুজিতের সেবার কাজে লেগে পড়লেন। অক্লান্ত পরিশ্রম করতে লাগলেন অজিতের মা। আহার-নিদ্রা প্রায় ভাগ করলেন বলা চলে। জোর করে সুজিতের মা তাঁকে মাঝে মাঝে কিছু খাইয়ে দেন। অজিতও তার মিতের সেবা করে চলেছে।

আস্তে আস্তে সুজিত ভাল হয়ে উঠতে লাগল। সম্পূর্ণ সুস্থ হয়ে ওঠার পর অজিতের মা অজিতকে নিয়ে বাড়ি চলে আসার সময় সুজিত কেঁদে উঠল। অজিতের মা বললেন, আমি আবার আসবো। তুমি কেঁদো না। এরপর অজিতের হাত ধরে তিনি বাড়ি ফিরে এলেন।

মাসখানেকের বেশি অনিয়ম ও পরিশ্রমে অজিত ও তার মা দু'জনেই যথেষ্ট ক্লান্ত। দু'জনেরই শরীর ভাল নেই। একদিন অজিতের খুব জ্বর হলো। মা পড়লেন ভাবনায়। দিন দিন জ্বর বেড়েই চলল। অসাড় হয়ে সে পড়ে আছে বিছানায়। 'মা' বলে আর ডাকেও না।



ঠাকুরের চরণামৃত এনে মা তার মুখে দেন। পাশের গ্রাম থেকে এক হোমিওপ্যাথ ডাক্তারকে ডেকে আনেন।

ডাক্তার রোগীকে দেখেই বললেন, এতদিন পরে ডাকলেন! অনেক আগে ডাকা উচিত ছিল।

অজিতের মা ডাক্তারের হাতে দুটি টাকা দিলেন। ডাক্তার চার পুরিয়া ওষুধ দিয়ে চলে গেলেন।

সপ্তাহ কেটে গেল। জ্বর ক্রমশই বাড়ছে। পাড়ার লোক নানান পরামর্শ দেয়। টোটকা ওষুধের কথা বলে। ডাক্তারটিও মাঝে মাঝে আসেন। অজিতের মা তাঁর শেষ সম্বল ডাক্তারের হাতে তুলে দেন। ডাক্তার শহর থেকে বড় ডাক্তার আনার কথা বলেন।

কিন্তু টাকা কোথায়? পাশেই দাঁড়িয়ে ছিলেন অজিতের কাকা হারাধন। অজিতের বাবা একসময় ওদের যথেষ্ট সাহায্য করেছিলেন। অজিতের মা তাঁর কাছে শহর থেকে ডাক্তার আনার আবেদন জানানেন। ঘরে খুঁজে পেতে দু'চার টাকা যা পেলেন হারাধনের হাতে তুলে দিলেন। সেগুলি হাতে নিয়ে হারাধন আরও টাকা চাইলেন। মা তখন বহু যত্নে আগলে রাখা অজিতের হাতের একটি সোনার বালা বের করে তার হাতে দিলেন। পুত্রের অন্নপ্রাশনের এই বালাটি অজিতের ঠাকুমা দিয়েছিলেন। তৈরি করিয়েছিলেন তাঁর স্বামী।

বালাটি হাতে নিয়েই হারাধন তাড়াতাড়ি বাড়িতে এসে নিজের স্ত্রীর হাতে দিয়ে বললেন, এটা তুলে রাখো। ছোট খোকার অন্নপ্রাশনের সময় কাজে লাগবে। তারপর তিনি শহরে যাওয়ার বদলে বেয়াই-বাড়িতে চলে গেলেন নিমন্ত্রণ রক্ষা করতে। মনে মনে ভাবলেন কাল সকালে গিয়ে বৌদিকে দু'একটা ওষুধ দিয়ে আসবেন।

সেদিন অজিতের অবস্থা খুব খারাপ হলো। সুজিতের নাম করছে সে বারবার। বামুনপাড়ায় তারা একসঙ্গে পেয়ারা পাড়বে।

তার সঙ্গে দুধভাত খাবে। মণ্ডলবাড়িতে গাছে অনেক কাঁঠাল ধরেছে। মার জন্য চেয়ে নিয়ে আসবে। কখনো বলে—আমার সব বই নিয়ে এসো। সুজিতকে দিয়ে যাবো। তা না হলে যে সব পোকায় খাবে।

অজিতের মা ছেলের পাশে বসে। তিনি স্থিরভাবে সব কিছু শুনছেন। চোখ দিয়ে জল ঝরছে। আজ তিনি নিঃশ্ব। আর কোনো সম্বল নেই তাঁর। হঠাৎ তাঁর মনে পড়ে গেল সুজিতের কথা। অজিতের প্রাণের বন্ধু। তাঁর সেই পাতানো দেখে সে মিতে পাতিয়েছে। অজিত কভবার সুজিতের নাম করছে। যাই, তাকে একবার খবর দিই।

তীব্র দুপুর। মা ছুটলেন সুজিতদের বাড়ি।

এদিকে সুজিত কারও মুখে অজিতের ভয়ানক অসুখের কথা শুনেছে। কিন্তু সে আসতে পারেনি। আজ সুযোগ পেয়েই সে ঘর থেকে বেরিয়ে পড়েছে অজিতের কাছে আসবার জন্য।

সুজিতদের বাড়ি পৌঁছে সুজিতের দেখা না পেয়ে অজিতের মা সুজিতের মাকে সব কথা বলে সুজিতকে পাঠানোর জন্য বারবার অনুরোধ করলেন। সুজিতের মা বললেন ঐরকম রোগীর কাছে সুজিতকে পাঠানো সম্ভব নয়।

শুভিত হয়ে অজিতের মা ছুটে ফিরে এলেন বাড়িতে। এসে দেখেন অজিতের মাথা কোলে তুলে নিয়ে বসে আছে সুজিত। তাঁকে দেখে সুজিত বলে, আমাদের দেখেই অজিত বলল—তুই চলে এসেছিস! আজ আর দুধভাত খাওয়া হলো না। মা-কে ডাক। এই বলেই ঘুমিয়ে পড়ল। মা এগিয়ে গিয়ে অজিতের গায়ে হাত দিয়ে বলেন, দেখ সুজিত এসেছে। চোখ মেলে দেখ। গায়ে হাত ঠেকাতেই তিনি চমকে ওঠেন—অজিতের সমস্ত শরীর বরফের মতো ঠাণ্ডা। তিনি বুঝতে পারেন আর সে চোখ মেলবে না, কথাও বলবে না।

সুজিত কোনো কিছু না বুঝেই তার মাথাটা কোলে নিয়ে বসে আছে আর বারবার বলে চলেছে, অজিত, দেখ, কথা বল, আমি যে তোমার মিতে।







ছবি : সুদীপ্ত মণ্ডল

ভারতবর্ষে সর্বাধিক বিক্রীত কমিকস



ডায়মণ্ড কমিকস

আগামী মাসে পড়ুন



ডায়মণ্ড কমিকস বুক স্ট্যাব -এর সদস্য হোন এবং দায়িত্ব হলে ১০ টি মাসের কমিকস এর টাকায় দিন। ডায়মণ্ড কমিকস ৩ টি কমিকস আর আলাদা করে বিক্রি করে না। এই ডায়মণ্ড প্রতি মাসে ডায়মণ্ড কমিকসের ৩ টি কমিকসের সেট আপনাকে পাঠানো হবে। বাংলাদেশ বা ভারতের বাইরে খারি কোনো দেশে প্রযোজ্য হবে না। সদস্যতা স্থগিত করে পাঠানোর সমস্ত সঙ্গতি শূন্য ২০ টাকা আপনাকে ডায়মণ্ড কমিকসের মাধ্যমে পাইনি। নিম্নের নাম-এরং ঠিকানা হুবহুভাবে স্পষ্ট করে লিখুন। সমস্ত সময়ে আপনাকে অন্যান্য উপহারও পাঠানো হবে। সদস্যতার ১২ টি ডি.পি. বাতিলে ১০ মাসের ডি.পি. ফ্রি! ডায়মণ্ড পরিবারের সদস্য হোন এবং অন্যান্যদের লিখিত মিত্রকে পরিচয় করিয়ে দেন।

এক বছরে মাস	কনসেশন (টাকা)	ঘেট সফর (টাকা)
১২	৫.০০ (কনসেশন)	৩০.০০
২৩	৯.০০ (ডায়মণ্ড)	৫২.০০
২	১০.০০ (১০ নং ডি.পি. ফ্রি)	৫০.০০

সদস্যতা পর্যালোচনা এবং অন্য অতিরিক্ত উপহার, বিক্রয় এবং ডায়মণ্ড পুস্তক সমাচার ফ্রি ১০২.০০

সদস্য ৬০০বার অন্য আপনাকে কেবল মাত্র ১০০ টি করে পাইনি এবং সদস্যতা শূন্য ২০ টাকা ডায়মণ্ড কমিকস অথবা মাসে অতিরিক্ত রূপে অবশ্যই পাইনি। এই স্কিমের অর্ধেক অর্ধ মাসে ২০ ডায়মণ্ড আপনাকে ডি.পি. পাঠানো হবে, যাতে ৬-টি কমিকস থাকবে।

হ্যাঁ! আমি 'ডায়মণ্ড কমিকস বুক স্ট্যাব'-এর সদস্য হতে চাই এবং আপনাদের মাধ্যমে সেভাবে সুবিধাগুলো পেতে চাই। আমি নিম্নলিখিত জায়গায় পত্র দিচ্ছি। আমি কথা দিচ্ছি প্রতি মাসে ডি.পি. বাতিলে নেব।

নাম: _____
 ঠিকানা: _____
 পোস্ট: _____
 জেলা: _____

সদস্যতা শূন্য ২০ টাকা ডায়মণ্ড কমিকস / মাসে অতিরিক্ত রূপে পাঠানো হবে।
 আমার জন্মদিন: _____
 যেটি ৩ সঙ্গতি শূন্য পাঠানোর পরই সদস্যতা মেয়াদ হবে।
 এই স্কিম কেবলমাত্র ভারতবর্ষের ক্ষেত্রে প্রযোজ্য। বাংলাদেশ অথবা অন্য কোন দেশের ক্ষেত্রে প্রযোজ্য নয়।

ডায়মণ্ড কমিকস প্রা. লি. 257, দরিবা কলান, দিল্লী-110 006

Visit us at www.diamondcomic.com



মোহময় সুগন্ধে ভরে ওঠে মন,

সতেজতা তার যেন ভোরের কিরণ,

সুগন্ধে প্রাণ জুড়ে জাগে শিহরন।

